

**DE PIETATE  
ROMANA  
LIBELLUS IN  
QUATUOR PARTES  
DIUISUS...**

---

Dirk : van Ameyden











# DE PIETATE ROMANA

LIBELLVS

In Quatuor Partes diuifus.



AUCTORE  
THEODORO AMYDENO  
IN ROMANA CVRIA  
CAVSSARVM ADVOCATO.

*celebre*

*Amici Jacini*

*Biblioteca*

*Call. Rome*



*Levi*

*Joc. Tapa*



ROMAE, Typis Iacobi Mascardi. 1625.

*Superiorum Permissu.*

ETATIS

ANNO

SVLIIII

adhibet etiam quodammodo

AVTOR

*Imprimatur; Si videbitur Reuerendiss. P.  
Mag. Sacri Palatij Apostolici.*

ANNO ANNO

A. Episc. Hierac. Vicesg.

*Imprimatur.*

Fr. Nicolaus Rodulfus Ord. Præd. Sa-  
cri Palatij Apost. Mag.

ROMA

# PEREGRINIS

Ex Vniuerso Christiano Orbe Iubilæi  
causa Romam confluentibus.

**THEODORVS AMYDENVS**

*Salutem, & fraternum Amorem.*



ON eo, Fratres, consilio  
hunc quem vobis dico con-  
scripsi libellum vt anni iubilei  
sue sæcularis primordia, vn-  
de dictus, quare institutus il-  
lusque misteria vobis ape-  
riam, & hinc desiderio vestro Romam visen-  
di Beatorum limina Apostolorum inuisendi  
stimulos addam, ( præstiterunt enim id ipsum  
plures melioris notæ & litteraturæ Viri, quo-  
rum labor & studium non admittunt succe-  
daneam operam ) sed vt præscios vos reddam  
eorum quæ coram estis experturi, vel ideò  
fideliori calamo à me recensenda, ne alicuius  
vel minimi mendacij arguar, quod pari pro-  
sequor affectu odij, ac amoris sinceram veri-  
tatem. Liquebit ex his quam impudenter  
Nouatorum in hanc Urbem contumax furor

A 2 longe

4  
longe diuersa effutiat, & cum Rortianum Pontificem, Christi, velint, nolint, in terris Vicarium, exolum habeant maledicentiæ virus in locum in quo moratur temerariè euomant, illum Babilonem alteram vocitent, omnis libidinis & immunditiei prostibulum publicumque lupanar dicant, impotentia & superbia vnicum receptaculum statuunt; denique diuinorum pariter ac humanorum iurium exlegem faciant. Idque fronte adeo perfrecta, ore tam impudenti, ac si Vrbs Roma certissimum magnorum Heroum domicilium non in media iaceret Italia, sed apud Antipodas, aut si quæ alia fingi potest Orbis ora remotior. Non mirum ipsos ea voluisse ex libidine fingere, ex quibus non ignorarent nihil se præter iustissimam proborum indignationem & quod consequens est magnam dedecoris notam comparaturos, quia quod apud honestos probro, apud refractarios laudiducitur, penes quos nihil tam rectè inuentum; nihil tam piè institutum, quod eorum non vellicet ac deprauet iniquitas, Quorum lingua, nihil perniciosius, quorum audacia nihil prodigiosius, quorum improbitate nihil execrabilius, quorum denique peruicacia adeò semper est iuncta mendacio, vt nisi hoc  
ful-


fulciantur Scipione ipsa hæresis, quæ nunquam in vero, sed arroganti quadam superbia Deum ipsum fingit, religionemque, format arbitrio suo, funditus corruat necesse est. Longè sanè lateque patentem offerebat locus hic contendendi campum si quem reperisset contentionum amantem. Possem iusto stimulatus dolore in mendacissimos, stilum stringere, quæque illi falsò in lucem protulerunt verè aperto testimoniorum & rationum pondere obruere. Possem iacula retorquere, hastam hastæ, clypeum clypeo, Umbonem Umboni opponere. Possem vaferrimorum hominum impura diei oria, noctisq. non casta, negotia mundo aperire, sed neque agam, hostiliter nec quemquam vel lauiter sciens lædam tantum ubi opus & fas erit, ius meum, hoc est veritatem tuebor, & vt instituti mei ratio postulat historico magis quam apologetico more procedam. Ex ijs enim quæ a me solida veritate dicentur resultabit inuincibile falsitatis argumentū aduersum eos qui secus senserint, vel scripserint. Libello hanc methodum præscribam vt primo loco contineat illa charitatis erga proximum opera, quæ vulgò corporalia dicuntur, mox spiritualia subnectat, deinde reliquam vniuersam in Deum pieta-

tem cursum ut scribendi ratio & tempus postulabit percenseat; postremò eam politicae administrationis partem quæ aduenarum præcipuè quietem, & securam in Vrbe mansionem spectat, compendiosè, & dilucidè, quoad eius fieri poterit attingat, ea tamen veritatis sinceritate ut nedum quicquam aliter atque res est addatur, sed nec ipsæ res quæsitis verbis in maius tollantur. Vademe statuo ea, quæ libellus referet omnia genuina esse; nihil appositum, nihil affictum. Rogatos proinde volo singulos Romam aduenturos ut si quid improbetur me conueniant, vadimonium enim meum ijs ita probabo ut tanquam suffecti vades accedere non dubitent: Deum verò Opt. Max. precor ut accessum, & abcessum vobis ex omnium bonorum voto & præcipuè meo largiatur prosperrimum.





SENATV<sup>7</sup>I  
POPVLOQ.  
ROMANO.  
THEODORVS AMYDENVS F.

CRIPSI Quirites libellum  
de Romana, hoc est, vestra  
pictate. Librum debuisssem; sed  
condonandum homini iudiciali-  
bus caussis distraeto ut quod  
scribendam sibi ad publicam utilitatem statuit  
id omisso prolixi sermonis fugo, nudis ut dicitur  
verbis, & quam potest brevissime exprimat.  
An labor hic meus reperiturus sit fautores, qui  
acclament qui laudent, qui extollant; siue of-  
fensurus Archilochos qui damnent, qui corro-  
dant, qui deprimant, haeclenus mihi ignotum:  
probabit exitus. Vt cumque res successerit cer-  
tum existimo, minori damno libellum hunc  
paruum immo imperfectum esse quam non scri-  
ptum. Consilium scribendi fuit, ut quae coram  
in Belgij quibusdam locis & superiore Germa-  
nia, de Romani Pontificis sacriq. collegij ae  
ipsius Urbis impotentia, à nefarijs & peruer-


sis hominibus quondam exaudiueram, ea tan-  
 dem falsa esse presentibus argumentis demon-  
 strarem. Quod ipsum iamdudum factum  
 oportuit sed dies diem trudit, & labimur in  
 senium desidiōsi. Prouinciā hanc duplici de  
 causa ultro suscepi. Et quod patria gloria-  
 rer summe Catholica (talisenim Busco ducen-  
 sis ciuitas, & pietate nulli secunda) & ut Vr-  
 bi domina de me bene merenti, vel minimum  
 hoc grati animi indicium exhiberem. In supe-  
 riorem Germaniam: cum propemodum adhuc  
 infans ab Andrea Card. Ausiriaco inter au-  
 lē pueros eductus essem, & deinde etiam  
 Romam perductus, hæsi ibidem dies aliquot  
 valetudinarius, donec idem Card. Princeps  
 optimus ex morbo in itinere Neapolim contra-  
 cto fatis cessit. Post cuius obitum in Germa-  
 niam redij, & Belgium totum perlustraui,  
 præsertim Hollandiam, ubi modestior de Pon-  
 tifice quam apud Rhenanos aut alios seductos  
 populos habetur sermo & quia Romam me ui-  
 disse inficias non ibam, interrogabar sæpius,  
 quam esset Romanus Pontifex in bello (hoc  
 enim egerunt perpetua dissidia ut nullus in se  
 miles in pretio sit) strenuus siue dux siue miles  
 ridebam sane stolidam questionē & hinc nunc  
 Pontificem, nunquam cingulum meum esse, at  
 vetulum



vetulum esse & totos annos cultui diuino fuisse  
 addictum sanctissime deierabam: sed non inuen-  
 niebam apud gentes fidem. Spira matrona na-  
 bilis adiurauit me per Deum cœli & terra (ut  
 eius verbis utar) creatorem, patefacere sibi  
 an Romanus Pontifex (quem me vidisse affir-  
 mabam) esset homo reliquis mortalibus corpo-  
 ris habitudine similis? Ex quibus videre licet  
 quam pauper miserimè plurimum Christiano-  
 rum animas, à peruersis Ecclesiæ Catholice, &  
 ipsius veritatis hostibus deplorando sane exem-  
 plo in dies satuantur. Quibus utinam vale-  
 rem adimere caliginem, saltem in his minimis  
 & ipso sensu patentibus: sperarem mihi ia-  
 nuam aperiri, quâ detectis seductorum technis  
 & fraudibus sana & orthodoxa Ecclesiæ dog-  
 mata reciperent. Sed de his alias. Presentis in-  
 stitui est calumnias in Urbem ab improbis stru-  
 ctas, non verbis sed ipsis rebus bene gestis in-  
 medium attatis propellere: si Studium probaue-  
 ritis Quirites iam mei sum compos voti, nam  
 ut hoc ingenuè fatear: Maiestas Romani po-  
 puli (licet in umbra rerum) tanti est apud me  
 ponderis ut non grauiora vlla Regum sceptrâ.  
 Senatum Populumq. Romanum potius (si voto  
 agendum) quam quemuis Regum mihi deuin-  
 ctum habeam. Et ne quis vos Quirites cum

terra-

terrarum imperio & animos dimisisse existi-  
met ; ostendam proximis Saturnalibus cum  
otium scribendi dabitur, connatam caelo & solo  
magnanimitatem , vos neuiquam deseruisse  
auiæ fortitudinis & virtutum semina pectori-  
bus vestris insita in nihilo deserbuisse ; demum  
magnorum operum vos non minus ac prisci illi  
vestri , qui mundo admirationi fuerunt capa-  
ces esse ; & si vaticinio locus ob egregiam  
vestram in Deum & Romanos Pontifices pie-  
tatem , rursus orbi dominaturos . Annuat votis  
supremum quod piè colitis numen .



# DE PIETATE

ROMANA

## PARS PRIMA.

*De Hospitijs Peregrinorum communibus.*

### CAPVT PRIMVM.

**N**IHIL est quod inter mortales societatem, humanitatemque conciliet, ac ius hospitalitatis, & vice versa nihil quod eisdem inter se alieniores reddat ac repudiatio communis hospitij. Hinc Christianis quibus præscripta lege neminem lædere fas est, tunc demum cum Ethnicis, qui nullam prius iniuriam Christiano nomini intulerunt est iustum bellum, quando ab ijs violatur ius hospitalitatis, quia non civili, sed naturæ, siue gentium primæua lege hoc ius introductum est. Antiqua & vana gentilitas cum Iouem suum philium, fodalitium, domesticum, fulguratorem, iusiurandicum, nubicogem, grandistrepum, & id genus alijs nominibus appellaret cognominū corollario adijcie-

ciebat, hospitalem, vel quia hospitij ius sub Iouis, hoc est Deorum Maximi esset tutela, vel quia sub Ioue, hoc est sub Dio, ne dum mortales, sed singula animantia receptaculum & quietem inuenirent, vel quia supremo Deorum summam virtutem conuenire existimarent. Sanè una hospitalitate, nihil apud homines sanctius, nihil Deo acceptius, sacra Christianorum religio eam non consilio suadet, sed præcepto imperat, *Frangere esurienti panem tuum, egenos vagosq. induc in domum tuam*. Est autem non modo priuatorum ciuium, verum etiam ipsarum Urbium, summa laus priuatas & publicas domos patere peregre venientibus. Vt hospitalitatis institutum duplex est, publicum videlicet & priuatum, ita duplex apud Græcos inuenit nomen: priuatum illi ἰδιόξεῖαν, publicum προξενίαν, hospitium vero ipsum ξενοδοχεῖον vocant. De priuato nobis, quoniā gesta priuata in paucorum sunt notitia non erit sermo, sed de publico tantum vt quam longè in eo Vrbs Roma cæteras Orbis ciuitates, vt communem omnium parentem decet, vel ipso liuore iudice excellat, demonstramus.

Primum omnium Hospitiorum, quo Peregrini & aduenæ quicumque & quocumque

tem-

tempore benignè & humanissimè excipiuntur est Hospitium sanctissimæ Trinitatis prope pontem, qui dicitur Xisti, à Xisto IV. Pontifice Maximo eius structore. Habuit hospitium hoc initium sub Paulo III. ut cætera omnia piè inuenta à Crescentio Silua presbytero Senensi, ut legitur in libris dicti Hospitalis satis exile. Hic pius sacerdos cum multos videret peregrinos per Urbem vagantes auxilio quorundam amicorum, quibus consilium suum communicauerat conduxit domum ampliorem, illamq. coemptis lectulis impleuit, ac peregrinos quoscumque pro ædium capacitate, lectulorumq. numero hospitio suscepit, pium institutum inuenit fautores, ut breui construxerit templum satis magnificū pluribus coemptis ædibus circumiacentibus pauperum hospitio, templo sacerdotibus cultui diuino addictis.

Hospitium administratur à sodalitate laicorum, hoc est instituti laicalis licet clericos admittat, quæ omnium necessariorum curam gerit, & licet quocumque tempore hospitalitas summa humanitate exerceatur: anno tamen Iubilei ob ingentem peregrinorum multitudinem pium institutum magis elucescit: quia quandoque vna nocte enumeratur quindecies

decies mille hospites, & si rationes totius anni subducas inuenies hospitio exceptos fuisse quingenties mille, qui numerus sine frontis attractione non videtur proferendus: sed aduerte Lector me vera relaturum promississe, nec vnquam vel leuissime fidei meæ dūero. Ingens hominum multitudo in ædibus hospitij proprijs licet amplissimis non continetur. vndè alię circumuicinæ pro anno Iubilei conducuntur, & cum ob id ipsum tum propter reliquos sumptus multum çris alieni contrahatur, illud insequentibus annis, quibus sumptus non excedunt exsoluitur.

Ordo qui exercetur charitatis est admirabilis illico, ac hospites peregrè adueniunt prima nocte lauantur, fouentur, seorsim à mulieribus viri; mulieres quidem à præcipuis & nobilissimis Matronis, quæ Vicarias stipendio conductas præbent operas: Viri à Principibus Viris, Prælati, ac ipsis amplissimis S. R. E. Cardinalibus à lauatione ducuntur ad mensam, vbi eisdem lautores mira humanitate & humilitate habent epularum administratos: immò anno 1600. ipse Clemens VIII. Pont. Max. alba sindone succinctus eorumdè pedes peregrinorum sanctis manibus lauit, eorumq. mensæ astitit, nimium nobilis seu  
stru-



structor seu pincerna. Supremum in supremo  
principe Christianæ humilitatis exemplum,  
grata sodalitas, æterna memoria donatum  
voluit.

**CLEMENTI VIII. PONT. MAX.**

*Quod Xenodochium*

*Paterna Charitate inuiferit,*

*Singulari liberalitate*

*Sustentaueris*

*Sodalitas oportuna eius ope*

*Conseruata posuit M. D. XGVII.*

*Illustri D. Didaco de Campo Primicerio*

*Io. Francisci Salomonio I. V. D. Curcio Sergardæ*

*Prospero Iacobaccio, & Mario Serremedio Cusæ*

Sublatis mensis ducuntur cubitum sine  
vilo strepitu vt miraculum videri possit tot  
diuersarum nationum homines adeò concor-  
diter in vnum conuenire: Hospitij tempus  
triduum est; ijs vero qui longinquo veniunt  
diutius protrahitur, conferuntur pio operi  
quia proprius census sumptui est impar, mul-  
tæ & magnæ a probis elemosinæ vt multi in-  
tegrus sumptus in singulos dies suppleant;  
alii cum alijs conueniant, vt hi carnes, alij  
vinum,

annum, panem alij, alij bellaria. Cœna subministrant. Hoc certum & satis mirandum, evidenti Numinis providentiæ nunquam honestis epulis deesse quicquam.

Sacerdotibus ( licet hunc de quo loquimur viotum cum reliquis habuant communem ) ob ordinis reuerentiam proprium datur hospitium institutum circa annum Domini 1460. a Confraternitate Sanctæ Lucie inter Capitolium & Thermas Marcelli, & quia templum non habet iuxta commodam habitationem conducitur ab eadem sodalitate donec propriam fabricarint amplam domus quæ pauperes sacerdotes excipiantur per mensem & ultra si opus ea ut dignoscatur fronti inscriptum est.

### H. O S P I T I U M

*Pauperum Sacerdotum*

*Peregrinorum.*

Huic aliud simile nuper condidit D. Ioannes Baptista Viues Hispanus negotiorum Serenissimæ Isabelle Belgarum Principis apud Pontificem agens. Hic coemptum ad radicem collis hortulorum amplissimum palatium sacerdotibus & fidei propagandæ vsui ut sequens inscriptio indicat destinavit.

COL-



## C O L L E G I V M

*De Propagan. in uniuers. Mundum.**Per sacerdotes seculares**Catholica Fide.**VRBANI VIII. Anno Primo.*

Et licet idem fundator palatium hoc inhabitet, in nullo tamen sacerdotibus inibi degentibus, est impedimento quin immò illis conuiuit & ut negotia permittunt, eorum colloquijs sæpius interest, quorum præcipuus scopus, consilium, modum, & auxilium adhibere, quo Christiana, Catholica religio facilius per orbem propagetur. Aliqui eorum, voluntariam subeunt ad hæreticos siue infideles missionem, ut eos verbo & exemplo a concepto errore retrahant, vel certe sanguine Catholicam veritatem defendant. Huic operi a Gregorio XV. fel. record. præfecta est Cong. Illustrissimorum DD. Cardinalium de qua suo loco dicemus.

Imbecillitatis humanæ naturæ certissima indicia tum animi tum corporis morbi, & licet qui corpus affligant, illud ad internecionem redigant, non tamen comparandi, cruciabilitatibus animi: inter quas miserrimum illa

B

melan-

melancolix species quæ dementia dicitur & mortales ea parte qua homines sunt hoc est usu rationis penitus destituit. Qui summæ huic miseriæ obnoxij sunt restringantur quasi feræ in caueas necesse est, quia non tutum commercium. Eodem tempore quo Crescentius Silua principia dedit publicæ hospitalitati, eidem studebant & ordine consimili ferantes Ruiz ac Angelus & Didacus Bruni Pater & filius Hispani ex Regno Nauarræ, qui cum vidissent opus Silvæ magna incrementa sumpsisse, illudque probè esse propagatum, totam suam hospitalitatem usu rationis carentibus destinarunt. huic operi postea præfecta laicorum sodalitas, extructum hospitium prope viam latam, additumque templum, Virgini sub titulo pietatis dicatum. Recipiuntur hic cuiuscumque sint nationis fatui ac primo ingressu Helleboro ac alijs per medicinificos ad id necessarijs adhibitis probe curantur, quatenus menti restitui possint bonæ: si malum inualuerit, vt cura prodesse nequeat, retinentur donec vixerint, ac victus & amictus infelicissimo humanæ miseriæ statui necessarius magna charitate subministratur. Licet tam viri quam mulieres eodem contineantur hospicio habent tamen separata claustra, .

claustra, vt nulla inter eos possit esse conuentio, singuli suos agnoscūt ministros, qui furentes vbi opus corripiant, quos ideò summo pere timent. Semel in omni vita inuisi hanc domum ex causa cuiusdam puellæ Hollandicæ; quæ a Scoto quodam è patria seducta, vel potius rapta, in Italiam aduecta, & deinde ab eo derelicta, in conflictu feruentissimi amoris, & indigni facinoris, mentem amiserat, quæ hoc in loco, sed frustra curabatur. Excelsę pulchritudini addebat angelicam eloquentiam vt nescirem an magis admirarer, seu misererer. Præter hanc conspexi omnium nationum viros, atque etiam religiosos, Germanos Gallos, Hispanos, Belgas, & alios summa sane charitate simul & ob furorem difficultate alios & rectos.

*De Hospitijs Peregrinorum  
nationalibus.*

*C A P V T II.*

Vrbem Romam ab exordio sui imperij fuisse semper communem Virorum Patriam, vel ex eo habemus quod nulli, quantumuis Barbaro, si exuta barbariæ, frugi & fortis esset

B 2 præclu-

præcluderetur ad quoscumque Magistratus , immò ipsum imperium via : & si recte calculum ponas; inuenies , longè plures aduenas imperasse quam Romanos . Eadem & nunc hanc terrarum Dominam , ducit Fortuna : vt quispiam non falso dixerit .

*Hospitibus Mater, natis Vrbs Roma Nouerca:  
Plena dat externis vbera , sicca suis .*

Hinc omnium Nationum ad eam concursus , quæ propterea hospitia introduxere nationalia , quorum primum honoris causa sit Teutonicorum siue Teutonum , Virgini sub titulo de anima dicatum . Originem habuisse ferunt antiquam satis de anno videlicet 1350 : sedente Clemente sexto & Imperante Carolo Quarto ex causa Iubilæi , à quibusdam huius nationis hominibus : qui cum prole carerent proprias ædis hospitalitati peregrinorum qui è provincijs Imperio subiectis Romam venirent destinarunt , templumque licet, non valde amplum Virgini statuerunt: conditione apposita, vt inibi pro salute animarum suarum apud Deum effunderentur, à suscipiendis hospitibus præces: & inde Beatæ Mariæ de Anima inuenit nomen. Leguntur ista in Codice nationali in eodem

Hospi-

Hospitio asseruato. Collata plurium Teutonum stipe, quorū nomina Henricus Maruuede de anno 1463. in præfatum codicem retulit, sensim hospitium excreuit. Gulielmus deinde ab Encheuoirt Cardinalis Dertusensis priori templo solo æquato, alterius capacioris, & augustioris formæ, vt nunc videmus, construendi auctor fuit cui inscriptio.

*Templum Beatæ Mariæ de Anima Hospitalis  
Teutonicorum M. D. XLIII.*

Domum deinde quam habitabat nec non alias adiacentes è quibus quotannis nō spernendus redit census; hospitio & Ecclesiæ testamento addixit: ac in ea vt ex sepulchri inscriptione humari voluit.

*V Vilhelmo Encheuoirt Brabantino S. R. E. Card. qui pluribus Rom. Republicæ Magistratibus & Germaniæ procuratore integerr. functus ab Hadriano VI. Pont. Max. cuius res item administrauerat, libellis dandis & Ecclesiæ Dertusensi præfectus & in Cardd. Colleg. claro beneuolentiæ indicio translati in eum pristina dignit. insignib. solus cooptatus, deinde etiam a Clem. VII. Ecclesiæ Traiectensi honestatus est. Carolus*

B

3

V. Im-



V. Imperatore libentiss. quem ab illo Coronam imperialē accipientem inunxit annuente, quique beneficior. memor, Hadriani Cadaver e Petri Basilica in banc eadem cuius construere. & ornare. adiutor fuit sepulchro posito transferre curavit. in egenos & in omnes homines beneficentiss. lo. Dominicus Tranen. Antonius Sanseuerinus Cardd. & P. Vorstius Episcopus Aquen. And. Castillo script. Ap. ex testamen.

poss.

Vixit an. LXX. mortem obiit MDXXXIII.

Sepulchri verò cuius Epithaphium meminit artificio & mole superbi & Pontificis sanctissimi de re Christiana, cum scriptis, tum opere, optimè meriti, hæc est inscriptio.

HADRIANVS VI. Pont. Max.

Prob. dolor quantum refert in quæ tempora virtus optimi cuiusque incidat.

Hadriano VI. Pont. Max. ex Traiecto insigni, infer. Germ. Vrbe qui cum rerum humanarum maximè auersatus splendorem, ultro a proceribus ob incomparabilem sacrarum disciplinarum scientiam, ac prope diuinam Castissimi animi moderationem Caro-

li V.



*li V. Cas. Aug. præceptor Ecclesiæ Dertusen. Antistes Sacri Senatus patribus Collega. Hispaniarum Regnis præses Reipub. denique Christianæ diuinitus Pontifex: absens.*

*Adscitus.*

*Vixit Ann. LXIII. Mens. VI. D. XIII.*

*Decessit XV. Kal. octob. ann. a partu Virginis M. D. XXIII. Pont. sui anno II.*

*V Vilhelmus Enckeuoirt illius benignitate Et Auspicys TT. SS. Io. & Pauli Presbyter Card. Dertusen. faciundum curauit.*

En lector quos Viros pia æque ac verecunda nouatorum turba impios, alastores, foedifragos, impotentes, & apocalypticas belluas cum libitum fuerit appellat.

V Vilhelmum Card. plures secuti sunt in opere pio Deum timentes viri, cum ex inferiore, tum Superiore Germania, quorū pietate & munificentia Ecclesiæ census non modice excreuit, illi præfecta est Congregatio 12. seu 14. Virorum, nationalium, quorum prudentia & auctoritate administratur, ac in pios vsus distrahitur, quorum præcipuus hospitalitas, qua quoquo tempore suscipiuntur, pauperes peregrini

Teutonici quibus per plures dies frugalis Coena, & nocturnum exhibetur hospitium. Vrbe discedentibus iuxta personarum qualitatem honesta stips pro viatico erogatur, Mulieribus separata domus destinata, vbi etiam perpetuo decenti subuentione, aluntur eæ mulieres, quæ nationalium, siue filia, siue uxores fuere: Templo ac diuino cultui addicti 14. Sacerdotes, Sacrista, Organista, & 4. Accoliti, ad nutum Congregationis supradictæ amouibiles, qui tamē non nisi volentes, seu iusta & magna causa amouētur: in singulos menstruum & quidem sufficiens conferitur, stipendium. Ex Sacerdotibus qui Cappellani dicuntur, desumitur qui peregrinorum curam gerat, eosque moderetur communi vocabulo pater pauperum vocatur, quos non nisi, audito sacro: quod summo mane recentiori instituto solenne est ab Ecclesia dimittit.

Germanico succedat Gallicū diuo Ludouico Galliarum quondam Regi sacrum, templum habet augustissimi prospectus, opera Matthei Card: Contarelli dum Greg. XIII. esset Datarius & plura emolumenta ad Datariam spectantia Sanctissimo Pontifice annuente fabricæ illius applicaret affabre adornatum. habuit Gallica hospitalitas initium ante multos



multos annos quorum principium non est in hominum memoria (evidens antiquę pietatis argumentum) in Sacello Saluatori dicatum, in Thermis Alexadrinis, prope præfatũ templum sancti Ludouici, quod & hodie a dicta natione possidetur. Vtrumque gubernatur a Congregatione 30. Virorum, quorum 12. Galli, sex Lotharinghi, sex Sabaudi, & sex Britones, illorum vno decedente sufficitur ab ipsa Congregatione alter, in decedentis locum: res sacra administratur à 26. præbyteris quibus à Card. Contarello adiecti octo Cantores, & Organista qui festiuis diebus inter sacrorum solemnia psallant. Hospitalitas exercetur a tribus ex dictis sacerdotibus, quorum vnus est perpetuo hospitalarius, reliqui duo per vires hospitalario auxilio sunt. Recipiuntur per triduum omnes quotquot veniunt dictarum nationum aduenæ quo elapso dimittuntur donati aliquo munusculo, charitatis & pietatis indice. beneficiorum in hanc Ecclesiam a Card. Contarello collatorum testis est sepulture in Sacello Apostolo sibi cognomini dicato quod fundauit inscriptio.

Hispani publicam Romę exercuere hospitalitatem anno a Christo nato 1450. auctore Alphonso de Paradinas, qui templum Dido Iacobo

Iacobo Hispaniarum Patrono, ac Ildefunso Episcopo Toletano ad circum Agonis & iuxta illud hospitium statuit vt ex eiusdem tumuli inscriptione.

*Alphonso de Paradinas Episcopo Ciuitatens  
huius Ecclesie & hospitalis fundatori, pau-  
peram oppressorum fautori pijsimo, sacrarum  
cognitionum consultissimo honoris pietatisque  
causa: vixit annos nonaginta, obiit 19.  
Octobris MCCCCLXXXV. Pont. Innocen-  
tij Papæ Octauo Anno II.*

Hæc lapis parieti infixus, existimo tamen, templum in ampliorem formam redactum ab Alex. VI. Pont. Max. natione Hispano vt videre est ex gentilitijs ipsius iconibus prospectui & parietibus templi affixis. Alphonfus Episcopus ordinauit vt res sacra a 12. sacerdotibus administraretur hodie piorum elemosinis numerus eorum accreuit ad vigesimum. Templi ac hospitij cura est penes Congregationem Laicorum, ex primoribus nationalium Regni Castellæ, quos inter non comprehenduntur Valentiani Arragonenses & Catalauni aut Insularum Balearium, & Sardinia

diniæ habitatores quibus separata est Ecclesia & congregatio, de qua mox habebimus sermonem. exercetur hospitalitas erga peregrinos utriusque sexus summa cum humanitate in seiunctis domibus ne detur ansa scandalo, habet natio hæc Catholica laudabile sane institutū ut singulis festiuitatibus resurrectionis Domini nostri Iesu Christi circa eam ipsam ante diluculo horam, qua idem D. N. a mortuis resurrexisse creditur solemnissimam agat processionem circum amplissimum circi Agonalis forum, quod theatri more instructum, tot cereis implet, & luminaribus, tantoque apparatu, circumfert sanctissimum Eucharistiæ sacramentum, ut sumptuosius & augustius vix quicquam excogitari possit: iudicabam sanè, cum primum sacrum spectaculum intuerer, labores itineris e Belgio Romanam susceptos, vel hoc vno viso, satis fuisse compensatos. Operi huic præfecta est peculiaris Congregatio, omnes & singulas, Hispaniarum Nationes Regi Hispano parentes comprehendens.

Lusitanorum in omnibus, quæ vnquam patrarent facinoribus semper eluxit candens quædam, & religiosa pietas Indos ingenti fortitudine ferro subactos, non tam ditionis

●CCU●

occupandæ causa vt historias consideranti patebit: quam propagandæ religionis, ingentibus periculis voluerunt . Romæ primum hospitalitatē exercuere sub Nicolao V. Pontifice Maximo anno videlicet 1450. Auctor fœmina nomine Ioanna de Vlispone . Hæc cum per id temporis Iubilæi causa Romam venisset ibidem reperit plures pauperes mulieres lusitanas eadem deuotione ductas, per Urbem vagantes, quarum miserta domunculam coemit, quam stratis & suppellectile impletam, illarum vsui & hospitalitati addixit. Hospitalitas hîc per aliquot annos exercita, donec Antonius Cardinalis Portugallêsis magnis sumptibus coemeret plures domos in quibus amplum extruxit publicum nationi hospitium, templo, sub inuocatione D. Antonij de Padua ortu lusitano adiecto. Res sacra peragitur a quinque sacerdotibus. Templum ac hospitium regitur a Congregatione 20. virorum nationalium . Hospitalitas huius hospitij non est vt apud reliquas nationes ad triduum, aut quadriduum restricta, sed laicis exhibetur ad mensem, sacerdotibus & mulieribus ad bimestre & ultra, iuxta gentis qualitatem . auctorem suum refert templi inscriptio .

*Hospi-*



*Hospitale D. Antonij Card. Portugallensis .*

Licet paucis illinc ab annis fuerit à Georgio Cardinale Vlissiponensi censu auctum . Præter hoc hospitium, idem qui supra Card. Antonius plura apud sanctum Ioannem in Laterano, cui Basilicæ Arcipresbyter præerat, extruxit sumptuosa ædificia , ibidemq; in Sacello Baptistæ post mortem reconditur .

*Sepulchrum D. Antonij Card. Portugallensis,  
qui obiit Romæ die 11. Mensis Iulij  
anno à Natiuitate D. M. CCCC XXIV.  
cuius anima requiescat in pace .*

Anglia quam itidem magnam Britanniam vocant, inter alia mundi regna Christo, eiusq; Ecclesiæ fuit primogenita, ut potè quæ Baptismum, ac Christianā Religionē publicè suscepit sub anno Dom. 180: Hæc pluribus sæculis probè coluit, adeour illius pij Reges illud Ecclesiæ constituerent vectigale: præterito sæculo à suo capite simul & veritate in fœlici exēplo desciiuit, Facinus in antiqua Christiana gente hoc mirabiliùs, & miserabiliùs est, quòd non aliam diuisionis habuerit causam, quam

quam vt Rex contra fas , & ius pro sua libidine ductitaret . Turpis occasio , turpior recessus . Sed dabit Deus his quoque finem, & subiustis . Regibus , propediem nobilissimum orbis christiani membrum suo capiti restituetur, immò, vt alias non vanus Calcas vaticinatus sum, iam nunc video, è Tamesi carinas Tiberim findentis , quærentes matrem , petentes pacem .

Gentis hospitalitas cæpta Romæ sub Bonifacio eius nominis nono , anno Dom. 1398. causam dedit : Anglicæ mulieris noctu per Urbem vagantis , à feris comesæ , indignus euentus , quem ægrè ferens Ioannes Skopandus Anglus , Urbis incola, Prælatos nationales , reliquosq; ditiores conuenit, vt huic malo aliqua via mederetur; conuentum inter ipsos, latè disputatum, nihil conclusum. Indignabundus Ioannes, qui pium se dici vult, exclamat , me auctorem imitetur , ac illicò pluribus bonis distractis, domum coëmit, illamq; suppellectile necessaria repletam, hospitalitati suæ nationis donauit, illiq; se & vxorem (quoniam liberis carerent) totos addixit . Opus à Ioanne coeptum ab alijs nationalibus breui suscepit incrementum. Templumq; iuxta hospitium , iam valdè ampliaturum extruxerunt sanctis-

sanctissimæ Trinitati sacrum. Eodem ferè tē-  
pore mercator quidā Anglicus paruum quod-  
dam, & separatum hospitium nautis extruxit,  
in regione Transtiberina, propè D. Chrysogo-  
num, utrobique exercita hospitalitas, quam-  
diu in insula sartatecta relligio, qua explosa  
cum rari illinc aduentarent Romam Angli,  
Greg. XIII. Pont. Max. hospitio addidit eiuf-  
dem nationis collegium, de quo suo loco il-  
liq; adiunxit etiam præfatum hospitium nau-  
ticum hospitalitate minime sublata.

Flandria potens & ampla, Belgij, siue in-  
ferioris Germaniæ Prouincia: Principes, ad-  
gētis genium semper habuit relligionis amā-  
tissimos, qui non semel Hierosolymas forti,  
& diuite populo adiuti, è Saracenorum Tyrā-  
nide vindicarunt. Gens ipsa hospitium Ro-  
mæ longè ante quingentos annos suscipien-  
dis pauperibus peregrinis adificauit, ei que  
Templum D. Iuliano patrono tutelari sacrum  
adiecit. Robertus Comes Flāndriæ cum  
Hierosolymas sub Urbano II. anno 1194. Ro-  
mam pertransiens tenderet, hospitium lapsum  
restaurauit, ac census accessione ampliauit;  
Suscipiuntur hospitio, nō solum Flāndri, sed  
& Brabantini, Burgundi, ac reliqui ex Pro-  
uincijs Belgij Hispano Regi parentibus;  
Tem-

Templo addiſti proprij Miniſtri , vtrumq; regitur , vt cætera hoſpitia nationalia à Congregatione primorum nationalium , quæ præter hoſpitalitatem , alia exercet pietatis chriſtianæ opera , de quibus ſuo loco .

Hiſpania citerior , quæ Tarraconenſis , & mutato parum nomine Arragoniæ Regnum , hodie dicitur continet Valentiam , Catalauniã , Inſulas Baleares , quæ Maiorica , & Minorica vulgo appellantur , & Sardiniam . Hæ nationes in vnum corpus conflatæ diuerſam , à Caſtellanis conſtituunt Congregationem : quæ de anno 1495 . primum & deinde de anno 1570 . hoſpitium extruxit , & Templum Deiparæ Virgini titulo . Montis Serrati ſacrum . Recipiunt hoſpites ad inſtar aliarum nationum . Res ſacra fit à duodecim capellanis , quatuor acolitis , ac Organiſta . opus adhuc in dies perficitur .

Hungariæ Regnum ſuis cladibus nobile præſtantiffimos lapſis temporibus fortitum eſt Reges , inter quos Stephanus ille Sanctorum catalogo aſcriptus . Hic cum baptiſmatis lauacro anno à partu Virginis 987 . eſſet regeneratus . flagranti deſiderio Hieroſolymas Conſtantinopolim , & Romam magno totius Regni nobilium numero comitatus inuiſit , ac

in



in singulis dictis Urbibus hospitia subditis suis, qui eadem loca visitarent, regali munificentia ædificauit; Romæ quidem in ipso Vaticano propè Basilicam S. Petri cui inscriptio.

*Ecclesia Hospitalis S. Stephani Regis  
Vngarorum.*

Hospitium hoc fuit restauratum sub anno 1497. ab Vladislai Hungarorum Regis procuratore, ut inscriptio in pariete hospitalis

*Domus Vngarorum renouata per D. Phi de  
Bodrug. DD. sc. D. Vladislai Reg. Proc. ex  
elemosinis peregrinorum sedente Alex. PP.  
VI. 1497.*

Extat hodie hospitium, & templum, nec deficeret si essent, in quos exerceretur hospitalitas. Cura hospitalis, & templi est penes fratres eremitas quosdam natione Vngaros.

Habet hoc nobile Regnum aliud iu Vrbe in Monte Cœlio peramplum, & magnificentum templum: ab orbiculari figura, rotundum vulgo nuncupatum, ab eodem magno Rege non à fundamentis ædificatum (erat enim antiquitus Gētilium errore Fauno cornuto Deo

C

Sa-

Sacrum ) sed restitutum , ac eidem Stephano , Protomartyri dicatum , illudq; & illius censum . Greg. XIII. Pont. Max. Collegio Germanico , & Hungarico prouidè , vt suo dicemus loco perpetua vnione connexit .

Bohemia Hungariæ propinqua prouincia , olim Ducatus , deinde Regio titulo decorata , hodie tot hæresibus deturpatur , vt nihil impium , nihil vnquam in mundo fœdum , quod in hoc omnium impietatum , & immunditiarum cloaca miserrimo Regno non reperiatur , nullus erga Deum , & hominem tam impius , qui hic non recipiatur ab illo Ioanne Hus de atheismo in alium continuo prouoluti , vt Trinitarios , Antitrinitarios , & infinitas alias orco deductas sectas omittam , ijs è latebris annis præteritis prodijt libellus , cui inscriptio , *Christus phantasma , Trinitas figmentum* ; blasphemia absque horrore pijs auribus non recipienda . dat debitas impietati pœnas cum igne , ferroue deuastata vniuerso mundo despectui , proprijs Principibus inuisa , ferè ad internecionem deletur , & non dum vulnere obducta cicatrix , vtinam aliquando menti restituta bonæ sistat cruorem .

Hospitium habet Genti Romæ ædificatū à Spironco ex Duce primo Rege , qui noua maiestate

iestate lætus sub anno 931. Urbem accedens, hospitium popularibus suis fundavit; censuq; dotavit amplo, in ea Urbis Regione, quæ à Pontè Adriani deducit nomen iuxta templum D. Luciae. Carolus deinde quartus Augustus sub anno 1397. ruinosum hospitium pristino nitori restituit, ac nouo superaddito censu ampliavit, vt ex inscriptione.

*Carolus Imperator Rom. IV. Rex Boemorum  
& horum protector Hospitale Bohemorum  
ruinosum, refecit anno 1357.*

Extant hodie ædes Hospitalis, hospitibus vacuæ, quos tamen præstolantur.

Brigida, siue Brigitta regio sanguine procreata sanctissima foemina pietatis causa Romam venit circa annum Domini 1344. vbi magna floruit sanctitate; inter reliqua Religionis monumenta genti suæ fundauit hospitium propè campum Floræ in iisdem quas inhabitabat ædibus, cuius inscriptio.

*Hospitale Sueuorum, Gothorum, &  
VVandalorum.*

Ea mortua , ac à Bonifacio IX. inter Sanctos relata, hospitio adiectum templum eidem Brigidæ sanctum. Gente , deinde à communi Ecclesiæ gremio schismate diuisa hospitium, vna cum templo rimas egit , vtrumque restitutum sub Leone X. vt denotat hospitij inscriptio .

*Domus S. Brigidæ Vastenens. de Regno Suetiæ restaurata annæ Domini 1513.*

Quo tempore Olaus Magnus Gothus Archiepiscopus Upsalensis celebris morum Septentrionalium populorum Scriptor , illud sua habitatione cohonestauit . Recipiuntur hodie , si qui adueniunt peregrini ex Gothis Vandalis , & Suecis : templo debitum quotidie præstatur officium , ipsa Brigida decessit Romæ in Monasterio sancti Laurentij , in pane , & perna , cui Catharina eius filia Noritiæ Princeps monialis præerat , testatur hoc inscriptio marmori sculpta in præsentis monasterij Templo.

*Sancta Brigitta hic obiit 1377. die 23. Mensis Maij, & canonizatur per Bonifacium IX. anno 1391. die 7. Octobris .*

Deces-

Decessit deinde Catherina, & ipsa magna sanctitatis fama, vt quādoq; de ea inter Sanctos reponenda fuerit initum consilium, quod varijs impedimentis dilatum.

Scoti Romæ hospitium habuere in Campo Martis, illiq; iunctum Sacellum D. Andreæ Regni Patrono dicatū. Quod cum tristi separatione ab Ecclesia se refecaret, deerat, qui hospitalitatem exerceret, & qui ea vteretur. Vnde annis elapsis Alexander Sitonius nobilis Scotus hospitium, & sacellum nomine suæ nationis concessit sodalitati corporis Christi parochialis Ecclesiæ sancti Andreæ, hospitio ferè contiguæ: conditione apposita, vt ipsa sodalitas teneretur recipere hospitio pauperes peregrinos Scotos, cui oneri illa se libens astringit, vt ex publicis desuper confectis tabulis, & luculenter præstabit promissa modo sit, qui beneficium recipiat.

Mahometes Octauus Turcarum Imperator, siue Tyrannus, & vt Barbari loquuntur, Padiscach, infensissimus Christiani nominis hostis, Constantinopoli expugnata, vniuersam Græciam, ac Illyrium illi contiguum ferro, & flamma deuastauit. profugi plerique in Italiam, & præsertim Romam omnibus ad vitam humanam necessarijs destituti confu-

gere eorum miserti, tres Illyricorum Episcopi, qui tunc in Vrbe præsentes erant pauperibus, qua via potuere meliori subuenerunt . Primò igitur collatis pecunijs solùm in Martis campo iuxta Tiberim hospitio construendo emerunt , ad quod opus , cum non suppeditaret pecuniæ satis, humiles ex palustribus canis extrui curarunt casas , quibus vt melius potuit hospites recepti. Paulo post sub Paulo Secundo Romam similiter ( rursus fugientes immanis Turcæ tyrannidem ) tanquam vnicum oppressorum , quicquid sectarij blaterent , refugium venere , Regina Bòsfinæ, & seruiæ Despotus vterque à Pontifice benignè receptus, ac vtrique menstruū, & quidem per amplum assignatum stipendiū , quòd Paulo è viuis sublato , Sixtus eius nominis Quartus, qui illi successit, nedum diminutum sed adauctum voluit, necnon Regina, & Despoti præcibus illi genti maximum, fundū circa iam pridem cōemptum dono dedit hospitium illustrauit , templumq; iuxta illud Diuo Hieronymo sacrum fecit, quod honoris causa Cardinalatus titulo decorauit . Illud dein de Sixtus eius nominis Quintus , quia illi initulum obuenerat deiecit, ac alterum Augustius è Tiburtino lapide magnificentissimè à fun-

fun-

fundamentis extruxit. Res diuina curatur à multis illius gentis Sacerdotibus. Hospitium, quo nationales recipiuntur à Congregatione Laicorum eiusdem nationis maxima cum laude administratur, ac alia exercentur pietatis opera, de quibus suo loco.

Insubres, quos vulgus Lombardos, siue Longobardos nominat hospitium, & templum Diuo Ambrosio Archiepiscopo Mediolanensi sacrum fundarunt Romæ, Anno à partu Virginis 1471. sub Sixto Quarto Pont. Max. Templo addicti multi Sacerdotes. hospitium recipit pauperes peregrinos, prouinciales, vtrumque regitur à confraternitate Laicorum nationalium, & vtriq; facta magna accessio, post quam Carolus Cardinalis Borromeus Archiepiscopus Mediolanen. nuper à Paulo V. Pót. Max. inter Diuos relatus est: ceptum enim extrui ingentis operis, vt ipsa moles indicat, quod Ambrosio, & Carolo dicabitur templum, sed adhuc hæret in suis principijs, vt prouinciales opus viribus maius aggressi videantur; fauente tamen bono Numine, & concurrentibus piorum eleemosinis opus magnificum absoluetur.

Liguria Urbem Prouinciæ dominatricem habet Ianuam, siue Genuam: opulentam,



splendidam, diuitem. Vt Ianuenses lucro maximopere sunt addicti, ita magnorum operum sunt auctores: nostrum institutum concernit illud Meriaducis Cicadae nobilis Ianuensis Sixti IV. Pont. Max. quaestoris nummularij, qui testamento iussit templum statui: D. Ioanni Baptistae Ianuensis Ciuitatis Tutelari patrono, & iuxta illud hospitium, recipiendis pauperibus nautis destinatum: vtrumque effectum, vt hodie visitur, Templo nempe inscriptio.

**SANCTO IOANNI BAPTISTAE SAC.**  
*Meriadux Cicada Genuen. locum hospitalis faciundum pauperibus nautis recipiendis, & nutriendis fec.*

*Testamento reliquit.*

Hospitij verò laqueari magnis characteribus expressum.

*Impensa Meriaducis Cicada ex Testamento erecta Anno Dom. M. CCCC. LXXXIII. Et in inferiori.*

*Meriadux Cicada Genuen. ob fidem, ac Religionem à Sixto IV. Pont. Max. Fisco Apostolico seruando electus vixit Ann. 51. D. 7. Hor. 4. Hospitale hoc pauperibus Nautis alen. & morbo curan. pecunia sua a fundi faciun.*

*faciunt. testamentum reliquit deinde non praterita.*

*Hic situs est 4. Nonas Aug. ann. Salutis.*

*M. CCCC. LXXXI.*

Religiosum opus valde promotum, à Io: Baptista Cicada S. R. E. Cardinale sub anno Domini 1551. qui hospitalitatem à nautis ad omnes ligures cuiuscumq; tandem sint conditionis, & professionis viros, & mulieres liberaliter extendit.

Iuo legum peritus apud Britones, circa annum Domini 1330. magna sanctitatis fama floruit, omnem operam viduarum, pupillarum, ac reliquorum pauperum defendendis causis adhibuit, unde cōmuni vocabulo pauperum Aduocatus dictus est. tanta fuere iusti viri merita, vt post obitum inter Sanctos relatus sit. hinc pluribus in locis, ad quæ nomen penetrauit, templa, & altaria inuenit, inter cætera Romę Templum in Campo Martis, quod vetustate ferè collapsum à Congregatione, seu Sodalitate nationali fuit magnis sumptibus restitutum; vt ex memoria portæ Templi inscripta.

*Diuo Iuoni Trecorensi, pauperum, & viduarum Aduocato Natio Britannie ædem hanc*

*hanc iam pridem conseruatam restaurauit ann.  
M. D. LXVIII.*

Templo adiectum hospitium, vbi recipiuntur quotquot recenter Romã, tam viri, quàm mulieres ea è natione veniunt. Hospitalitas non ad triduum, vel quatrimum restricta, sed in aduenas exercita, donec Vrbe discesserint, si decessum cogitent, si manere cupiant, donec manendi occasionem notam fecerint; in qua quærenda illis auxilio est Congregatio. Templum parochiæ curam habet, quæ à Parocho, & quatuor Capellanis geritur. cohonestatur singulis annis in die Iuonis solemni Missæ sacro à caussarum Curix Advocatis, & celebri habita in pij viri laudem oratione, cui accedit integrum sacrum Cardinalium Collegium.

Sed nec Indi ante aliquot annos fama potius auditi, quàm commercio agniti, in hac communi patria destituuntur hospitio, assignauit hoc eis, & iuxta templum D. Stephano, sacrum Clemens eius nominis VII. Pont. Max. in ipso Vaticano, cui Greg. XIII. pauperum bono natus liberaliter addidit, vt victui necessaria è palatio Apostolico hospitio splendidè erogarentur: indignum iudicans, genti

genti peregre adeo religionis causa Romam venienti aliquid deesse . Ob ingentem distantiam nullum eis præscribitur manendi tempus , sed si perpetuò manserint perpetuò aluntur ; & quia Indi , qui huc accedunt sunt plerumque ex Abassinis multis erroribus infecti instruuntur probe in fide Catholica, vt ad suos quandoq; reuersi iisdem errores, quibus implicantur detegant .

Armenia licet inter primas fuerit , quæ Christo nomen dedit prouincias , nihilominus, neque templum, neque hospitium Romæ habuit ante ann. 1564. sed si qui Romam Armenorum veniebant hospitabantur cum Indis. Verum cum ad Pium IV. Pont. Max. venisset Sepher Abagarus Armenus gentis suæ Orator , qui ab Abagaro illo , de quo in Apostolorum actis fit mentio originem trahere asserbat , idem Pontifex genti assignauit hospitium propè Insulam Tiberinam , quòd cum Pius V. successor in Hebræorum sepro occlusisset Greg. XIII. ne iisdem muris Christiani , vnà cum Hebræis containerentur : Armenos transtulit ad Ecclesiam non longè inde distantem Mariæ Aegyptiacæ sacram, ibidemq; genti hospitium construxit , parochiali cura , quæ huic Ecclesiæ imminebat in vicinam .

Sanctæ

Sanctæ Mariæ in Cosmedin translata . hospitalitati decem menstruos aureos è pontificis ærario numerandos adiecit. Receptis recenter hospitibus longo itinere fessis totum triduum quieti conceditur , mox interrogantur , unde & qui, exigunturq; testimoniales , quibus exhibitis quia græco litât more schismate abdicato , imbuuntur pietate latina , vt si ad suos redire contingat eam prædicent , & defendant .

Stanislaus Hosius Cardin. Varmiensis vir optimè de Republica Christiana meritis, cum videret , nullam adeo remotam ab Vrbe gentem esse, quæ in ea templum, & hospitium non haberet ijs propriam carere non est passus, sed à Greg. XIII. Polonis suis Ecclesiam S. Saluatoris ad radices Capitolij, parochiali cura ad Ecclesiam S. Luciae illi conterminam translata , ac vicinas illi domos pro hospitio , censu Ecclesiæ antea debito hospitio relicto , concedi obtinuit , & quod viuens adimplere non potuit testamento iussit , templum à fundamentis restaurari, & Saluatori , ac Stanislao Diuo ; cognomini dicari , hospitijq; censum pro hæreditatis viribus augeri; vtrumque exequutum visitur enim templum instauratum, ac sacra suppellectile decenter ornatum, Sal-

Saluatori , & Stanislao dicatum, vt refert in-  
scriptio .

*Sancti Saluatoris, & S. Stanislai Polonorum  
Anno Domini M. D. LXXX.*

Hospitium censu adauctum , vt hospitali-  
tas commodè exerceatur Hosius sanctissi-  
mus Vir Romæ moritur , conditur apud San-  
ctam Mariam Transiberim , vbi eidem in  
marmore memoria .

D. O. M.

*Stanislao Hosio Polono sacrae Romanae Ecclesiae  
Presbytero Cardinali Varmienti Episcopo ,  
Penitentiario maiori , sanctitatis, eruditio-  
nis , & eloquentiae gloria celeberrimo Catho-  
licae fidei acerrimo propugnatori, qui cum an-  
tiquae probitatis , & Episcopi vigilantiae pra-  
stantiam in humilitate, charitate, castitate ,  
& beneficentia exprexisset haereticas sectas  
scriptis, & consilijs sapientissimè , & feruen-  
ter oppugnasset , multos ab erroribus reuo-  
casset , grauissimisq; legationibus pro pace  
Ecclesiae Dei cum apud Carolum V. & Fer-  
dinandum Caesares tum praecipuè in Sacro  
Concilio Tridentino Pij IV. Pont. nomine sæ-  
licissimè perfunctus Christianae Reipublicae  
plu-*

*plurimum profuisset omnium virtutum laudibus exemplis ad imitandum abundans obdormiuit in Domino Nonis Augusti , Anno Salutis 1589. etatis suæ 70. Stanislaus Patruus , & Stanislaus Rescius patrono beneficentissimo executores testamenti poss.*

Pius IV. Pont. Max. vt ex pluribus monumentis apparet regium gerebat animum , unde non solum nitebatur rebus ad religionem spectantibus , sed & quæ Principem decent Urbem Romam , qua potuit aduersum hostes tutiorem reddidit, Urbem Leoninam vallo, & muro cinxit, plures Urbis portas , vel restaurauit, vel a fundamentis extruxit, Flaminiam Populi portam, vulgo dictam Nomentanam, ab eius in sacerdotio nomine Piam nuncupatam , & alteram nouam in Vrbe Leonina , ab eius nomine ante sacerdotium appellatam Angelicam . Propter hanc recēs Eremitarum extractum hospitium , quo recipiuntur quicūq; pro domus capacitate recipi possunt pauperes , & lautiori, sed frugali mensa: vidi opus exoriri , & iam piorum eleemosynis excreuit ad non contemnendam amplitudinem , templum habet Virgini sacrum religione toti Vrbi percelebre , sed de eo suo loco , nunc  
enim



enim non nisi quæ ad hospitalitatem , & quidem publicam spectant recensere propositum . hic sistent , si iisdem addidero Romanorū Pontificū in recipiēdis hospitibus quoquo tempore , sed præsertim anno lubilei paternam charitatem , & regiam in peregrinos munificētiā , quæ sanè talis est , vt vix fidē inueniat apud absentes . Nullū in aduenas prætermittitur humanitatis officium , in quo VRBANVS VIII. Pont. Max. vt in reliquis nulli prædecessorum est minor , à quoquam vinci non patietur . Statuit enim Principes , & magnates splendidè , etiam in proprio sacro palatio recipere , Episcopos vero , & Sacerdotes seiunctim , in alijs ædibus secus Basilicam Petri , proprio ære conductis , diuite suppellectili repletis , ijsq; omnia ordini dignitati , & victui necessaria munificentissimè exhibere . Regij animi operi concernentia iam nunc summa prouidentia congesta . Videant tandem sectarij , quam ingratijs Papæ , illiusq; auctoritati detrahant . Romani Pontifices absentes movent , præsentem fouent , dona conferunt , singulos auxiliantur , omnibus elargiuntur , pro omnibus excubāt . Quid ( malū ) à Papa admittitur sceleris , aut omittitur pietatis ? Vnde igitur tot gētibus inuisum nomē ? anne quia summum

num beneficium non potest, nisi summa ingratitudine repēdi? sed vincet inuidiam VRBANI foelicitas, & quem gratissimum expectiur Numen, & homines, ingratitudine peti superi non permittent.

*De Hospitijs Aegrotorum communibus.*

C A P V T . I I I .

Hospitalitatis vsum apud Rom. non solum fuisse in suscipiendis peregrinis, sed etiam in curandis ægrotis denotat locus Liuij lib. 2, *Benignè excepti (inquit) in hospitia diuisi curati vulneribus.* Christianam gentem omnes alias hoc pietatis genere longè excellere vnus Romæ exemplo satis comprobatur, habet illa non longè à Vaticano ad Tiberis litrus in Vico Saxonum Xenodochium, seu hospitium ægrotis destinatum totius orbis celeberrimum; tot palatia, tot domus, ambitu continens, vt integri oppidi potius, quam vnus habitationis speciem præferat. Augustissimi Terrarum operis, auctorem Camillus Fanuccius, qui hæc congerere tentauit Symmachum Pont. Max. eo quod ipse legatur pauperibus habitacula prope D. Petrum construxisse affirmat, & quia de alio non constat  
infert

infert illud esse hoc idem , de quo agimus .  
Verum argumentum non concludit, nam quæ  
de Symmacho referuntur sunt ista .

*Alphonsus Ciacchonus in vita Symmachi ex Pla  
tina , & alijs. Ad B. Petrum, & B. Paulum  
Apostolos, & ad S. Laurentium Martyrem,  
pauperibus habitacula construxit, curauitq;  
ne quid eis deesset , quod ad victum pertine-  
ret . Amator enim pauperum fuit .*

Quibus verbis nulla fit mentio de ægrotis ;  
accedat quod eloquutio ista antiqua , apud  
B. Petrum denotat locum templo contiguum  
vt in similibus est obseruare : hospitium verò,  
de quo agimus longius distat, quam vt huius-  
modi loquendi modo designetur: eodem  
argumento existimo hallucinari eos, qui ope-  
ris auctorem faciunt Leonem III. Pont. Max.  
licet enim de eo dicatur, quod ædificauerit à  
fundamentis apud S. Petrum amplissimum  
hospitale, non tamen potest argui , quod hoc  
fuerit illud , de quo agitur, cum nulla huius  
facti extet memoria , & omnem ambiguita-  
tem tollit , quod planè constat operis aucto-  
rem fuisse Innocentium III. vt ex inscriptione  
eiusdem hospitij , videlicet .

D

Hic

*Hic Innocētiū III. Angelicæ monitioni parens  
in honorem sancti Spiritus hospitale fundari,  
& erigi iussit.*

Vbi nulla mentio de hospitio priori, & clari-  
us indicat alia inscriptio.

*Hic Innocentius III. de Comitibus, admonetur  
per Angelum, ut hospitale pro saluandis ex-  
positis adificet, & locum ei in Saxia designet,  
ubi passim omnes recipi, & educari debent:*

Ex designatione enim loci constat ibidem  
nullum alterum præstitisse, & demum ip-  
sum hospitium Innocentium fatetur suum  
auctorem, ut sequenti tabula.

*Innocentio III. Anagn. Pont. Max. Xenodochij  
huius toto orbe celeberr. cum denarijs dotali-  
bus fundatori & Religionis Fratrum ibi in-  
stit feliciss.*

Cōprobatur hoc ex restitutione Sixti IV.

*Sixto IV. Sauonen. Pcnt. Max. loci huius iam  
fermè diruti, à fund. in ampliorem, & elegan-  
tiorē formam erectori, & plurimarum gra-  
tiarum per diplom. ampliss. largitori sanctiss.*

Ex

Ex quo dubio procul liquet Innocentium III. non fuisse hospitij præexistentis restauratorem , sed nouiter erecti fundatorem , & Sixtum IV. labentis amplissimum restitutorem , & licet de Eugenio IV. legatur memoria , eum fuisse huius Xenodochij restitutorem , intelligendum quoad priuilegiorum concessionem ; non tamen : quoad fabricæ , siue constructionem , siue ampliationem , vt satis clare denotant memoriæ verba .

*Eugenio IV. Veneto Pont. Max. Confraternitatis utriusque Christi fidelium intermissæ non sine maximo huius loci emolumento cum priuilegijs restauratori optimo .*

Hæc Confraternitas hodie penitus deficit , quod multum miror , cum operi pio valde esset vsui . Eugenium sequuti sunt plures Romani Pont. quibus omnibus beneficij accepti dicata memoria .

*Leoni X. med. flor. Pont. Max. Superiorum Pont. litterarum comprobatori , & Confratrum ibid. sub reg. D. Aug. olim instit. honoris , & dignitatis assertori sap.*

*Paulo III. Farnesio Rom. Pont. Max. prouen-*

D 2 suum

*tuum ex permutatione Polidori, & aliorum non sine loci huius frugis compendio factio auctori presentiss.*

*Pio IV. Mediolanen. Pont. Max. vectigalium pro lineæ, & laneæ suppellestilis, nec non & eorum, quæ ad aromatariam penum pertinent emptione absolutori piiss.*

*Pio V. Alexand. Pont. Max. rei frumentariæ extractionem, unde edificiij huius pecunia potiss. effluxit indultori liberaliss. Greg. XIII. Bonon. Pont. Max. omnium priuilegiorum confirmatori, nostræq; dignitatis promotori pient. Thes. Aldo. Bon. Præcep. gratitudinis ergo pingi curauit.*

Celeberrimi Urbis, & Orbis operis, dignitati, ornatui, & commodo nunquam deerunt successuri Rom. Pont. at illud dubio procul omni conamine promouebunt.

Vt autem vnde discesseram ad loci descriptionem redeam, hospitium, & iuxta illud templum Spiritui sancto, vt ex præmissis videre licuit ab Innocentio III. fuit dicatum. Templo addicti; *Religiosi viri alba cruce*, in pectore signati, qui similiter regimini Xenodochij, illiusq; prouentuum agrorum, & censuum præficiuntur, quibus innumeri addun-  
tur



tur ministri stipendio , & mercede conducti :  
 Illis omnibus præest præceptor, sub nomine  
 Commendatoris , qui aliquot ab hinc annis  
 à numero primariorum totius Curia Prælatorum  
 desumitur, templum tiburtino extructum  
 lapide , picturis , sacra suppellectile , ac reli-  
 quis ad christianam pietatem facientibus  
 mirificè adornatum: hospitium , siue Xenodo-  
 chium commune amplissimum est , quippè ,  
 quòd quadringentos , & ultra vnico tem-  
 pore suscipiat ægrotos , singulos seorsim ,  
 in proprio strato cubantes . Suscipiuntur fe-  
 bricitantes , & vulnerati cuiuscumque gene-  
 ris & nationis, si peculium quoddam penes se  
 habeant, loci quæstori custodien. traditur, il-  
 ludque sanitati restitutis probè ad obulum  
 restituitur, nobilibus familia , cui in morbo  
 curæ sint destitutis , Sixtus IV. palatium se-  
 iunctum posuit , vt ex illius rei memoria .

*Nobilium calamitate, & ægitudine motus seor-  
 sim ab alijs locum idoneum decenterq; orna-  
 tum his tribuit .*

Aegrotorum curæ plures addicti, tum Me-  
 dici, tum Chirurghi, qui per vices etiam no-  
 ctu excubias agant, nihil quod ad curationem

humani corporis spectare potest omittitur .

Ultra Religiosos loco perpetuum additos , & alios ministros mercede conductos plures aliorum ordinum religiosi viri dieterim ægrotos visitant , illos, ne dum ad patientiam exhorrantur , & verbo Dei pascunt , sed & pomis præcocibus, exquisitis terræ iuxta anni tempora primitijs , vel alijs etiam longinquo aduectis bellarijs , ac peregrinis delitijs : inter quos præcipui Sacerdotes Congregationis Oratorij auctoritate sancti Philippi Nerij , non ante multos annos fundati , quorum Religio , & probata virtus locum poscit particularem . Præter ægrotos suscipiuntur expositi quorum in magnis Urbibus semper ingens solet esse multitudo, & hoc ex præscripto , vt vidimus Innocentij III. quod Sixtus IV. confirmauit , & ampliavit , vt eiusce rei memoria indicat .

*Cum pueros expositos , puellasque ad pedes eius cum nutricibus prostratos videret locum habitandi eis assignat , mandatque puellas nobiles maritis cum dote locari, nonnullas verò Religioni arbitrio præfectorum perpetuò dedicari .*

Locus

Locus hic, ingens est palatium, in quo plures diuisiones, vna continet recenter expositos cum Nutricibus, altera adultos masculos artificio alicui addictos; tertia adultas puellas, quæ nubiles, vel velantur moniales in monasterio iisdem limitibus comprehenso, vel traduntur nuptui iuxta præscriptum Sixti, quod singulis annis fit, tertia post Pentecosten die; sponsis exhibetur lautum conuiuium, & dote, mundoque muliebri donatæ dimittuntur ad viros. Alterum in iisdem septis existit palatium, Præceptoris, & loci Religiosorum habitationi reliquis longè magnificentius destinatum: Annuus loci census oppido peramplus est, & ad centies mille aureos ferè ascendit, summa apta inuidiæ, si illi opus adeò pium subiaceret: Eximiæ huic quæ hætenus vidimus huius loci erga ægrotos charitati, accedat alia munificentior, quæ est quod aliquas habet rhedas vrbanas, siue carpenta ægrotorum vsui destinata, quibus vehuntur per Urbis amœniora loca, præsertim ij, qui lentis macerantur febribus, vt iuxta medicorum præceptum aërem liberiores libent. Xenodochij, in quo situatus est locus, quare Saxia dicatur, non aliam inuentionem, quam quod Ottonis Saxonis Au-

gusti milites, dum Romæ esset hoc in loco haberent stationem, & proinde locum à plebe corruptè Saxiam dictum .

Propè Basilicam Lateranensem antiquissima extat Sacellum, in quo præter Sanctorum Martyrum multas reliquias, cōservatur imago Saluatoris, & Domini nostri Iesu Christi, à Diuo Luca Euangelista, vt constans fama est coloribus expressa, locus ipse est summa religione sacer, vt illi non perperam inscriptum sit .

*Non est in toto sanctior Orbe locus .*

Huic à Sixto V. Pont. Max. adiecta Scala sancta, quæ è Pilati palatio Hierosolymis à Christo in humanis agēte victo, & flagris cesso calcata, Romam magnis sumptibus aduecta, magnificis circumiectis fonicibus, & sumptuosa porticu cingitur, rem denotat inscriptio .

*Sixtus V. sanctiori loco Scalam sanctam posuit .*

Aedis, & imaginis cura est penes sodalitatem, siue Congregationem nobilium Romanorum, qui vtriq; debitam à multis sæculis adhi-

adhibuere & in hunc diem adhibent curam.

Hanc propter Ioannes Card. Columna, qui de anno 1216. ab Honorio III. sacro Collegio affcriptus est : pauperibus ægrotis amplissimū construxit hospitium, eidem Saluatori sacrum vt testatur in lapide littera .

*Hospita : salua: Refugium pauperum, & infirmorum .* Illudque diuite censu dotauit, regimen , & curam penes eandem sodalitatem esse voluit , cuius opera non parum illius opes accretæ . hospitium est duplex vnum quo viri , alterum quo suscipiuntur mulieres ; inter vtrumque via publica . singuli à sui sexus reguntur ministris hyberno tempore, vt plurimum mulieribus sternuntur lectuli. 50. viris 150. qui æstiuo cū morbi magis ingrauescunt augētur in duplū. Excipiuntur, cuiuscumque conditionis homines , febris laborantes , & vulnerati : aluntur , fouentur eodem modo, quo alij penes sanctum Spiritum : Ministri infirmorum innumeri , Medici Chirurghi , & Sacerdotes quot sunt satis , ægrotis etiam lenta febris laborantibus attributa rheda , vt puriore suscepto aëre exhilarentur , & exhalent . Aedificium totum, est sumptuosa mole, conspicuum, à primæ inter Romanos nobilitatis viris summa diligentia, & ingenuitate

tate rectum . Præter in ægrotos eximiam charitatem, exercet alia pietatis opera suo loco recensenda .

Antiquum adeò fuit Romæ hospitium sanctæ Mariæ in Porticu nuncupatum , vt originis non extet certa memoria , extitisse denotat inscriptio .

*Diuæ Mariæ in Porticu sacrum Societatis  
Hospitale .*

vel certe memoria eius in miserabili illa Urbis , sub Clemente Septimo direptione , siue Tiberis sæpius iterata inundatione , vt reliqua multa malo exemplo periit . extat templum alteri vsui addictum : Non longe alia sodalitas Virgini sub inuocatione gratiarum sacra hospitalitati dedita Xenodochium infirmis extruxit , & rursum altera eidem Virgini sub vocabulo Consolationis : non inde longe alterum fundauit ægrotis hospitium . Locorum vicinitas fecit , vt tria hospitia redigerentur ad ædem consolationis , vt notat tabula .

*Genitrici Dei Mariæ Consolationis ædem ex  
eleemosinis fratres hospitalis gratiarum à  
fundamentis erexerunt .*

Hodie



Hodie reiectis reliquis nominibus vnico Consolationis nuncupatur, ea fortassis ratione quod vocabulum ægrotis probè conueniret. excipiuntur hìc, vt in reliquis supradictis seorsim viri à mulieribus cuiuscumque conditionis laborantes febri, & vuneribus affecti: infirmis addicti ministri Medici, & Chirurghi. Templo ex tiburtino lapide, cuius prospectus nondum absolutus, addictus congruus Sacerdotum numerus; sternuntur lectuli hyeme centum, æstate ducenti-fabrica in multam se protēdit latitudinem, cura omnis est penes confratres, quos dixi Consolationis; annuus census amplus, cui magna quotidie ex piorum eleemosinis fit accessio.

Circa annum Domini 1390. sedente Bonifacio IX. in regione transtiberina coaluit piorum sodalitas Virgini dicata, quæ quia imagini eiusdem Virginis in horto quodam repertæ ædificauit templum satis magnificum, tam templum, quam sodalitas ab horto sortita est nomen. Templo adiectum pro infirmis hospitium, vtrumque testatur inscriptio:

*Aediculam dirupt. Virg. Deipar. Hortensisq, in  
hanc ædem mutarunt, socij dedicarunt; hospi-  
tio*

*tio auxer. ad egenos alen. suo sumptu & relig.*

Hospitium de more admittit laborantes, seu feбри, seu vulnere: ijs conductus medicus, Chirurgus, ministri, & sumministrata reliqua ad curam morboſi corporis neceſſaria; templo plures additi Sacerdotes. hospitium, licet ſingulos, & quoscumque cuiuſcumque ſint gradus, & conditionis admittat, particulari tamen ſtudio fouet mechanicos, Caduarios, molitores, nautas, ſutores, molitores, lignarios, bubulcos, iugarios, vinearios, quorum eleemoſinis valde ſubleuatur. Ipſa confraternitas, apud quam regimen & cura, non ex nobilibus, ſed mechanicis cōſtituitur, ſternuntur lectuli ex ſolito 50. autumno ſeu alio tabido anni tempore duplò, & triplò plures.

Anno Iubilei 1500. alia inſtituta ſodalitas, Diuo Roccho ſacra, quæ propè templum D. Hieronymi Illiricorum cōēmit ab iſſdem Illiricis fundum pro hoſpitij cōſtructione, quod illicò fuit cōſtructum, illique adiectum templum ſatis magnificum vtrumque à ſodalitate fabricatum teſtatur barbara, & inepta inſcriptio.

*Funditus huiusce Conſor. A. D. M. D.*

*Tem-*

Templo addicti Sacerdotes 18. accoliti. 4. hospitio suscipiuntur cuiuscumque conditionis viri, & mulieres, seiunctis habitaculis, quia febre, vel vulnere curandi; mechanicorum tamen videlicet nautarum, cauponum, lignariorum, fartorum, tibicinorum, cupedinariorum, falsamentariorum, quorum eleemosinis hospitium accreuit, particularis cura: quinquaginta in dies sternuntur lecti, & inualescente morbo centum, cura penes sodalitatem est, & quia hospitalitas tantum exercebatur in viros; Antonius Maria Cardinalis Saluiatus vir ob egregia eius in pios usus opera sæpe nominandus, magnam fabricam hospitio mulierum priori adiecit, censum addidit, vtrumque testatur fabricæ inscriptio.

*Antonius Maria Card. Saluiatus ad edificium hocce à fundamentis edificandum, agrotantiumq; mulierum curationem magnos redditus viuis attribuit.*

Eodem anno pistorum probiores inter se contraxere societatem, quæ collata pecunia fundum emit iuxta forum Traiani, cui sumptuosissimum omnibus numeris absolutum inædificauit templum Virgini Lauretanæ sacrū.

*Diuæ*

*Diua Mariæ Virgini, & Matri Dei, sodales  
Lauretani DD. anno Iubilei M.D.L.*

quia eo anno demum completum. Templum ipsum opus insigne, ex tiburtino lapide cōspicuum, in cuius fabrica expositi aurei ultra 50. m. iuxta illud hospitium; omnibus & quibuscumque, febri, seu vulnere afflictis commune: pistoribus tamen, quorum sumptibus excreuit particulari affectu addictum, quamuis inscriptio hoc non denotet.

*Hospit. Societ. Diuæ Mariæ Laureti.*

Apud quam Societatem tota loci cura: strati quotidie lectuli ægrotorum vsui triginta, quorum numerus crescit in dies. ægrotis ad morbum subleuandum, & valetudinem recuperandam suppeditatur quicquid potest utile, & necessarium.

In Ciuitate Granatensi in vltiori Hispania non ante multos annos, Ioannes quidam Colauita, vulgo, Ioannes de Deo nuncupatus artis suæ bibliopola, libris distractis eorum pretium ægrotorum hospitalitari addixit, in quo opere socios inuenit, quorum auxilio  
breui

breui, ne dum per Hispaniam plura fundata hospitia , sed & per vniuersam fere Italiam . Romæ in insula Tiberina cernitur non exiguum quo summa caritate excipiuntur centum ægroti , & amplius si necessitas postulet. Nullo fulcitur annuo censu , sed piorum sustentatur eleemosinis per religiosos quosdam Eremitici ordinis supradicti Ioannis Colauitæ instituto viuentes coactis ; apud hos tota hospitalitatis cura , ipsique infirmis , ministri astant indefessi: locupletatur hospitium insigni pharmacopolio , pharmacis melioribus vndique summis , sumptibus congestis , templum habet satis ornatum Saluatori sacrum.

Hospitium quotidie magna suscipit incrementa ob eximiam prædictorum religiosorum in ægrotos charitatem .

Præcedenti capitulo vidimus de Anachoretorum ad portam Angelicam in Vrbe Leonina hospitio , in quo peregrinis quietem dari ostendimus ; hoc loco addimus prædictum hospitium ægrotos curandos viginti ad idstratis lectulis, eremitis hospitalitatis curam nauantibus , suscipere. Albentium Calabrum virum plebeium, non plebei , & abiecti animi habuit fundatorem .

Hospitium sancti Iacobi in Augusta ab hor  
tis

tis Augusti, in quibus situatur nomen ducens, fundatorem agnoscit Petrum Cardinalem de Columna , vt marmorea in pariete tabula .

*In Dei nomine amen . anno Domini M. CCC. XXXVIII. indict. viij. mense Septembri in festo beati Michaelis tempore sanctissimi in Christo Patris Domini D. Benedicti Papæ XII. Pontificatus eius anno 5. hoc hospitale ad laudem Dei , & sub vocabulo B. Iacobi Apostoli pro anima Reuerendiss. Patris , & Domini, D. Petri de Columna sancti Angeli quondam Diaconi Card. fundatum fuit de mandato DD. Cardinalium exequutorum dicti Dom. Cardinalis, mediante sollicitudine Reuerendiss. Patris , & Dom. Fr. Ioannis Dei gratia Episcopi Anagnini Domini Papæ Vicarij , & venerabilis viri D. Thomæ de labro Canonici Reatini procuratoris dd. DD. Cardinalium exequutorum .*

Suscipiuntur hic ad curandum vulnerati, attracti, herniosi , & similibus pene incurabilibus laborantes morbis, vnde hospitium vulgo incurabilium dicitur, Opus eximiam præfert pietatem, quam augendam curarunt plures

res magni nominis viri, inter quos Antonius de Burgos, cuius in templo ad Orientem (duo enim habet templa hospitium hoc de quo loquimur, hoc, & alterum ad Occidentem) marmorea tabula.

D. O. M.

*Antonio de Burgos Salamantin. utriusque Signaturæ Referendario utriusque iuris consultissimo, qui Bononiæ ius Pont. per 20. annos publicè professus à Leone X. Pont. Max. in Urbem accitus, signaturæ gratia sub illo, sub Adriano VI. & Clemente VII. Pont. Max. magnâ doctrinæ, probitatis, & ingenij famâ præbuit, vixit annos 70. obiit die 10. mensis Decembris 1525. Io. Matb. Episcopus Veronen. ex testamento posuit.*

Hæredem autem vniuersalem, dixit hospitium Fr. Clemens Cardinalis de Aracæli, vt indicat memoria in eodem templo tabula,

*Fr. Clementi Dolera Moniliano generali Ordinis sancti Francisci Presb. Card. de Aracæli viro doctrinæ, & bonitate insigni, quod eius testamento ad hospitale S. Iacobi hæreditas peruenisset, sodales illius Collegij pro tanta,*

E pietate



pietate hac lege sese in perpetuum obligarunt  
 uti postridie eius diei quo decessit è vita, quæ  
 fuit octaua, iduum Ianuarium 1568. anni-  
 uersaria commemoratio eius fiat, & Sacer-  
 dos sacrum solemne faciat vniuersis sodalibus  
 ad eam rem conuocatis, hoc amplius uti sin-  
 gulis diebus, qui dies festi non erunt Sacer-  
 dos sacrum faciat ad ipsius, gentiliumque  
 eius animas, qui mortui erunt expiandas,  
 quod si dies festus inciderit sacrum fiat eius  
 diui, cuius dies sacer erit utique eo sacro com-  
 memoratio Cardinalis, gentiliumque eius,  
 qui mortui erunt separatim fiat.

Non etiam parum operi profuit Bartholo-  
 meus de la Cueva Card. S. Crucis in Hierusa-  
 lem, ut ex simili marmorea tabula.

D. M. O.

D. Bartholomeo de la Cueva P. Card. tit. S. Cru-  
 cis in Hierusalem Archihospitalis S. Iacobi  
 quod in eius tutela viuens adhuc erat aureos  
 80. annuos testamento legauit, eandemque  
 summam à mensa montis fidei numerari ei  
 voluit, ita tamen ut in ara eius templi sa-  
 crum bis quotidie in dies singulos fiat, quo  
 in sacro preces pro eo, & eius agnatis,  
 gen-

*gentilibusq; qui mortui erunt Deo immortalis adhibeantur, hoc amplius, ut diebus dominicis, festisq; eorum dierum solemnia, ritusque seruentur, quam eius voluntatem Ranutius Farnesius Cardinalis S. Angeli, ceterique curatores testamenti in marmorea tabula incidi, notarique fecerunt anno die natalis Christi 1563.*

Recipit illustris hæc apud Hispanos familia religiosæ pietatis debita premia, ut quæ ab illo tempore plures dedit Ecclesiæ præsules, & ex eadem prodijt, qui hodie viuit D. Alphonsus Card. de la Cueva. Pium opus, munifice etiam iuuit Ludouicus de Torres Archiepiscopus Salernitanus, ut ex simili marmorea tabula.

*Ex testamento Ludouici de Torres Archiepiscopi Salernitani: quo cauetur, ut in Ara huius templi sacrum quotidie fiat, in quo commemoratio mortuorum habeatur. Ferd. & Lud. de Torres fratris filij ob eam rem nummos aureos CCCC. in curationem ulceratorum huius loci procurat. ibi erogarunt anno post Christum natum M. D. LIV.*

Ex hac familia duo paucorum annorum curriculo prodire S. R. E. Cardinales Ludouicus ex Archiepiscopo Montis Regalis à Paulo V. presbyter Cardinalis S. Pancratij & Cosmus ex nuncio apostolico apud Polonia Regem à Gregorio XV. prebyter Cardinalis eiusdem tituli. Prior, ante aliquot annos discessit relictis multis religionis, & pietatis monumentis, alter superstes egregiam Ecclesiasticis negotijs in Romana Curia nauat operam, vt summa Ecclesiæ dignitatis munia huius stemmatis germina recipiant tamquam gentis pietati debita: Præter hos quos recensuimus Cardinales, & magnos Ecclesiasticos Præsules, plures alij inferioris ordinis tum viri, tum mulieres, quorum nomina longum esset recensere, pijs legatis præcipuum Christianæ pietatis opus promouerunt, quos breuitatis causa, cui præsertim hoc loci studendum, omitto: non tamen factum Pauli III. cuius extat memoria in marmorea tabula parieti Ecclesiæ occidentalis inserta, quæ est,

### PIETATIS STUDIO.

*Paulus III. Pont. Max. Gente Farnesia,  
Patria Romanus secunda hospitalis huius  
visi-*

*visitatione procuratis liberaliter agrorum  
subsidijs ut animarum iuxta saluti consule-  
ret: Aram excitari iussit, ubi quoties sa-  
crum fieret in fide vita functis gratia condo-  
narentur, quæ Beatorum Ioannis Latera-  
nensis, Laurentij, Sebastiani, Gregorij, Pu-  
dentianæ, Praxedis, Beata Maria de pœ-  
nis Inferni, caterarumq; Urbis Ecclesiarum  
intra extraue altaribus ex antiquo Pontifi-  
cum thesauro tributa memorantur.*

*Quod ut memoria æterna consecratur pia do-  
mus Custodes marmore hoc excudi curave-  
runt anno salutis 1537. Iunij die 11.*

His omnibus postremum accessit; Anto-  
nius Maria Cardinalis Saluiatus, vir ut au-  
gusta eius monumenta testantur regij animi,  
hic templum, quod orientale diximus fundi-  
tus euertit, aliudque magnificentissimum  
structura eximia, amplitudine admirabili, re-  
gio apparatu visendum extruxit: censum ho-  
spitij mira liberalitate adauxit. In cubi, qui  
templo supereminet orbiculari margine ma-  
gnis litteris inscriptum.

*Antonius Maria Saluiatus S. R. E. presbyter  
Cardinalis anno M. D. XC. V.*

E 3

Mar-

Marmorea verò tabula altiori templi parietis adaptata sic refert .

*Antonius Maria Cardinalis Saluiatus Templum Deo , agrotis hospitium edificauit .*

Iacet vir magnus ante Aram Templi maiorem cui hoc ex metallo monumentum .

# I. C. R.

*Antonius Maria Saluiatus S. R. E. presbyter Card. adibus adiacentibus in agrotorum curam extructis in hoc quod è fundamentis erexit templo sepulchrum sibi delegit ; vixit annos LXV. mens. 2. dies 27. obiit XV. Kal. Maij .*

Templum diuite suppellectili ornatum. Res sacra à 24. Sacerdotibus, Accolitis 6. peragitur. Aegrotis multi ministri addicuntur. Hospitium eiusque res à sodalitate, quæ olim sanctæ Mariæ de Populo, quia in illius inuocationis templo fundata, hodie verò ad hoc, de quo nobis sermo titulo sancti Iacobi Incurabilem decoratum translata gubernatur. Ordo caritatis eximius, quem à sodalibus præfatis accuratissime accepi, sed hinc non inferendus

duſ nè præſcripto proluxior. Ultra ægrotorum quos ſuſcipiunt curam ſingulo biennio decoctam miſerabili morbo, quem gallicum perperam vulgus appellat, qui & ille ſpeciem incurabilitatis præſefert magnis ſumptibus afflictis diſtribuunt. Aedes hoſpitio veteri à Cardinale Saluiato adiectæ peramplæ ſunt, quibus inſcriptum.

*Antonius Maria Card. Saluiatus à fundamentis erexit M. D. XC.*

Excipiuntur incurabiles ægroti centum leetis, & pluribus, ſi ijs opus. Et hæc de ægrotorum hoſpitijs, quibus additur inſigne eximie pietatis inſtitutũ, quo valetudinarij, poſtquam eos febris reliquit ex ſupradictis ægrotorum hoſpitijs, vrbana rheda vehuntur ad hoſpitium de quo diximus ſanctiſſimæ Trinitatis, vbi per triduum excepti lautioribus, & validioribus vtuntur cibis, vt priſtinæ reſtituti ſanitati, labori, & ſolitis negotijs vacare commodius poſſint.

Huic non diſſimile Xenodochium ſancti Antonij in Eſquilijs, quod epidimia laborantibus fundatum, qui morbus cum omnipotentis Dei clementia raro in Vrbe vigeat ex-

ciuntur in eo claudi, manci, & mutilati.

Verum quia non omnibus commodum, qui in febrem incidunt, propria domo relicta, ad publicum hospitium traduci, præsertim patribus familias, quos penes vxoris, & filiorum cura, ne præter corporis morbum animo crucientur eos auxilio esse statuit Romana pietas, vt in propria domo curentur; huic operi addicta piorum sodalitas ante annos 80. in Basilica duodecim Apostolorum instituta, cuius confratres summa charitate huiusmodi ægrotis pecuniam, medicum, & pharmaca, si parochus illos probos attestetur largiter erogant; ex quibus liquet, vix excogitari quicquam posse in ægrotorum subsidium, & leuamen, quod diuersimodè eis in hac pietatis cultrice abundè non exhibeatur. Sodalitas protectorem habet Illustrissimum Cardinalem Ludouisium, qui cum ante paucos menses Vrbe, vt Bononiensem Ecclesiam Archipræsul visitare, discederet, muneris vices delegauit Illustrissimo Carolo Cardinali Pio à Sabaudia. Hic cum nuper primum solito sodalium conuentui alieno nomine adesset quingentos aureos proprio pauperibus distribuendos elargitus est, luculenti addita oratione se in dies plura daturum: & nisi ob-

staret



flaret ordinis dignitas, se libenter, vt ceteri faciunt sodales, pauperibus propria manu distributurum, & hæc eloquentia non vulgari, vt & ipsa, ne dum pia liberalitas (quæ familiæ nomen dedit) omnibus esset admirationi. Eximia magno in viro concurrunt naturæ, & fortunæ dona, primaria familiæ nobilitas, summo ordine cohonestata, exacta humanitas, rerum scientia, ac eloquentia, exulta, & hæc sine fūco, quam si narrationi adhiberem, & à proprio genio, & instituto simul recederem.

Ad hunc locum spectant Card. Burghesij, & Ludouisij laudabilia instituta: quorum primus pharmacopolium instruxit omni genere pharmacorum abunde repletum, quo vtantur pauperes pareciæ, in qua ipse domicilium habet: alter verò pharmacopolium simile, sed longe patentius, vtpote quod pauperibus totius Urbis, illiusque suburbiorum gratis elargiatur pharmaca cuicumque morbo applicanda: posteriori, annui aurei addicti 2400

Et hæc de ægrotorum, & languentium Xenodochijs, quibus addenda duo alia, licet angusta, elaphantiacis vulgo leprosis destinata, ambo diuò Lazaro, quia eo genere morbi laborasse creditur dedicata. Horum vnum situm

est

est extra muros Vrbis Leoninæ ad radices Montis amari, alterum ad radices collis Auē-  
tini via ostiensi : prius templum habet satis  
amplum , in quo quotidie missæ offertur sa-  
crificium , alterum sacellum angustum missæ  
sacrificio vix aptum, vtrumque tamen aliquot  
habet lectulos illius generis morbosis recipiē-  
dis accommodatos , qui vt per reliquum Or-  
bem ex piorum eleemosinis viuunt .

*De Nationalibus ægrotorum Hospitijs .*

*C A P V T IV.*

Quamuis quæ recensuimus ægrotis curan-  
dis communia hospitia maxime vrbi sufficere  
possent, cū si rectè numerum subducamus in-  
ueniemus in ijs sterni quotidie lectulos 1500.  
& inualefcente morbo eos augeri ; plures ta-  
men nationes pauperibus suis particulari cura  
prouisum voluerunt , vt Castellani , qui sepa-  
ratim à valentibus peregrinis, excipiunt in  
eorum hospitio sancti Iacobi , de quo supra  
meminimus suæ nationis ægrotos, quibus om-  
nia necessaria summa diligentia suppeditant ;  
Idem præstant Flandri ; in hospitio sancti Iu-  
liani. Lusitani , in hospitio sancti Antonij ; In-  
subres in hospitio sanctorum Ambrosij, & Ca-  
roli

roli : Ianuenses in hospitio Baptistæ . Armeni in hospitio Aegyptiacæ Mariæ : Arragonenses in hospitio Virginis de Monferrato ; Britones in hospitio Iuonis . Galli in hospitio sancti Ludouici . Illyrici , & Dalmatæ in hospitio sancti Hieronymi , qui hoc magis præstant , quod eos ægrotos pecunia , medico , & pharmacis subleuent , qui in proprijs domibus curari malunt . His accedunt Pergamenses , de quibus hæcenus nullam fecimus mentionem ; fundarunt illi templum , & hospitium propè forum Antonini Diuis Bartholomeo , & Alexandro sacrum , templo Sacerdotum conueniens additus numerus , hospitio excipiuntur ægroti nationales , quotquot in eo curari desiderant , siue pauperes , siue diuites hospitio amplæ ædes addictæ , & proprium pharmacopolium .

Florentini ægrotis fabricarunt hospitium , non longè ab augustissimo eorum templo Baptistæ sacro ad Tiberis ripam . Senenses apud templum Diuæ Catharinæ Senensis via Iulia utrobique magna in ægrotos suæ nationis caritas .

*De hospitij certarum artium artificibus  
proprijs.*

**C A P V T V.**

Vidimus hospitia Virginis Hortēsis & SS. Rocchi, & Martini certarum artium ibi enumeratarum professoribus particulari obligatione astricta esse eorum tamen aliqui, respuentes communionem propria suæ professionis ægrotis statuere hospitia, quorum primi sint pharmacopolæ. horū sodalitati ab ann. 1450. concessa Basilica S. Laurentij in foro Romano nunc Boario, Antonino, & Faustinae Augustis olim ab eius fundatione dicata, vt ex dedicationis titulo, qui etiam hodie legitur frontispicio inscriptus.

*Diuo Antonino, & Diua Faustina.*

Hoc iuxta, ægrotis suæ artis construxerunt hospitium, opus ipsum Astorgio Agnense Card. Beneuentano promouente, curantur ægroti omni solertia, & nitore.

Pistores Teutonici, quorum in Vrbe non paruus est numerus proprium etiam suis ægrotis iuxta templum D. Elisabethæ propè Campum

pum Floræ voluere hospitium: templum sup-  
pellectile sacra decenter instructum, hospi-  
tium lectis, & reliquis ægrotorum curæ ne-  
cessarijs refertum, mensa & cura proba.

Quia magnus famulorum Pontificij Palatii  
numerus, ex ijs sub anno Dom. 1537. coaluit  
pia sodalitas, quæ retro Basilicam Petri, à  
fundamenti extruxit D. Marthæ templum,  
& iuxta illud hospitium pro ægrotis famulis au-  
liculorum, qui in ipso palatio curari commo-  
dè non possunt. templum ob multas indul-  
gentias ei à Pontificibus concessas est à fide-  
libus valde frequentatum, ut rarus inuiset  
Petri Basilicam, qui hoc de quo sermo, non  
adeat hospitium, est tum lectis, tum reliquis  
ad curam corporis humani necessarijs abun-  
dè instructum.

Aristoteles auctor est, Calones, Caculas,  
Aurigas, & huiusmodi genus hominum, quia  
bestijs semper conuiscitant, in ferinam sæpif-  
simè transire naturam, eos Vrbs Roma, ne-  
dum cicures reddit, sed ciuiles: sodalitatem  
enim inter se contrahere; & in vnum corpus  
coalescere ciuilis animi argumentum est. Au-  
rigæ igitur sub anno 1580. piorum instituere  
sodalitatem, quæ hospitium ægrotis in cam-  
po Martio propè Tiberim aurigis, & rheda-  
rijs

rijs ædificauit; excipiuntur hîc curandi huius artis ægroti, nec dimittuntur donec agnoscantur, sanitati restituti, vt equos regere, & currum ducere valeant, eorum in Vrbe est non temnendus numerus, vtpote, quia nobilium vrbana carpenta excedant 2000; demptis onerarijs, & rusticis.

*De infantium, expositorum, puerorum, puellarumq; orphanorum, ac miserabilium senum hospitij.*

### C A P V T VI.

Pergamus videre vt nullum vnquam cuiuscumque conditionis, aut ætatis ægentes populorum altrix Roma auxilio destituat, sed eos ab ipsa natali excipiat: exceptos, donec vixerint foueat, mortuos, supremo officio mandet. Solet in magnis, & populatis Vrbus expositorum, non tam ob matrum culpam, quam parentum paupertatem ingens esse numerus, antequam ijs in Vrbe certus esset determinatus locus; dabant poenas non proprijs, sed parentum seu fortunæ culpis, ac ferè omnes malè peribant. Innocentius III. v. supra ostendimus angelica monitione innocentibus hospitium extruxit, sancti Spiritus in Saxia, vt ex tabula supra relata.

*Hic*

*Hic Innocentius III. de Comitibus admonetur per Angelum , ut hospitale pro saluandis expositis edificat , & locum ei in Saxia designet, ubi passim omnes recipi, & educari debeant .*

Excipiuntur igitur ad præscriptum Pontificis expositi, qui excepti nunquam expelluntur , aut deferuntur . Mares enim , ut per ætatem licet agriculturæ , vel arti alicui mechanicæ , iuxta cuiuscunq; genium, vel etiam literis addicuntur , cuicunque exercitio additi perpetuò si velint in eo fouentur . Femellæ nutricibus , & honestis matronis custodiendæ traduntur, puberes factæ , vel matrimonio locantur , vel relligioni nomen dare coguntur , & si viduæ relictæ ad hospitium reuerti cupiant benignè uti loci filiæ recipiuntur. Si miseria obuেনiat impuberibus , & illius ætatis , ut proprio Marte victum sibi quærere non valeant , & hoc utroque parente destitutis , habet Vrbs duo Orfanotrophia ; vnum marium, feminarum alterum: priori principium dedit sub anno Domini 1540. piorum ciuium Romanorum tunc cœpta sodalitas, quæ indignè ferens impuberes masculos per Urbem vagos esse, illis hospitium ædificandum censuit. Bo-  
no in-



no instituto Paulus eius nominis III, qui tunc Ecclesiæ præerat annuit, locumq; fabricæ assignavit prope Panteon, siue Basilicam Agrippæ, iuxta parochialem Ecclesiam sanctæ Mariæ in Aquiro titulo Visitationis, nec non ipsam ecclesiam, sodalibus, & hospitio vten-  
dam concessit. prior Ecclesia funditus eversa, & sodalitas aliam in ampliori area magnificentiorem extruxit, ac piorum eleemosinis Ecclesiæ ingentem puerorum habitatio-  
ni fabricam adiecit, cui operi multum profuit sæpe dictus, & dicendus Antonius Maria Cardinalis Saluiatus, qui Xenodochij censum solita liberalitate adauxit: collegium ijsdem pueris, qui litteris apti ducuntur magnificè ædificauit, ædificatum splendide dota-  
uit: cura templi ministrorum, ac totius Xenodochij penes, quam diximus sodalitem: quæ puerorum à teneris genia perscrutans inter ipsos delectum habet, vt singuli applicen-  
tur illi exercitio, quod genio magis conuenire existimant. femellæ, quia mares feminis ijsdem rectis commisceri indecens, & suum  
habent hospitium, & quidem amplissimum propè Basilicam Sanctorum quatuor Coronatorum, quod olim Summorum Pontificum ferunt fuisse domicilium, in quo ingens earum

rum est numerus, qui instruitur, regitur, edocetur, ac gubeinatur ab aliquibus, quæ ibi religioni nomen dederunt sanctimonialibus; puberes effectæ ab eadem sodalitate dotatæ nubunt, sin minus pro earum libitu monasticam vitam vouent. Ipsa Basilica Cardinalatus titulo decoratur, qui hodie penes Illustrissimum Ioannem Garziam Cardinalem Millinum nuncupatum Papæ Vicarium, virum in tuenda Ecclesiastica dignitate, & disciplina strenuum, doctrina & pietate eximium, in negotijs gerendis, vt plures difficillimæ, quas obiuit legationes ostendunt solertissimum. Hic nuper annosam Basilicam restituere, ac augustiorem reddere magnis sumptibus incœpit opus incœptum, bono fauente Numine perficiet, sub ara maiori plures à Summis Pontificibus conditæ Sanctorum reliquiæ, inter quas Diui Sebastiani, Martyris caput, eas dum hæc scribo populo venerandas exposuit, breui ditioribus thecis texendas & decentiori loco condendas. Verum quia in his Orphanotrophijs iuxta foundationum leges non recipiuntur, nisi vtroq; parente orbat, & Romanæ pietati non conueniat, alios impuberes tam masculos, quàm fœminas, qui alterum parentem tantum vel etiam vtrumque habent, sed

F

man-

mancos cœcos, aut alio Naturæ, vel atatis vitio laborantes à quibus naturale subsidium non sperent, subuentione destitui; & hisce prouida liberalitate benigna miserorum fatrix Roma prouisum voluit. Ioannes Leonardus fuit siculus, vir vt opera eius demonstrant animi probi, ac singularis in egenos pietatis, hic cum etate meliori, anteambulonem in Vrbe egisset, ac pueros non paucos per Urbem vagos vidisset, illorum misertus, ingentem eorum contraxit numerum, quos penes se in diuersis, quas mutauit domibus piorum elemosinis, vt melius potuit per plures annos aluit; erat litterarum rudis, & hinc inuerso per Ironiam vocabulo litteratum se dici voluit: puelli eius instituto beati, litteratorum retinent nomen. sanctum institutum, breui inuenit fautores, quorum Congregatio edes hisce pueris coëmit per amplas propter arcum Domitiani, quibus paruū adiectū Sacellū: hospitium iam nunc aliquo censu dotatum, sed sustentationi tantę multitudinis impari. Vnde etate minores per Urbis plateas à custode circumducti preces ac laudes Deo, & Virgini puerili concentu effundentes, sacram stipem rogant, maiores manuum labori intenti, sibi & socijs victum querunt, denique omnibus  
bona

bona causa. Quod præcipuè in hoc opere laudandum, recta puerorum institutio est, quæ à communibus iuuentutis vitijs opportunè in lubrica ætate retrahantur.

Idem Leonardus & puellas collegerat, sed quia marium, feminarumq; curæ vnus satis non erat, foeminas deseruit, quæ à diuersis receptæ sub anno demum 1595. patronum inuenerunt Hieronymum Cardinalem Rusticcium: hîc coemptis iuxta templum Diuæ Euphemiae ad forum Traiani pluribus ædibus amplum hisce puellis dispersis, vt dicunt, suadente venerabili Cæsare Baronio postea S. R. E. Cardinale construxit Xenodochium; ijs præposuit honestas matronas, quæ puellarum curæ intentæ, eas in omni sanctitate, & religionem instructas educarent. Paruulæ ad instar marium puerili cantu per Urbem piorum opem implorant, maiusculæ acu, ac alteri cuicumque muliebri exercitio vacant: adultæ ad iussu rectorum, vel nubunt, vel religionem profitentur. Xenodochio præsunt ex præscripto Cardinalis Papæ Vicarij, aliqui probiores præbyteri; summa tamen auctoritatis penes Card. Vicarium. Puerorum continuo numerus, vt plurimum 300. idem ferè puellarum: institutum, & Congregatio pro-



rectorem habet Illustrissimum, & Reuerendissimum Ludouicum Cardinalem Ludouisium, qui sæpius iuxta exigentiam, vtrisque sua liberalitate succurrit.

Non desunt in magnis Urbibus peruersæ matres, quibus pudicitia nunquam cordi fuit quæ filias stupro, vt eas sibi similes reddant vili precio, & quandoq; inuitas obijciunt. Vt Ianiarum huiusmodi retundatur improbitas instituta in Vrbe sodalitas est, quæ magna sagacitate venatur infamium femininam prole, inuentam à decimo, vsque ad duodecesimum è perfidarum sinu abripit, ac cœnobio ad id extracto probis sanctimonialibus erudendas tradit: hic in omni Christiana disciplina ritè instituuntur. puberes nuptui traduntur, vel si magis lubeat velantur; sumptus è cœnobij censu suppeditatur. Magnificum cœnobio ex marinore Tiburtino adiecit templum Diuæ Catharinæ sacrum, Federicus Gard. Cœsius Episcopus Portuensis, vt templi portæ maiori inscriptum: Cœnobium regitur à sodalitate ciuium Romanorum ex primoribus, siue nobilitatem, & diuitias, siue probitatem attendas. Virginum numerus 200.

Matrimonij ius, ac venerabile nomen, apud Romanos, ac omnem aliam non barbaram gentem

gentem summa fuit semper æstimatione venerandum , apud Christianos verò, solos bonorum operum iustos æstimatores religionis sanctum , quia videlicet vnicum statuerunt humanæ necessitudinis indissolubile vinculū , quo fundetur summa illa , & inexplicabilis inter virum , & uxorem amicitia . Nodus hic omnium amicitiarum perfectissimus, aliquando partium vitio , vel scinditur , vel certe laxatur . quando videlicet indiuidua vitæ consuetudo morosa contumacia offenditur: hinc iræ, rixæq; , & postremum communis Thoris separatio , quæ tam ob malas viri, quam mulieris conditiones euenit , & quia .

*Fœmina sola sapit , quæ benè iuncta viro ,*  
ne ob separationem ab eo, impuditiæ labem contrahant, huiusmodi male nuptis prouisum de Xenodochio, in quo excipiuntur , donec illæ viris , vel illis viri fuerint integre conciliati . Xenodochium, Domus pia nuncupatur propè templum cœnobij, S. Claræ extructum cui hinc , & hinc separata cœnobia , quæ tamen inter se, nonnisi quoad templum illis intermedium communicant . Domui præfecta sodalitas Romanorum ciuium ex probitate prima, apud quos , & cœnobij monialium cura, de quo suo loco .

Sed nec meretricibus, quarum ingens semper ex peruerſa mortalium natura magnis in Urbibus numerus, ad cor reuertentibus deest Romana pietas. illis prope forum Antonini latum extructum cœnobium D. Magdaleneæ ſacrum, in quo recipiuntur quotquot præteritarum poenitentes illecebrarũ, Deo ſe & reliquos vitæ annos dicare diſponunt. Hic profeſſionem emittunt regularem, & monaſticam diſciplinam adeò exactè, tantaque conſtantia ſeruant, vt videri miraculum poſſit foeminas liberiori vitæ generi aſſuetas arctiori inſtituto contineri. Fabricæ cœnobij, non exiguam partem adiecerat Petrus Card. Aldobrandinus, quam paucis ab hinc annis incendio conflagratam Paulus V. Pont. Max. magnificentius reſtituit: cura cœnobij penes nobilium tum ciuium, tum curialium ſocietatem: quæ poenitentibus nihil deeſſe patitur, numerus earum hodie ad trecentas aſcendit. ferunt Paulum V. tunc cum cœnobium conflagratum inuiſeret, ac multa veræ poenitentix indicia inſpiceret: collacrimaſſe, ac ad horridam poenitentium mulierum ſanctitatem pene obſtupuiſſe.

Verum quia nulla ſuſcipitur, niſi prius profeſſionem clauſuræ perpetuæ emiſerit, qua  
emilla



emissa, non est pœnitentiæ locus, & verissimiliter aliquas potest facti pœnitere, alię graui instituto à professione terreri: Fr. Dominicus à Iesu maria ex Carmelitanis reformatis, quos discalceatos vulgo appellant, nuper ex piorum eleemosinis amplum construxit cœnobiũ, quo recipiuntur mulieres, quæ mutata in honestiorem vita experiantur, an reformationi pares se sentiant, & expertæ deliberent velint, nec ne profiteri, an verò ibidem in cœlibatu permanere.

Vidimus omnibus per singulas ætates, & gradus, nostri ægentibus, vsque ad senium à Romana pietate prouisum: non credendum, eam deficienti ætati voluisse deficere. Senibus itaque necnon cœcis, claudis, mancis, aut alio naturæ vitio debilitatis, quibus labori non est par virtus, à Sixto V. Pont. Max. munificentissimo Principe, amplissimum extructum Xenodochium, eique addictus annuus diues census. Xenodochio præfecta Congregatio proborum aliquot virorum, penes quos rerum cura, & suscipiendorum iudicium. Suscipiuntur pariter diuersis ædibus viri, & mulieres, ac decenti victu, & amictu; donec vixerint relligiose aluntur. Ex his videas lector, licet, nullam ætatem, siue infimam conditio-

nem inueniri humanam, quam vera pietatis fons Roma, summa caritate, vsque ad vltimum vitæ spiritum non comitetur: immò post mortem, pari affectu, vt cap. I I. demonstrabimus non prosequatur.

*De Cathecumenorum Xenodochijs.*

C A P V T VII.

Non debuit Vrbs Roma, Christianæ fidei suprema sedes: ijs qui Baal abdiçto, ex Hebræis, Saracenis, Musulmanis, ac reliquo per orbem dilatato atheismo, ad eam confluunt, de decenti hospitio non prouidisse. Ad radices Capitolij illis destinata sedes, & templum D. Io: Baptistæ sacrum; Hospitium satis amplum, in quo seorsim à mulieribus viri excipiuntur, qui ad Deum verum felicem faciunt transitum, imbuuntur Christianæ fidei sacris mysterijs: imbuti, baptismatis lauacro regenerantur, regenerati si adulti sunt & victum facile quærere possunt, dimittuntur, si senes retinentur, si pueri educantur; donec apti laboribus; puellæ, si infantes cum patribus venerint pariter educantur; donec non cgeant altrice: nam tunc deducuntur ad cœnobium Cathecumenarum, ad forum Ner

uæ,

uæ, vbi educuntur in omni pietate, puberes effectæ nuptui traduntur, vel si magis lubeat in eodem monasterio, sub regula sancti Dominici religionem profitentur; vtraque domus regitur à sodalitate proborum virorum ciuium, ac Sacerdotum; sumptus vero suppeditatur à Rectoribus templi Virginis in montibus, de quo suo loco. protector illis præest. Cardinalium vnus eximie probitatis, integritatis, & doctrinæ, qui Cathecumenorum solus ex pontificio diplomate est competens Iudex.

*De panis, & vini, ac pecuniarum solitis  
elemosinis. CAPVT VIII.*

Ad radices Vaticani, prope Basilicam Apostolorum Principis Petri ab Occidente templum est non exiguum, Virgini sacrum iuxta quod amplum cæmeterium, quo non tumulantur, nisi aduenæ, & peregrini, incolas enim terram non recipere, plerique existimant, & pro sua opinione, exempla quædam oculis subijcere contendunt. Ferunt cæmeterio huic à peregrinis è Palestina, & illius sacris locis terrarum corbes fuisse antiquitus illatos; & hinc campi Sancti esse  
for-

fortitum nomen. Pone templum ampla domus, in qua Pontificum instituto quotidie excipiuntur in prandio tredecim pauperes à duobus Sacerdotibus illi officio præfectis. institutum emanasse piè credimus à Gregorio Magno sanctissimo Pontifice, qui mensa singulis diebus duodecim pauperes cum exciperet, excipere meruit loco tertijdecimi D.N. Saluatorem Iesum Christum, & hinc numerum hunc, vique in præsentem fuisse religiosè seruatum. Ultra hanc eleemosinam, eorumdem summorum Pontificum liberalitate, singulis diebus Veneris in honorem Domini huius passionis distribuitur panis, & vinum, & quidem satis abundanter; duobus pauperum millibus. Xenodochium sancti Antonij quotidie singulis pauperibus, qui illuc accedunt præbet duos panes. Hospitium sanctissimi Saluatoris prope Lateranum quotidie singulis pauperibus erogatur tantum panis, quantum victui vnus diei sufficit. Idem præstat cœnobium sancti Pauli in via Hostiensis. Xenodochium etiam sancti Spiritus quotidie vespere, ingenti pauperum multitudini erogatur panem, & vinum: verum quia prædictæ eleemosinæ non fiunt, nisi coram petentibus, & multi, vel ob locorum distantiam, vel quia ex honestis fami-

familijs ad paupertatem redacti cum reliquis panem ostiatim petere erubescunt, hisce iusto titulo verecundis, sagaciter prouisum per societatem SS. duodecim Apostolorum, de qua supra habuimus sermonem. Exposita est in templo occlusa capsula in quam, proijcian- tur per rimam supplices libelli, quibus egens exprimit necessitatem, designat habitationis locum. ter in Sabbato capsula ab officialibus recluditur, leguntur libelli, transmittuntur è societate viri ad miseros, qui iuxta indigen- tiæ qualitatem supplicibus subueniunt. Idem institutum seruat sodalitas Caritatis sub Leo- ne X. in Ecclesia sancti Hieronymi propè Far- nesianos erecta, hæc singulis diebus Sabbati ingentem pauperibus distribuit panis quanti- tatem, verecundioribus pecuniam pro arbi- trario confratrum, quorum pietate, & muni- ficentia adoleuit, & fouetur.

Licet hætenus viderimus plurima Pontifi- cum liberalitatis, munificentia; & in proxi- mum caritatis instituta: quibus muneri abun- dè satisfactum sit: non tamen hic eorum ter- minus, sed ea præter, summi Romani Pontifi- ces menstruatim, mendicantium cœnobijs, reliquisque verecundis pauperibus distribuunt ingentes pecuniarum summas, quæ veniunt sub  
nomi-



nomine eleemosinarum omnis, & pro temporum qualitationis augetur numerus, qui per Eleemosinarium secretum ut vocant, in dies erogatur, cui certus non praefertitur dandi limes. Pontificem sequitur sacer Senatus omni virtute & praesertim in pauperes liberalitate conspicuus, cuius singulos patres nominatim recensere, quia institutum excederet pretermittam. Vnius Alexandri Peretti Card. de monte alto nuncupari Sixti V. è sorore pronepotis, repertum, & subductum è libris rationalium, illum erogasse in pauperes milles, & septingenties aureorum milia, praeter eleemosinas quas propria manu vicinis distribueret: & munifica dona, quae in amicos conferret: pecuniarum sane summa quae ut ita dicam Regia è gaza potius, quam è praesulis penu, videatur deprompta. ab hoc vno disce omnes.

*De monte Pietatis, & Depositorum.*

*C A P V T IX.*

Nihil in magna Ciuitate conuenientius, quam pauperum commoditati receptis pignoribus praebere mutuam pecuniam, & nullam inde exigere usuram. sub Paulo III. è pauperum

perum manu recipiendis pignoribus destinatus est locus sub vocabulo montis Pietatis, & depositorum, qui tum Pauli supradicti, tum aliorum Summorum Romanorum Pontificum liberalitate, & priuilegijs in hunc diem valde excreuit, recipiuntur hìc quotquot pauperum, ac egentium afferuntur pignora: nulla, saltem considerabili pro mutuata pecunia recepta vsura tempus luitioni præscriptum menses octodecim, si pignorantes pignora non repetant, venduntur sub hasta, notatur, quanti diuendita, & hoc quod plus data pecunia distrahuntur, restituitur pignorum dominis, quandocumque tandem repetant, cui repetitioni nullus præscriptus est terminus, ingens est loci ministrorum numerus, quibus omnibus menstrua assignatur pro laboribus merces, ex penu loci deducta. gubernatur à Congregatione proborum aliquot virorum, tum ciuium Romanorum, tum curialium, qui rationes prouentuum accuratissimè subducunt, ne apud ministros locus sit fraudi: opus ipsum est profectò summæ pietatis & pauperibus summopere vsui, nam subueniunt non solum pauperes Urbis, sed & pagorum, castrorum, & oppidorum circumiacentium: quibus magnum est lucrum pecuniam,

niam in mæsslem accipere, & eam messe collecta recepto pignore restituere.

*De Carcerum visitatione, ac carceratorum sub-  
uentione. C A P V T X.*

Quoniam in magna populi diuersarum nationum colluuiè frequentia committi solent delicta, eorum coërcitioni plures constituti in Vrbe publici carceres, & decreti Iudices, quorum est in fontes animaduersio: Hi sunt Urbis Vicarius, Camerarius, Gubernator, Auditor Camerae, Populi Senator, & alij non pauci. Iudices, cum vt plurimum non per se ipsos, sed per substitutos iudicium exerçant contingit, vt aliquoties rei, vltra quam noxa expetat, in compedibus detineantur huic malo obuentum per Visitatores, ad id deputatos, qui singulis mensibus carceres visitant, & detentos, siue fontes, siue obæratos, quos grauatos iudicant, dimittendos decernunt, seu penam impositam pro eorum arbitrio, vel tollunt, vel modèrantur. Sodalitatis Charitatis, de qua mox meminimus, licet in pauperes liberalis existat, præcipuum institutum est: carceribus detentos omni ope quoquo potest modo auxilio esse: hæc itaque prælatum



tum deputat, cuius est, visitationi carcerum vna cum Cameralibus adesse, reorum partem acerrimè tuetur, & ne solus laboriosum obeat munus: adiuncti honesto ducti stipendio procuratores, qui reorum visis, & examinatis processibus eosdem, & verbo, & scripto pro viribus defendunt. Horum pauperibus carceratis, maximus est usus, licet enim Camera Apostolica istorum defensionem aduocatum, & procuratorem addixerit, nihilominus tot caussarum numero non sunt satis. Præter hanc exquisitam reorum defensionem, eadem sodalitas ter in hebdomade pauperibus distribuit panem, infirmis medicum transmittit, pharmaca, ac reliqua curationi necessaria largitur, elargitur. Præcedenti capite diximus societatem hanc apud sanctum Hieronymum Sacerdotum Xenodochium alere: ex hoc in singulos dies destinat, qui sacrum missæ officium carcere detentis ne hoc solatio destituantur celebrent. Præter huius eximiam in vinctos sodalitatis caritatem, plures alij ostiatim panem, & obolariam stipem iisdem distribuendam rogant; inter quos Societatis Iesu Relligiosi. Sodalitas Misericordiæ Florentinorum statis anni festis diebus carceratis lautius prandium exhibet. Concionatores

tores sæpissimè è suggestu congestam pecuniam, vt liberaliori detur manu carcere detentis publicant: quibus officijs miserrimo mortalium statui, quodammodo succurritur, & infeliciū poena; si non tollitur saltem magnopere lenitur.

Extat & altera in Vrbe erga carcere detentos pia apud Collegium S. Ioannis de Pinea, prope Mineruam, ciuium Romanorum, & curialium Congregatio, Sixti V. Pont. Max. munificentia decorata, quæ singulis ferijs secundis in omnes carceres Visitatores mittit, vt recter victorum nomina, Patriam, causam, Iudicem, & notarium fideliter excipiant, & singulorum carceratorum expeditioni causæ apud Iudicem, & notarium summa charitate, & sedulitate diligentiam adhibeant. Est etiam huius Congregationis institutum bis quolibet anno in festo Natiuitatis, & Resurrectionis Domini pro victis omnibus ere alieno grauatis citrà centum nummos argenteos benigna liberalitate creditoribus summam omnem persoluere, & è carcere eductos, ac nummo argenteo donatos in proprias domos benignè remittere.

*De Dotium liberali elargitione .*

## C A P V T X I .

Nihil est quod rectè administratam rempublicam magis deceat , quam probè seruata mulierum pudicitia , sine qua nec constans inter homines amicitia , nec efficax , qui incertitudine prolis cōsistit erga patriam amor . Aciem inituris , vt strenuè rem gerant fortiter dimicent : per duces obijciuntur , aræ , foci , vxores , liberi : quos si communes putent non cruore , aut vulnere , tanta virtute seruassint . Romanorum leges huic vni maxime prouisum voluere , barbaros ratæ , qui fēminas plurium libini exponerēt . Multarum inoleuit cōsuetudo prouinciarum : vt capite damnati modo non maiestatis , aut prodicionis rei absoluantur , si illicò publicam meretricem in vxorem duxerint , vt videlicet malum , è ciuitate tollatur exemplum ; & reipublicæ certa , nono vaga nascatur proles . si tanti fēminam è meritoria deducere , quanti existimandum erit castas , ne stupro dotem mereri cogantur liberali subuentione præseruare ? Hoc in opere , vt in reliquis omnibus ceteras quascumque Vrbes excellit , Parens Roma , vt ex

G

ingenti

ingenti dotium numero , quæ per annum distribuuntur liquidè patebit , quarum tamen certum numerum, assequi non est facilè; nam licet Dotes in vim piorum legatorum debite vniformes sint , & earum ratio facilè subduci possit, eas præter, dantur innumeræ , à sodalitatibus, quæ non huic soli operi, sed alijs multis intentæ dotes exhibent iuxta census annui redditum , vt si in alijs operibus multum expositum, dotibus assignandis minus relinquatur, si parum in reliquis, id totum elargitioni dotium accrescat, & quia singulæ præsertim, quæ vi legatorum debentur ad publicam notitiâ non perueniunt, referam eas, quarum ego scientiam habere potui .

Anni igitur die prima puellas dotat Societas sanctissimi nominis Dei, fundata in Ecclesia sanctæ Mariæ supra Mineruam. die 7. sodalitas Stabulariorum. die 14. Legatum Sacelli S. Hilarij in Basilica Lateranensi , & eadem die suas nationales societas sancti Iuliani Flandrorum. 2. Februarij, societas sanctissimæ Eucharistiæ in sanctæ Mariæ in via lata. die 9. societas sanctæ Apolloniæ in sancti Augustini. die 25. Martij, societas Virginis Annunciatæ supra Mineruam , quæ reliquas omnes in hoc excedit, vt quæ quotannis die prædicta

æta ducentas, & ultra puellas matrimonio locet, & hanc societatem existimo huic operi dedisse principium, in quo à Leone X. Pont. Max. valde fuit adiuta, & eandem postea Urbanus VII. Pont. Max. ex asse dixit hæredem. Distribuuntur dotes huius societatis puellis, nobilibus matronis adductis, candida veste amictis, ac capite velatis ab ipso Summo Pontifice, qui proprijs manibus peram cum syngraphis publicè inter missarum solemnias eisdem porrigit. Eadẽ die puellas dotat, Coquorum, Condorum, ac Placentariorum societas in sanctorum Vincentij, & Anastasij. Prima Maij, dotes elargitur, societas Mulionum in sancti Antonij. Die 12. eadem societas Annuntiæ Virginis, particulari largitione dotat puellas Senenses, die 19. eiusdem eisdem dotat societas sanctæ Catherinæ Senensis. die 26. societas Neapolitanorum in sancti Spiritus, eiusdem nationis templo. Nona Iunij, societas sancti Iacobi vulgo Scoffacauallo, die 11. Societas SS. Nazarij, & Celsi in eodem titulo, die 19. societas officialium Capitolij in sanctæ Mariæ Araceli, & eadem die societas sancti Francisci de Padua in dicto titulo. die 24. societas Pietatis Florentinorum, quæ differt, vt infra videbimus à sodalitate



Misericordiae, de qua mox habebimus sermonem, & eadem die Ligures puellas suae nationis in sancti Ioannis Baptistae gentis tit. sextu Augusti societas Saluatoris in sanctae Mariae supra Mineruam, die 10. societas sancti Bernardi in sanctae Susannae, die 15. quae est Virgini Assumptae sacra, Societas Confalonis, & eadem die societas sancti Rocchi in dicto titulo, die 22. societas sacri Rosarii in sanctae Mariae supra Mineruam. 8. Septembris Natiuitati Virginis sacra, societatis Annunciatae Confalonis, & de Laureto, die 15. societas S. Marcelli in dicto titulo, die 15. societas Laniorum in sanctae Mariae de quercu, die 29. societas S. Michaelis Archangeli in dicto titulo, die 30. societas Charitatis Curialium in sancti Hieronymi. die 4. Octobris societas Saluatoris in Laterano, eadem die societas Confalonis, nec non societas Bononiensium in eorum Oratorio sancti Petronij, ac societas sanctissimae Trinitatis Peregrinorum, & conualescentium. die 6. societas Rosarii in sanctae Mariae supra Mineruam. 4. Nouembris, legata pia in sanctae Mariae de Araceli, die 12. societas Sutorum in sancti Homoboni, 6. Decembris societas sancti Nicolai Lotaringhorum in sancti Ludouici, die 8. societas Conceptionis

nis Virginis in sanctę Marię supra Mineruam. die 26. societas sancti Saluatoris in Laterano. hisce accedunt, quę particularibus Legatis debentur, quarum ingens est numerus, necnon quę ab alijs societatibus, & pręsertim nationalibus, non statis diebus, sed iuxta temporum, aut personarum necessitatem erogantur, quas omnes si simul colligas ad magnam & ferę incredibilem annuam ascēdent pecuniarum summam. hoc aduertendum non omnes huiusmodi dotes esse inter se æquales, sed vnas alteras excedere: societatum enim alia, triginta; alia quadraginta, alia quinquaginta dotis nomine elargitur. Virginis Annunciatę octuaginta, & insuper, ijs magis vestem, & muliebria sandalia. Erogandis dotibus ordo est, ut puellę nubilis nomine societati exhibeatur supplex libellus, in quo exprimatur conditio Virginis, ætas, habitatio. Deputantur ex senioribus Visitatores, qui coniunctim oratrices, earumque domos visitant, si honestas ex vicinorum, Parochiq; relatione reppererint dotandis in Congregatione, relatione habita, ascribunt, si secus relationem de ijs omittunt, ascriptę certiores redduntur, ut si matrimonium contrahere eueniat, hanc summam doti promissę adijciant, si vero ascriptarum, &

ad dotem admissarum, aliqua minus honestè, quàm Virginem deçet se gesserit, ei protinus dotis beneficium amississe renonciatur, in quo magnus seruatur constitutionum rigor. Et quia vnica prædictarum dotium oneribus matrimonij non est satis, possunt vnæ, & eadem, multas & diuersas à sodalitatibus accipere dotes, ita vt non minoris quam quadringentis, aut quingentis dotata nuptui tradantur. Iam nunc dum hæc scriberem mihi relatum nuper obijisse pium, ac diuitem virum, qui testamento legauerit quotannis certum pensum in publicas meretrices, (si velint) matrimonio decenti dote collocandas: opus religiosissimè excogitatum, & quod pietatis apud omnium retributorem inueniet præmiũ

*De Charitate in mortuos. CAP. XII.*

Non existimandum, quod pietatis cultrix Roma, quos viuos tot maternæ pietatis argumentis prosequuta est mortuos iustis destituat. Prima omnium sodalitas Pietatis, quos per Urbem defunctos inueniret, seu Tiberi merfos sciret, inueniendos, & honesto in sacris tumulo conditurauit: Sed quia vt vidimus multis est alijs, operibus intenta, erecta  
pio-



piorum sodalitas, quæ huic muneri, & non alteri incumberet, ac pauperum quibus non superesset, ut decenti pompa Christiano ritu efferri possent; iustis funeribus, decenti cereorum numero, ac Sacerdotum, & Confratrum stipante Choro, cadauera efferenda curaret etiam si è suburbijs, è Pomerio, ex agris, & longius distantibus campis essent deducenda. Nec imbres hyberni, aut æstivi calores più institutum, vel in minimo remorantur, ut non vnicum in Vrbe sit inuenire Tobiam. huic operi iungendum Florentinorum, seu potius commune Hetruscorum admirandum erga fontes plectendos flagrantis caritatis institutum. Pridie quam reo damnato debita infligatur poena; hæc sodalitas aliquos ex suis difficillimo muneri magis aptos & plerumque ex prima nobilitate, ad carceres, in quibus plectendus reus detinetur trāsmittit. cui mortis sententia nonnisi hisce præsentibus indicitur; ille teterrimo accepto Nuncio, illicò plerumque prostermitur, eiulat, cruciatur, agitur, distrahitur, versatur in poenarum rota miser, factum negat, Iudicem interpellat, ac nullam animi mentem habens, meritam ultionem, tanquam astringorū necessitatem ineptus accusat, ac quæ per scelera accidunt sua, Deo

blasphemus imputat. Miserum sodales humanioribus verbis excipiunt. immo benignis amplexibus è solo prostratum eleuant, & pro cruciandi conditione ad patientiam, multis ex Christiana pietate argumentis exhortantur. Deum ipsum eius causa carnem sumpsisse, naturæ incommoda tolerasse, & nullo vnquam perpetrato scelere mortem Crucis subiisse. Illum plurima peccata, & quidem atrocia commisisse; Deum sæpius ad mortem offendisse, debitas eum proinde tot flagitijs dare penas: & reliqua, quibus exulceratæ mentes ad sanitatem reuocantur, opportunè suggerunt: donec facinora fassus ad veram pœnitentiam Deo conciliatus reducatur. Totum tempus, vsque ad horam supplicij diuinis sermonibus datur, qua appropinquante sacrum missæ celebratur officium, in quo plectendus synaxin sumit, eaque refectus foras producitur, sodales bini, ac bini nigris ad pedem talaribus (saccos vocant) induti, capite cooperti nigram gestantes crucem, moriturum preces recitando præcedunt: duo qui nocte præcedenti plectentis mentem curarunt, medium qua transit per Urbem humeris, brachijsq; sustinentes ducunt: inter supplicia ad constantiam exhortantur; hac via ad vitam tendi multa persuasione

sione ostendunt, regnum Cælorum vim pati, vel ipso Salvatore Christo auctore rememorantur, nec miserum donec spiritum exhalauerit deferunt. Peraçto supplicio bini summo silentio recedunt: ante vesperam eodem ordine ad supplicij locum redeunt, infamem laqueum nobilissima manu præscindunt, ac cruciarij cadauer nigro impositum feretro, ad societatis templum diuo Ioanni decollato sacrum, funebri pompa deferunt. Si quid Lector hoc opere audisti excelsius, publico bono prome, debebitur tibi publica gratitudo.

*Finis Primæ Partis.*



TRA.

TRACTATVS  
DE PIETATE  
ROMANA  
THEODORI AMYDENI  
PARS ALTERA.

Quæ est de operibus Caritatis Spiritualibus.

*De Puerorum in Christiana Religionis sacris  
mysterijs, & primis litterarum rudi-  
mentis, instructione.*

CAPVT PRIMVM.



PERVM Caritatis Spiritualium, quæ ad certam normam reduci possunt, omnium primum est sana doctrina imbuere ignotantes: quod quam proficuum sit in Republica, infortunata nostrorum temporum exempla demonstrant. Ab ipsa ferè infantia Christianæ, & Catholicæ fidei mysterijs puelli in singulis paræcijs festiuis diebus, magna cura

cura instituuntur, multum enim interest, quo liquore recens confectum vas, cuius odorem diutissimè, ne dicam perpetuum seruat repleatur. Nouerat hoc perfidus pariter, ac sagax Ecclesiæ hostis Iulianus in maximû Reipublicæ Christianæ damnum. Incumbitur huic operi, ne dum per ipsos Ecclesiarum Rectores, sed per Sacerdotum Collegium, huic muneri addictorum; quibus aggregata sodalitas Laicorum, qui diuisi per paræcias, vicariam fubeunt operam: & licet sine litteris puelli fidei mysterijs initiari possint, si accepta firmiter memoria retinuerint; facilius tamen cum ijs agitur, qui litteras didicerint: vnde per Urbis regiones erectæ extant, publicæ scolæ, quarum magistris stipendium præbetur è publico & non ante multos annos aliqui summa in pueros pauperes pietate præditi viri, hoc onus in se susceperunt, quibus postea Clicerius Lâdrianus nobilis Insulber, Commēdatarius monasterij S. Antonij Placentiæ non parum incrementi adiecit, & Summi Pontificis approbatione pio prædictorum virorum Collegio, Templum S. Pâtalconis prope plateam Agonis in medio Urbis assignatum fuit, & ædes sufficientes receptui ducentorum supra mille puerorum pauperum numero. Huç vndique

con-

concurrunt mane , & vespere cuiuscumque conditionis pueri, quibus in classes diuisis maxima adhibetur cura: imbuuntur primis rudimentis, simul ac Christiana pietate, & ne scola dimissa per Urbem vagentur, iidem professi illos binos & binos ad eorum domos ad vnum vsque concomitantur . Opus hoc , vel hinc existimaui valde pium , quod illi additi, longe sint, ab omni ambitione, siue elatione spiritus : non enim nisi cum puellulis , & quidem pauperibus ijs res est , quibus non scientias , sed vt omnem ostentationem effugiunt primas litteras docent .

Institutum hoc , quia Reipublicæ vtile visum, per Italiam dilatatum est & facillimè per vniuersam Europam propagabitur .

*De Urbis Romæ Vniuersitatibus, & Gymnasijs .*    *C A P V T*    *II.*

Puelli quos diximus in publicis scholis primis imbuti rudimentis cum per ætatem, & corporis vires licet, quia pauperum, vt plurimum filij iuxta parentum institutum arti addicuntur mechanicæ , reliqui , qui Mecenates, seu parentes nacti ditiores ad publicum dimittuntur Urbis Gymnasium , siue Collegium , seu  
mauis

mauis vtrumque. Fūdauit hoc, nunquam satis laudandus Gregorius Pont. Max. eius nominis Decimus tertius; illudque patribus Societatis Iesu regendum dedit : fabrica nondum perfecta , sed quæ extat regie magnifica: tantus eius est ambitus , vt non vna domus , sed oppidum videatur. Aluntur , hic eiusdem Societatis Relligiosi tum Lectores, tum Auditores ducenti, ex Auditoribus ad lecturam promouentur , qui in scientijs absolutiores euadunt , non in hoc solo Collegio , sed per vniuersam Italiam . Addictus loco, congruus ab eodem sanctissimo Pontifice annuus census . legitur mane & vespere miro Auditorum tum ex sæcularibus , tum ex alijs Relligiosorum, Coenobijs ; immo ob gymnasij totius Orbis celeberrimi famam ex diuersis Italiæ Urbibus concursu. Docetur in primis lingua græca , & latina in diuersis classibus, grammaticæ additur Rhetorica , & Logica , & si quæ artium, alia ad litteras confert humaniores. hisce absolutis, auditoribus integrum est reuoluere, an operam dare velint , scientijs, quæ ibi profitentur hoc est Philosophiæ , & Theologiæ , seu potius malunt Iuri prudentiæ, & Medicinæ incumbere: si prima studia placent omnem audiunt Philosophiam, naturalem & moralem,

nec



nec non Mathematicam , & si progredi lubet Theologiam, siue ſcolasticam, ſiue moralem. Si ſecunda magis arrideant conferunt ſe ad Urbis vniuerſitatem, Sapientiam vulgò nūcupatam. habet vniuerſitas hæc ampliſſimum, & auguſtiſſimum Gymnaſium, ac omnium ſciētiarum profeſſores publico, & amplo ſtipendio conductos. Verum quia Philoſophia, & Theologia apud Patres Societatis Ieſu valde florent earum hic profeſſores vix inueniunt auditorem . Iuris prudentia tamen in multas claſſes diſtributa , quemadmodum ars medica profeſſores habet in omnibus ad artem ſpectātibus, & auditores quamplurimos. Profeſſoribus datur ſtipendium, è Principis veſtigalibus, plurium Summorum Pontificum , & præſertim Leonis X. & Sixti V. munificentia aſſignatum . loci regimen quoad penum penes Camerarium, & Camera Apoſtolicae clericos; quoad profeſſores , & lectionem penes Conciſtorialis aulae Aduocatos; penes quos auctoritas Auditores licentiandi , ac doctoratus laurea, in iuris prudentiæ facultate decorandi . Promotio vero profeſſorum Sacrae Theologiæ ſpectat ad Sacri Palatii Apoſtolici Magiſtrum , de quo ſuo loco fuſius habebimus ſermonem .

*De*



*De Priuatis Vrbis Collegijs .*

*C A P V T I I I .*

Præter hæc duo publica Gymnasia , plurima alia Vrbs Roma habet priuata Collegia , à diuersis Summis Pontificibus , S. R. E. Cardinalibus & alijs Ecclesiasticis viris fundata , quorum alumni , vel proprios habent Lectores , vel publicæ lectionis hora iuxta locorum instituta , ad supradicta conueniunt publica Gymnasia , & lectione audita ad sua redeunt Collegia . Horum Collegiorum primum sit Seminarium Romanum , quod Pius eius nominis IV. Pont. Max. iuxta dispositionem Conc. Trid. instituit , & fundauit , in quo centum voluit ali adolescentes , qui in sacris literis iuxta præscriptum Concilij instituerentur , assignato , ijs , eorumq; Rectoribus competenti annuo censu , ex Ecclesiastico Vrbis prouentu desumpto . Seminarium regitur à Relligiosis Societatis Iesu , exactissima erga adolescentes cura . vltra Alumnos , qui publico aluntur , Seminarium præfatum recipit nobilium filios , qui conuictores distincto ab alumnis appellantur nomine . Hi menstruum soluunt pensum , maius quam soluatur pro singu-

singulo Alumnorū, quos etiam numero longe excedunt, quia non ex sola Vrbe, sed vniuersa Italia, vt hic erudiantur commigrant, immò etiam vltra Alpes, & maria conueniunt. Sanè dum ego hoc in Seminario quinquenniū silerem Pythagoricum, conuiuebant vno eodemq; tempore Germani, Belgæ, Galli, Hispani, Poloni, Illirij. Cultus, & educatio adolescentum admiranda, imbuuntur simul pietate, & litteris; lectiones audiunt in Collegio Romano. singulæ classes suos habent Repetitores ex patribus, coram quibus fit repetitio eorum, quæ à Lectoribus audiuerunt. Singula cubicula ex iisdem Relligiosis habent præfectos, qui adolescentes nunquam deserunt, sed prandentibus, cœnantibus, obambulantibus, Collegium adeuntibus, & redeuntibus semper adsunt. Viçtus abundans, & frugalis. Eundem morem seruant cetera omnia Collegia, quæ Patrum Societatis subiacent regimini hic ordine recensenda.

Iulius III. Pont. Max. Collegium in Vrbe fundauit pro natione Germanica, apud quam cum Lutherus immane impietatis monstrum impotenter ferociret, existimabat Alumnorū opera, qui Roma in Germaniam remearent, seductos ad sanam doctrinam posse reduci: vel  
illum

illum concepta spes fefellit , sed cum ipse debitum naturæ soluisset; collegium quod competentī annuo censu suffultum non erat, valde refricuit adeò , vt ferè ad internecionem redigeretur. Gregorius deinde XIII. Pont. Max. pro maximo erga domum Dei zelo , idem Collegium approbavit , ac de nouo assignato ei amplo annuo censu fundauit. Regimen : vt reliquorum Collegiorum ab ipso fundatorum penes Religiosos Societatis Iesu esse, Collegiū Germanicum , & Hungaricum appellari voluit, quia vna cum Germanis recipiuntur Hūgari, & nonnihil Belgæ. Aluntur in hoc Collegio alumni 150. plus minus , ijsque honestus suppeditatur victus , & amictus, accedunt vti de Seminario diximus statis horis lectionibus publicis audiendis Collegium Romanum. ad sunt inter eos primariæ nobilitatis adolescentes , qui absolutis studijs in patriam reuersi egregiam Catholicæ fidei nauant operam . : Collegio addicta Ecclesia parochialis sancti Apollinaris prope circum Agonalem, necnon amplissimæ illi adiacentes ædes. Sacra ab ipsis celebrantur alumni, quibus additus muscorum Chorus celeberrimus , cui soli ascripti annui aurei bis mille .

Idem sanctissimus Pastor Gregorius ferè

H

cete-

cæteris omnibus nationibus in Vrbe fundauit Collegia, quæ religionis, & fidei haberent sectionem. Anglis assignauit Templum sanctissimæ Trinitatis prope campum Floræ, vna cum adiacentibus ædibus valde amplis, ac annum sufficientem censum. Græcis à fundamentis extruxit Collegium, & Templum Diuo Gregorio Nazianzeno sacrum, via Flaminia; illudq; annuo prouentu dotauit. Maronitis, hoc est montis Libani habitatoribus in hunc diem fere prodigio Christianis, eodem, & collegium à fundamentis similiter extruxit, ad radices montis Quirinalis annuo adiecto censu, vt vera religione imbuti, aliquando ad suos reuersi, quæ rectè didicerunt probè reliquis præmonstrent. Reuersuris ob itineris longitudinem amplum viaticum præbetur. Neophitis hoc est ex hebreismo, siue atheismo recenter ad Christianam pietatem conuersis, amplissimum vt principia indicant, struere cepit Collegium, iuxta Basilicam Agrippæ, sed morte præuentus absoluere non potuit. Clemens deinde VIII. opus inceptum erogata pecunia promouit. Idem Clemens Scotis in Quirinali ædificauit Collegium, annuoq; redditu dotauit. Singula præmissa Collegia reguntur à Patribus Societatis Iesu, eorumque

rumque alumni, campanæ pulsu euocantur, publicis lectionibus audiendis ad Collegium Romanum, vt superius de Seminario diximus Romano.

Sacra Domus Lauretana orbi notissima, ab antiquo aliquos alebat in Vrbe adoleſcentes Illirios, qui litteris, & præcipuè sacris operam darent, & ad suos reuerſi eos ſana doctrina, instituerent. Carebaut communi Collegio, quod iſſis Clemens præfatus Gregorianæ innitens pietati, & zelo ampliſſimum aſſignauit in campo Martis ad Tiberis ripam, illudq; de ſuo nomine Clementinum appellauit: Religioſis Congregationis Summaſcæ regendum tradidit, qui (vltra Illirios, pro quorum ſingulo prædicta ſacra domus centum annuos perſoluit) more Seminarij Romani excipiunt conuiſtores nobilium per Italiam filios, quos pietatè, & litteris inſtructos parentibus reſtituunt. Lectores Collegium hoc, habet eiufdè inſtituti, Grammatices, Rhetorices, Philoſophiæ, & Theologiæ, & publicum Gymnaſiũ vti reliqua Collegia, huius Collegæ non frequentant.

Dominicus Capranicenſis fuit primariæ vir nobilitatis Romanæ, hîc à Martino V. vltimo ferè vitæ ſpiritu Cardinalium numero

affcriptus, Collegium fundauit; Capranicum ab eo nominatum, in proprijs ædibus non longe à Basilica Agrippæ, in quo 32. ali iussit adolescentes, qui Theologiæ, siue Iurisprudentiæ operam darent, nec nisi doctoratus recepta laurea, inde recederet. Regimen Collegij esse voluit penes sodalitatem Saluatoris ad Sancta Sanctorum, electionem verò Alumnorum, siue scolarium penes plures, & diuersos. Singulæ Urbis regiones electionem, seu præsentationem habent vnius. Regio verò montium Columnæ Triuij Campi Martis, & Pineæ duorum familia: Columnensium, sex; familia Capranicensium septem; Archiepiscopus Firmanus, & Episcopi, Anconitanus, & Fanensis singuli vnius, & licet vt diximus vniuersum regimen sit penes præfatam sodalitatem, illa tamen tresdecim suo de gremio deputat summæ probitatis viros, apud quos particularis Collegij cura, & ius electos, siue præsentatos approbare, vel si indigni reperti reijcere: non enim admittuntur, nisi ingenui, & honesti. Iacet vir maximus in sancta Mariæ supra Mineruam, vbi sequens cernitur Epiraphium.

## SEDENTE PAULO II.

*Dominico Capranicensi tit. S. Crucis in Hierusalem presbytero Card. Antistiti Firmiano maiori penitentiario xij. Apostolicis legationibus claro, pacis Italiae in annos 25. constitutori doctrina, religione & sanctis semper operibus admirabili.*

*Angelus eiusdem tit. Cardinalis Vnanimi Fratris, ac sibi commune monumentum hoc fecit, vixit idem D. Annos LVII.*

Retulit mihi cum hæc scriberem Dominus Andreas Capranicensis multarum litterarum & lenissimæ consuetudinis vir : Cardinalem Dominicum Gentilem suum, vt ex antiquis familiæ suæ monumentis excepit fundasse Collegium hoc, de quo agimus de mente Martini V. qui ob schismata illorum temporū, & heresin Ioānis Hus, & Georgij Vvicleff in Conc. Constātiensi in quo ipse Pōtifex renunciatus est damnatorum, amplissimum statuerat extruere Collegium, sed morte præuentus, quod destinauerat non impleuit : inposuit tamen verbo tenus Cardinali Domini-



co, vt ipse quatenus posset, voluntatem suam exequeretur, legata ei insigni Bibliotheca, de qua meminit Franciscus Petrarca æui sui Lyricorum Princeps, quã ad hunc effectum, vt videlicet Collegio fundando donaret, à maioribus suis acceptam, multo tempore ampliauerat: hanc Card. Dominicus Collegio à se extracto bona fide restituit.

Dominico Capranicēsi in hoc opere emulus est visus Stephanus Cardinalis Nardinus, patria Foroliuiensis, Archiepiscopus Mediolanensis, qui ad Domini imitationem, pariter in proprijs ædibus fundauit simile Collegium eiusque, ac scolarium regimen eidem sodalitati Saluatoris ad Sancta Sanctorum addixit, quam maximis cohonestauit legaris; habent singula hæc Collegia, Rectores, & alios necessarios ministros, nullos tamen præceptores, aut prælectores, sed singulis diebus statis horis adeunt lectionibus audiendis publica Urbis Gymnasia; sepultus est magnus hic præsul apud sanctum Petrum, vbi extat memoria.

D. O. S.  
Stephano Nardino, Patria Foroliu. tit. S. Mariae Transyberim præsb. Card. Mediol. Legato

*gato Avinion. obiit Anno Salutis 1484. 11.*

*Kal. Octobris.*

Huc spectat Collegium Orphanorum ab Antonio Maria Card. Saluiato, vt supra attigimus constructum, & fundatum, cui Pontificis indulto concessa fuit parochialis Ecclesia sanctæ Mariæ in Aquiro, cuius titulum cum præfatus Card. obtineret Ecclesiæ parochiali Rector præerat vir pius, qui in pueritia parentibus destitutus, & durissimam humanæ vitæ sortem fuerat expertus Cardinalem obnixè rogauit, vt antiquam labantem Ecclesiam restitueret, ac pauperrimis Orphanis auxilio esset. Card. Ecclesiam funditus diruit, ac aliam ampliorem à fundamentis erexit adiecto hospitio, & Collegio cui illic pro dote assignauit decem aureorum millia, & postea testamento legauit prædium valoris tunc aureorum viginti millium. Licet collegium, & hospitium vno contineantur ambitu, non tamen inter se communicant, sed singula suos habent Rectores, & ministros. Collegium non habet alumnorum determinatum numerum, sed assignantur ex hospitio; qui melioris cernuntur indolis, & ingenij, ex quibus vt plurimum deliguntur, qui prælatis, magnatibus,

immò ipsis S. R. E. Cardinalibus sint; vel à sacris, vel ab epistolis, vel à studijs, in quo munere quantum recta institutio valeat summa cum laude ostendunt.

Hieronymus Mattheius ex Opulentissima Romæ familia, & Cameræ Apostolicæ clerico, & deinde eiusdem Cameræ Auditore à Sixto V. in Cardinalium numerum coaptatus collegium fundavit diuo cognomini sacrum, nullos illi assignavit certos annuos redditus, sed hæredibus eorumque successoribus perpetuum imposuit; ut omnia ad alumnorum sustentationem necessaria collegio erogare teneantur, quod ab ijs probe adimpletur Lectores habet Collegium Philosophiæ, & Sac. Theologiæ. Sepultus est Cardinalis Hieronymus in Ecclesia Araceli in gentis suæ Sacello ubi eius memoria.

D. O. M.

*Hic iacet Hieronymus tit. S. Pancratij S. R. E. presbyter Cardinalis Mattheius, vixit annos LVI. menses 9. dies 9. obiit 8. Decembris 1603.*

*Ciriacus & Asdrubal fratri benemerenti posuerunt.*

Euan.

**Euangelista Pallotta** ex agro Piceno **Sixto V. Card. Cusentinus** nuncupatus, Collegium duodecim adolescentium, qui sacrae Theologiae operam darent in proprijs ædibus fundavit; moriens hæredem instituit Reuerendiss. Ioannem Baptistam Pallottam ex fratre nepotem Lusitanie legatione Urbani VIII. Pont. Max. beneficio clarum, virum sane integerrimum, apud quem Collegij cura esse voluit. Obijt Cardinalis Euangelista Romæ, sed eius cadauer translatum Calderolam, natale solum, quod ex obscuro vico, ædificijs, ac suis natalibus illustravit.

**Petrus Corfus** prothonotarius Apostolicus & vtriusque Signaturæ Referendarius, hæredem ex asse instituit confraternitatem sancti Spiritus, nationis Siciliae, citra Pharum, cui imposuit, vt Collegium fundaret suis populatibus; sic refert lapis illius sepulchro appositus.

*Petro Corso I. V. D. viro opt. è nobilibus Comit. de Iſiria Oriund, qui post quam pluribus annis apud Carolum V. Rom. Imp. alijsq; Rom. Christianaq. Reipub. Principes pro Sereniss. Rege Polon. Oratoris munus cum summa sui laude exercuit pluribusq. Magistrat. integer-*

tegerimè functus sanctissime inquisit. off. religioſissime aliquando inferuipit, ac tandem beneficiorum Dei memor Societat. Spiritus sancti nat. Reg. Neap. pro qua erigenda summa ſemper, ope nixus eſt heredem inſtituit, ut Roma Collegium ſcolarium de Iſtria nuncupatum poſt mortem nepotum, quos dum viuunt uſufructuarios reliquit, & rectum omnium mobilium abſolutos. Dominos eſſe voluit erigat, eosque ſub certo numero eligen. nutriendos perpetuò ſuſcipiat, ita tamen quod proximiores ſui, & poſt illos alij de Patria, & omnibus deficientibus vicinioreſ ceteris præferantur, iuriq. canonico, & ciuili ſtudeant. Corpus ſuum in hoc loco poſt eius obitum condi iuſſit. Io. Victoria Donade. Nic. Ma: Paſauantius, & Camillus Lamarra, ex ſororibus nep. poſuere, vixit ann. 73. menſ. 5. dies 7. Obijt 6. Kal. Aug. 1583.

Simile omninò in proprijs ædibus collegiũ fundauit Dominicus Cardinalis Gymnaſius, qui ſuperſtes illi præeſt, & leges, & alumnorum numerum præſcribit.

Præter præfata Collegia plurima ſunt in Vrbe, tum monachorum, tum mendicantium cœnobia, in quibus dietim illius inſtituti pro-

ti professis preleguntur à summis, & doctissimis viris Philosophiæ, & Theologiæ accuratissimæ lectiones. Cassinensibus apud S. Callistum, Vallembrofanis apud S. Praxedem, Prædicatpribus in sanctæ Mariæ supra Mineruam Minoribus de obseruantia in Aracoeli, & alijs in singulis coenobijs, quorum longum esset exactum recensere catalogum, & licet præfectiones, & studia huiusmodi non sint in locis perpetua, sed ex causa Superiorum arbitrio dimoueri possint; hoc tamen non facile accidit, sed ubi semel facultatum studia fuere, introducta, quasi loco debita conseruantur. Sixtus V. Pont. Max. apud coenobium 12. Apostolorum Minoribus conuentualibus Collegium fundauit sub vocabulo sancti Bonauenturæ, quod mutationi non est obnoxium, addixit enim eidem non exiguum annum censum, quo sustentari valeat non spernendus numerus eiusce instituti professorum, inter quos viri docti non pauci.

*De Publicis Verbi Dei Concionibus.*

*C A P I T U L U M IV.*

Quamuis in Christi Domini Natiuitatis Aduentu, & Quadagesimali ante à mortuis resur-

resurrectionem eiusdem in Ecclesia Dei inuenerato ieiunio; vsus concionandi sit crebrior; utpote quia in plurium cœnobiorum; & collegiorum nec non patriarchalibus Ecclesijs, quotidie verbum Dei prædicetur; ac Evangelium annuncietur; quibus temporibus magnus magnorum Oratorum, & doctissimorum virorum in concionibus fit concursus, non tamen quod reliquum anni est silent suggesta: singulis festiuis diebus apud Augustinianos, Dominicanos, Seruitas, Carmelitas, Iesuitas, & alios mendicantes post missarum solemniam, publicæ habentur conciones: post vespertinas præces sermones, idq; fit in multis sæcularium Sacerdotum collegijs, è quibus ingens spiritualis fructus incrementum. Congregatio est piorum virorum Romæ ab oratione Oratorij nuncupata. Beatū Philippum Nerium iam pridem à Gregorio XV. in Sanctorum numerum relatum habuit auctorem, assignata eis à Gregorio XIII. Angusta Ecclesia sanctæ Mariæ in Vallicella nuncupata, qua demolita ampliores; & augustiores, ut mox videbimus maiori ex parte ædificarunt Cæsij. Congregationis institutum est singulis diebus statis horis vacare orationi cum vocali, tum mentali, summo cum sæcularium concursu:

ora-



oratione perfecta proponitur à quolibet bre-  
uis quidam discursus tendens in proximi sa-  
lutem, ex eo ansam capiens vnus ex congre-  
gatis fermocinatur, per horæ medium, lapsa  
aqua subit alter, & illi rursus alter vsque ad  
quartum, ita vt quotidie diuersis temporibus  
non minus quam septem habeantur diuini  
sermones, quibus ad perfectionem christianã  
nihil accommodatius, & hi quidem habentur  
in ipsa Ecclesia, præter eos, qui bis in hebdo-  
made, diebus videlicet Lunæ, & Veneris in  
Oratorio habentur sermones à primis diuersi  
cum themate tum instituto. Recitantur primũ  
preces Liturgicæ; deinde musicorum chorus  
suauissima vocum modulatione, ac instrumen-  
torum musicalium concentu admirabili, con-  
cinit laudes Deo, sequitur concio, qua  
inuitantur congregati ad corporis castigatio-  
nem, & sub spiritu reductionem auferuntur  
lumina, & congregati nudata corpora, siue  
lõris, siue flagris non perfunctoriè excipiunt,  
recitatur alta voce psalmus, cui initium *Mise-  
rere mei Deus*, quo absoluto, datur signum  
receptui. recincti singuli ad sua redeunt loca,  
redditur aulæ lumen, & congregati post itera-  
tam modulationē dimittuntur. Vsus hic oran-  
di, plectendi, concionandi, conferendi, & mo-  
dulan-

dulandi est multis alijs cenobijs, & ſecularium ſodalitatibus communis: ſeruatur apud ſanctũ Ioannem Baptiſtam in Campo martis prope S. Silueſtrum diebus Lunæ, Mercurij, & Veneris. Die martis apud congregatos Somaſce in ſancti Blaſij montis Citorij: die Iouis apud Clericos regulares ſancti Pauli ad forum Antonini: Sabati apud ſanctam Mariam de Planetu, & eodem die cum Dominica apud Ieſuitas in Oratorio congregationis Nobilium, quo conueniunt ne dum primariæ nobilitatis ſeculares, ſed Summi Romanæ Curia Prælati, nec non ipſi ampliffimi ſacræ Romanæ Eccleſiæ Cardinales, & ne ciuibus qui labore manuum ſuarum victum quærunt iſta deſit ſpiritualium perfectionum communicatio, recipiuntur in eodem exercitio ſingulis dominicis, & feſtiuis diebus ab iſdem patribus in collegio, quod diximus Romano: quo die non habentur facultatum lectiones. Extat in eodẽ collegio alia nobilium ſcholarium, idem collegium frequentantium Congregatio Virgini Annunciatæ ſacra, cuius ſodales reliquis ſunt exemplo: & quia præter nobiles, ciues mercatores, cerdones, magna feſtis diebus ex agris Romam concurrit ruſticorum multitudo: illos ſollicita Patrum Ieſuitarum cura verbi diuini per

per publicas Urbis plateas concionibus præuen-  
tos naturali feritate exutos, esse cogit, &  
pios. Ad poenitentiam tanto feruore spiritus  
agrestes incitat, vt ingens turba concionan-  
tem sequatur, illicò Sacerdoti peccata confi-  
teatur, & ad sacram synaxin digne, vt con-  
uenit præter gentis genium summa cum ani-  
marum salute accedat, quæ iisdem magna  
charitate exhibetur, addito sepe discedenti-  
bus aliquo christianæ pietatis indice munu-  
sculo.

Postremum capitis veluti corollarium, so-  
dalitatis Rosarij Virginis magno animarum  
bono in Ecclesia sanctæ Mariæ supra Mineruâ  
erectæ, cingat institutum. Conueniunt sode-  
les singulis primis Dominicis, vniuscuiusque  
mensis, ac Rosarij oratione præmissa solemnè  
agunt in Templi circuitu accensis cereis Or-  
thodoxorum more supplicationem: ea pera-  
cta Relligiosorum vnus præfati coenobij, eru-  
ditum simul & deuotum ad sodales, reliquūq;  
astantem populum in laudem Virginis habet  
sermonem: quo lapsò repetuntur preces: inde  
abitur. Iterantur hæc sacra (vna supplicatio-  
ne missa) ter in hebdomade, summa sodalium,  
ac totius populi deuotione. Nam licet vel do-  
mi orare possimus, fieri tamen nequit, vt æque  
bene

bene oretur, ac in Ecclesia, vbi tot Patres, vbi clamor felici societate excitus, ad Deum refertur immortalem. Non pariter (inquit Chrysostomus) exoras cum solum Dominum obsecras, atque tuis cum fratribus; est enim in hoc plus aliquid; videlicet concordia, conspiratio, copula amoris, & charitatis, Sacerdotum clamores. Præsumunt enim ob eam rem Sacerdotes, vt populi orationes, quæ infirmiores per se sunt, validiores illas complexæ simul in Cælum euehantur. Relligioso instituto plura à summis Pontificibus fuere concessa priuilegia, & indulta. Pietatem hanc recitandi preces, vt dicitur ad coronam à nobis; vt plura alia impietatibus suis addicentes, mutuati sunt Turcæ, quos compertum est preces ad præfixum numerum signis ad instar nostri digito dimissis repetere. Tanta orationis vis est, vt improbissimi quique eam agnoscant, & probent.

*De Contentionum Relligiosis, faccialibus, litium  
iudicialium diremptoribus, bonarum  
causarum aquis defensoribus.*

*C. A. P. V. Tit. VI.*  
Licet omni lege permissum sit vnicuique  
se, iusque suum legitime tueri, quia  
tamen

tamen affectio, qua propria prosequimur, & nobismet ipsis mirum in modum assentimur, nostramque opinionem aliorum quorumcunque, ut plurimum preferimus sententiæ, accidit sæpissimè, ut in hoc genere erroris largiter erremus. huic errori per quoscunque religiosos viros sedulo solet occurri, præstat id accuratius per professores Oratorij, qui ubi resouerint inter aliquos non bene conuenire, discordiæ causam, & originem inuestigare satagunt: qua percepta dissentientes ad concordiam multis argumentis, & exhortantur, & quodammodo cogunt. maximus huiusce ad vnionem persuasionis est in Republica vsus, cui nihil optabilius quàm ciuium concordia ciuitatis tutissimum firmamentum. Si verò controuersia in Iudicio fuerit introducta, & collitigantium pars altera pauperior sit ac litium sumptibus impar, subuentionem accipit à congregatione nuper erecta penes clericos regulares apud sanctum Paulum in foro Antonini. constituitur congregatio hæc ex aduocatis, & procuratoribus, qui singulis diebus Iouis conueniunt: litium, & controuersiarum supplices oblatos libellos accuratissimè examinant, si bonam causam continent, offerentibus id renunciant, ac se in prosecutione

iudicialis causæ affore spondent, sponfionem probe cauent, causamq; acerrimè defendunt. Si vero exponentes non niti bonæ causæ iudicauerint, vt à cepta lite desistant, seriò persuadent. Præstatur etiam iusta causarum defensio ab aliis, longe antiquiori Curie procuratorum in sancti Eustachij fundato Collegio, è quo pauperibus assignantur procuratores; qui eorum causis adsint immò ipsum sacre Rotæ Tribunal si quis pauperem se ostenderit ne ob inopiam, causam, & ex ea ius oriens deferere cogatur eidem procuratorem, & advocatos destinare, ac scripturas ab actuario nullo pramio exhibendas decernit.

*De Aegrotorum, ac languentium visitatione,  
ac pie morientium spiritali refectione.*

CAP. V. T. VI.

Sæpe recensita Congregatio Oratorij cum in omnibus christiana pietatis operibus continuo se exerceat, infirmis adesse, eosq; vel dimisso famulatu curare, vel ad pie moriendum exhortari omnium primum statuit: ne dum publica adies infirmorum, Xenodochia, sed priuatas frequentans ædis, ægros seruitij ope, qua multum indigent, & simul doctis, & pijs ser-



sermonibus refocillās. Verū quia congregatio hæc, pluribus intenta, huic soli operi non vacat, quod tamen apud Christianos omnium maximum iure censeari debet, cum tota animarum salus christianæ genti tantoperæ curæ à bono fine dependeat: Camillus Lellus sacerdos Theatinæ diœcesis congregationem instituit, cui proprium munus esset infirmorum curæ assistere, eosque non deserere donec, vel conualuerint, vel certè pie in Domino obdormiuerint. Institutum sodales pro viribus magna cura, & charitate adimplent, nam ad ægrotum accersiti non inde recedunt, nisi quando cibum capere eis pro virium refectio-  
ne contingit, quo tempore alij subintrant, donec primi domo reuersi succedaneos missos faciant. Est horum sodalium multiplex, & opportunus infirmis vsus: licet enim primus eorum scopus sit morituros ad honestam, ac christianam mortem disponere, perpetua tamen apud infirmos assistentiâ summopere etiam ad salutem corporis confert: nam quotidiana experientia edocti, vel ipsis Medicis melius norunt, quando & qua moderatione infirmis præbendus cibus, seu potus artis medicæ non postremum necessarium præscitum: deinde iisdem in memoriam reuocant, ut



si Deo ita postulante mori contingat, de bonis temporalibus iuxta, ac ius, & æquum postulat vltima volūtate disponant, hac tamē cautela, ne quicquā sibi relinqui petant, hoc enim apud eos religio est. Demum morituros sacratissimis Ecclesiæ Sacramentis communiri, sollicitis studiis procurant. Cœnobium habēt apud sanctæ Mariæ Magdalenæ prope Pantheon : seu Basilicam Agrippæ. Institutum, christianæ pietati valde necessarium prope diem per vniuersam fere Italiam propagatum. Insigniuntur huius ordinis professi in dextro pectore, cruce prægrandi coloris fului lignum exprimentis. causam dedisse ferunt visum quoddam matris institutoris: quæ prægnans parere sibi visa est puellum hac cruce notatum, & enixa, peperit Camillum.

*De Pœnitentiæ, ac Eucharistiæ Sacramentorum indefessa administratione.*

*C. A. P. V. T. VII.*

Non soli moribundi ad pœnitentiam exhortandi sunt, sed & valentes, quibus nihil incertius quam corporis salus, quæ ne dum in dies, sed in horas, instabili adeò variatione mutatur, vt quem paulò ante fortitudine corporis

poris fretum, sæcula victurum credebamus iā  
nunc videmus efferri illū bellantē arma deci-  
cipiunt. hūc collapsus paries obruit: ille vehi-  
culo lapsus properantem animā excutit, aliū  
medicus orco tradit, & pharmacis seruandum  
occidit: si recte calculum ponas, non alius,  
quā a vita ad mortem faciliior transitus.  
Christianis itaque hoc agendum sedulo, vt  
quod fide credunt, id opere præstent, nem-  
pe vt in cordis contritione Omnipotentis Dei  
gratiam promereantur, qua nihil apud eum  
gratius, nihil acceptius. Sacramenti itaque  
pœnitentiæ in Vrbe, frequentia, est sanè ad-  
mirabilis; nam præter parochiales Ecclesias,  
que presbyterij iure erga parēcos in id mune-  
ris astringuntur, illud assiduè obeunt, omnes  
regulares. Augustiniani Prædicatores, Mi-  
noritæ, Seruitæ, & reliqui mendicantes, quo-  
rum Ecclesias pœnitentiariorum subsellijs  
cernimus repletas. operam tamen hac in re  
particulari sacerdotij instituto nauant maio-  
rem Societas Iesu, & Congregatio Oratorij,  
apud quas singulis festiuis diebus innumeram  
videre est multitudinem, peccata sacerdoti  
confitentem, ac sacram summa cum deuotio-  
ne sumentem Synaxin. Congregationes, quas  
diximus apud Iesuitas, Orantes, ac reliquos

• 1 3 cle.

clericos regulares introductas, nec non ceteræ quotquot sunt, de quibus in tertia parte habebimus sermonem, laicorum confraternitates, hoc maximè intendunt, ut earum sodales bis, vel saltem semel in mense apud sacerdotem peccata deponant, ac ad mēsam sanctissimi corporis Christi accedant. Iesuitarum recens inuentum est, promiscua quædam omnium ordinum ad sumendam sacram Synaxin conuentio: hanc Communionem appellant Generalem, ad quam tantus mortaliū concursus, ut quandoque vno die triginta hominum millia spirituali conuiuio refecta reperiantur. Institutum omnium maximè sacrum, iam nunc valde ampliatum, semel exhibetur in mense in diuersis Vrbis, ut omnibus vsui esse possit Ecclesijs. Quibus ne insigne pietatis opus dispendio sit, illi aggregata est laicorū sodalitas, quæ cereorum, ac reliquorum sumptuum expensas benigne suppeditat. concurrunt ex singulis ordinibus sacerdotes, qui peccata confitentibus dimittunt. Qui egregiā præ reliquis nauat operā Petrus est Garapita Societatis Iesu professus Sacerdos. Et ne solos ciues, aut Vrbis Romæ incolas tam vario ad pietatem illice vocari existimes, peregrinis, & longe disitis nationibus pontificio instituto tria apud

tres

tres patriarchales Urbis Ecclesias penitentiariorum extructa Collegia, in quibus degunt sacerdotes omnium linguarum periti, poenitentiumque peccata summa eis per Pontificem auctoritate attributa absoluunt. Apud sanctum Ioannem in Laterano poenitentiarii sunt ex ordine Fratrum Minorum sancti Francisci de obseruantia. Apud sanctum Petrum in Vaticano, Iesuitae. Apud sanctam Mariam ad Praesepe, quam vulgari vocabulo Maiorem indigetant Praedicatores. & ut quisque poenitentiarium sibi popularem facili negotio inueniat, singulis subsellijs maioribus caracteribus linguae, cui praest inscriptum, videlicet poenitentiarius pro Gallica lingua, Poenitentiarius pro Anglica lingua, & sic de caeteris.

*De Publicis, & communibus mortuorum suffragiis. C A P V T V I I I.*

Nulla vnquam tam effera gens, aut religionis expers, quae non crediderit, animas fontium, igne purgatas, foelicitati restitui. Nouerunt hoc Scythae, ut testatur Lucianus in Toxari. Persae, ut apud Xenophontem in Cyro. Graeci ut notat Plato cum affirmat virtutes animae separatas esse rationes animi purga-

ti; nec posse induci in medio nisi in campo Elyfio purgentur. Hunc imitans Virgilius Aeneidos 6. eundem sensum ostendit fuisse Latinis; ita enim de mortuis non recte expiatis differit.

*Non tamē omne malū miseris, nec funditus oēs  
Corporeæ excedunt pestes penitusq; necesse est  
Multa diu concreta modis mollescere; mixis;  
Ergo exercentur pœnis veterumq; malorum  
Supplicia expendunt, aliæ panduntur inanes.  
Suspensæ ad ventos: alijs sub gurgile vasto  
Infestum eluitur scelus, aut exuritur igni.  
Et dilucidius Claudianus post multa.*

*Quos ubi per varios amnes, per mille figuras  
Egit letheo purgatos flumine; tandem  
Rursus ad humana reuocat primordia formæ.  
Idem sentit Algazel Philosophus Arabs  
Philosophiæ suæ lib. 2. tract. 5. cap. 5. Rham-  
nusius Indicarum navigationum scriptor dili-  
gentissimus refert Indos omni alia re Barba-  
ros probe credere esse locum quemdam, in  
quo mortuorum animæ ab immunditia in fœ-  
culo contracta igni purgentur.*

Hæc non deduxi, ut ex ijs catholica veritas Purgatorium asserens aliquod fulcimentum accipiat, nam illa ex sacra Scripturæ locis, &

con-



constanti Ecclesiæ assertionem firmatur præsertim 2. Machabeorum 12. *sancta, & salubris est cogitatio pro defunctis exorare, ut à peccatis solvantur.* Sed solum ut noscant Lutherani, cæteriq; Ecclesiæ hostes, quam impudenter contra Ecclesiam intuebantur; negantes eam veritatem, quæ gentibus solo lumine nature fuit cognita: certè idem Lutherus in resolutionibus suis de virtute indulgentiarum quas ut testatur Cochleus in tractatu de actis & scriptis Lutheri, conscripsit de anno 1518. dum in mentionem purgatorij incidit, Pighardos illud negantes velut hæreticos acerbissime infectatur. Apponamus impudētissimi hominis tunc adhuc sana verba. Mihi (inquit) certissimum est Purgatorium esse, nec multum me mouet, quid blatterent hæretici, quando iam mille plus centum anni sunt, quod beatus Augustinus in suarum confessionum lib. 9. pro matre, & patre suo orat, & orandum petir: & eadem sancta mater eius moriens memoriam sui optauerit ad altare Domini. Sed & B. Ambrosio id factum narrat. quod si etiam tempore Apostolorum non fuisset Purgatorium, ut superbit fastidiosus Pighardus: nunquid ideò credendum est hæretico vix quinquaginta annos nato, & fidem tot sæculorum sal-

sam

sam fuisse contendendum. Hæc Lutherus, quorum illinc biennio prorsus immemor in libro de captiuitate Babilonica, quem vt testatur idem Cochleus conscripsit anno Domini 1520. proteruè, & perfrictè negat ad fidem pertinere, an Purgatorium esse vel non esse credamus. videant sectarij, quem sequantur auctorem. Referenda hoc loco prædicantiũ quorundam Puritanorum in Gallia faceta collatio: conuenerant homines isti in quandam Principis mulieris suæ sectæ domum, in qua assembleam, siue conciliabulum celebraret. Vnà dierum quibus hic hererët, post epulas, quidam eorum vino hilarior, aboleuimus inquit Purgatorium. Astabat mensæ famulus religionis Catholicus, & cur non Domini (inquit) aboletis etiam Infernum; quandoquidem vtriusque apud vos equa potestas, & rem facietis mundo gratissimam. mordaci scommate, permota Princeps foemina impios deseruit, menti ac religioni restituta bonæ.

At transiliuimus instituti metam, quo nobis præscripsimus pietatem Romanam mundo apertam reddere, nō autē Orthodoxæ fidei dogmata scolasticè cōprobare: vnde sufficiebat illud de Purgatorio tāquā in Ecclesia Catholica receptissimum ex sacro Missæ canone

præ-



-ptæmittere. *Memēto Domine famulorū tuorū, qui nos præcesserunt, cum signo fidei, & dormiūt in somno pacis, ipsis Domine locū refrigerij lucis & pacis, ut indulgeas deprecamur, &c.*

Hanc in Christo dormientium memoriam Vrbs Roma, multis ostendit argumentis. Omnes enim præfatæ Congregationes, aut sodalitates, decedentibus fratribus, statis diebus recitant pro mortuis ab Ecclesia Dei præscriptas preces, Officium mortuorum, vulgo nuncupatas. Et ne illi, qui nulla sodalitate aggregati, hoc precum suffragio destituantur: erecta in Vrbe, de anno 1582. in parochiali Ecclesia S. Blasij, via Iulia laicorum sodalitas, quæ suffragij dicitur, quia vnicus illius scopus mortuorum suffragijs incumbere. Aluntur in prædicta Ecclesia septem sacerdotes, qui quotidie pro animabus fidelium in charitate Deo coniunctorum, & in Purgatorio pro contractæ labis expiatione retentorum offerunt sacrum missæ officium: ipsi sodales laici singulis festis diebus recitant præfatū psalterium Ecclesiæ pro mortuis. per integram commemorationis Defunctorum octauam; quotidie solemnes agunt supplicationes, ab eorum Oratorio ad Basilicam sancti Gregorij, & alias præcipuas Urbis Ecclesias. Sæpius in anno rei-

terant

terāt quadraginta horarum preces, nec quicquam omittunt, quod expiandis animabus iuxta præscriptum Ecclesiæ suffragetur.

Die verò commemorationi Defunctorum dicata 2. videlicet Kalendas Nonembris, ac pluribus illi sequentibus maximus omnium. ordinum ad prædictam Basilicam sancti Gregorij fit concursus, vbi offeruntur preces, & oblationes pro mortuis tanta animorum alacritate, vt satis liqueat defunctorum piam memoriam apud Romanos nunquam obliterari. Pulcherrimum in hoc opere tres illæ patriarchales, quas supra recensui Ecclesiæ, videlicet, sancti Ioannis in Laterano, sancti Petri in Vaticano, & sanctæ Mariæ ad Præsepe habent institutum: quo post diem commemorationis defunctorum ad singulas Urbis Paræcias transmittunt non paruum Sacerdotum numerum cum cereis, & reliquis diuino cultui necessarijs, vt missam solemnem pro defunctis inibi quiescentibus (quia videlicet solus parochus, hoc in mortuos pietatis officium adimplere non valet) relligiosè decantent.

# DE PIETATE

ROMANA

THEODORIAMYDENI

PARS TERTIA.

Generalem Urbis Romę in Deum continens pietatem.

*De Sum. Pont. & Cardd. in Deum Pietate*

CAPVT I.



ARTEM hanc à summo Pontifice, & amplissimis S. R. E. Cardinalibus initium sumere, ideò conueniens, quod illis præcipuè cordi est sana in Deum pietas. Si præteritorum reuoluamus acta seculorum, nullam in Orbe christianam inuenimus, quam à Romanis Pontificibus inductam religiosam pietatem: quicquid cæcutientibus proteruè protrudant Nouatores, qui vere pietatis certissimum fontem Apocalipticam beluam Antichristum, & si quid execrabilius

voci-

voçant, nullum facinus tam atrox, quod huius capiti non impingant: ille plausibilior, qui mentitur inuerecundius, & ementitur: nec refert à quo fabula originem trahat. dictum sufficit, siue ille è puluere, siue à gladio, siue ab aratro ad calamus conuolarit: modo admodum mentiat, & impudenter conuitia, & contumelias ingerat etiam si improbabilia effutiat, eruditus est, disertus est: fortis & strenuus si spicula liberius tangat, si iacula emittat, si diris Petri successorem deuoueat. iure, vel immerito nil refert, iam satis hoc est in supremum Ecclesiæ caput fulmina struere. Morneus ille Plessæus, iam dudum mentis, deinde etiam corporis oculis orbatus, nonne in epistola ad Iacobum magnum Britannie Regem, laudi sibi duxit, quod laicus, quod militiâ professus Papatum scriptis aggredi non sit veritus? Isaacus Casaubonus purusputus Grammaticus, nonne gloriatur grammaticali calamo Pontificem Romanum foeliciter transfixisse. Ipse Lutherus omnium in Catholicam Ecclesiam impudentum antesignanus nonne testatur sacræ Scripturæ intellectum non à Theologia, seu facultatum alia, sed à sola Grammatica opitulari, quo errore seductus in impietatis baratrum deuolutus, tanta petulantia

lantia impurissimus homo in Romanum Pontificem Christi in Terris Vicarium debatchatus est; vt ipsos hæreticos aliquando spurcissimi scurræ pudeat. sed missos faciamus infelices, suo genio; & malitiâ satis miseros, ne relatione impietatum reddam miseres. Ad Pontificem igitur, & Cardinales; vt redeamus duplex in ijs considerata est pietas; interna; & externa; interna non nisi ex actibus exterioribus innotescit, vnde sola externa in hominum est notitia, quæ similiter duplex est, publica; & priuata; ad priuatam pertinent eleemosinæ; quas in pauperes erogant & omnia pietatis indicia; quæ domesticos parietes non egrediuntur, vt singulis diebus sacrum missæ officium celebrare; seu celebranti adesse. Publicæ pietatis argumenta: in Pontifice sunt multa. Primum, præcipuis anni festiuitatibus, vna cum Cardinalibus publicè adest matutinis, & vespertinis precibus; & in maioribus ipsius missam decantat: inter missarum solennia concio habetur latino sermone; Euangelium; quod illi diei Ecclesia præscripsit explanâs. In Aduentu singulis diebus Mercurij, in quadragesima diebus Veneris; coram ipso & Cardinalibus; id muneris obit religiosus quispiam doctus; & eloquens; qui

qui tanta efficacia, & christiana libertate superemorum Præsulum vitia, si quæ sint reprehendit, ut satis liqueat in Ecclesia Catholica tantummodo exactam libertatem reperiri. In die Coenæ Domini proprijs manibus iuxta Saluatoris exemplum duodecim pauperum publicè lauat pedes, lautos sindone abstergit, quos non nisi pransos, quorum mensæ astat minister, & veste, ac congiario donatos dimittit. Die Annunciationi Virginis sacra; apud S. Mariam supra Mineruam ingenti puellarum numero à Societate dotatarum sanctissimis manibus loculos porrigit, ac dotæ proprio peculio auget. Idem præstat die festo Allumptionis eiusdem Virginis in Basilica Liberij; vulgo S. Mariæ Maioris: quâ die ibidè alia sollemnitas Consolationis nuncupata simili charitate, puellis dotes elargitur. Festo Corporis Christi die, sacram synaxin per amplum Urbis Leoninæ tractum religiosissimè circumfert. Mercurij cinerum, stationum apud S. Sabinam sollemnia suo exemplo inducit: in his omnibus purpurati Patres lateri suo indiuisi adherent. in festo Resurrectionis, & Natiuitatis Domini; tam summus Pontifex, quam Cardinales toti familiæ sacratissimum Christi Domini Corpus ritè expiatis proprijs manibus, præbent.



bent. Pontifex cum negotiorum, quibus distrahitur moles permittit, diuersas Urbis inuisit Ecclesias: quod Cardinales agunt frequentius, præsertim illi; quibus minor premit negotiorum sarcina, immò interfunt sæpius tum Carmelitarum, tum Orantium, tum Iesuitarum Congregationibus, ut nullum apud multos, vel paruum consideres temporis spatium, quod Deo, vel proximo non distribuât. Non omittendum Clemētis VIII. Pont. Max. supremæ pietatis, quod ad successores transiuit institutum. Ut nullo vnquam, vel minimo tempore Vrbi deesset orantium excubia, statuit, ut per singulas Urbis Ecclesias haberentur preces per continuas quadraginta horas ordine successiuo distributas. Principium in ipso Pontificis Sacello, deinde apud sanctum Petrum, post apud S. Ioannem, & sic deinceps per omnia Urbis sacra Collegia: ordo & modus precum hic est; exponitur publicè multis cereis, & luminaribus circumscriptum sacratissimum Eucharistiæ Sacramentum, illicò vnus è collegio per integrâ horâ, ante aram in qua sacra synaxis exposita, orationi vacat, hora elapsa subrogatur alter, & illi rursus alter, donec effluerint quadraginta horæ: quibus effluxis oratio transfertur ad aliud Collegiū, &

K                      deïn-



deinde aliud, donec per circuitum redeat ad primum, hoc est Pontificis Sacellum. Celebratur solemnitas ista quadraginta horarum, decentissimo, ut potest sacro apparatu, in quo reliquos omnes excellunt Pontifex in Capella Paulina, sodales Societatis Iesu, in eorum Ecclesia, & apud S. Laurentium in Damaso Cardinalis pro tempore Cancellarius. Spectaculum est in his locis ubique augustissimum, ut vix excogitari possit quicquam sumptuosius. Solet etiam Romanus Pontifex ad diuertenda inter Christianos Principes bella, vel alia graui ex causa solemnes supplicationes, quibus ipse pedibus incedens per non exiguum itineris spatium à sacro eius Palatio ad sanctam Mariam ad Præsepe, seu aliam Urbis Ecclesiam Liturgicas preces vniverso Clero decantante indicere, quæ qui præsens intuetur, summè impius est, nisi Romanum Pontificem, ac S. R. E. Cardd. maximè pios esse fateatur.

*De liminum Apostolorum, aliarumque Ecclesiarum perenni, & sedula visitatione.*

## C A P V T II.

Nullà vnquam, vidit Orbis gentē, quātum-  
uis

uis barbarâ, quâ tumuis prophanâ, quæ Numẽ aliquod licet impiè, saltem relligiosè non cole ret, illiq; fastos diceret, & sacra statueret. Prisci Romani, vt reliquas omnes magnanimitate, ita superstitione, & falsa in falsos Deos pietate longè superarunt. testantur hoc Iupercalia, Floralia, Iouis epulum, lectisternia, & infinita id genus alia, apud Scriptores, qui Romanos fastos collegere sacra. Veri Numinis benignitate accidit, vt quod impium in pietatem conuersum sit, & superstitio mutata in religionem. Romana pietas summa colit festos in honorem Martyrum, aliorumque Sanctorum relligione dies, & in hoc pietatis genere omnem aliam gentem multis numeris excedit. Nullus ferè Dinorum Catalogo ascriptus, qui in Vrbe ædem, siue Sacellum non habeat suo nomini dicatum. Illud anniuersario festo die, visendo apparatu exornatur, ab infinita multitudine, & præsertim à primarijs viris, & nobilibus matronis deuotè visitatur, donis & muneribus liberaliter decoratur. Quadragesimali ieiunij tempore ex antiqua traditione singulis diebus habentur à fidelibus in singulis templis sacrae stationes, quas magno concursu Populus sacro ritu, & summa celebrat veneratione. Et licet Numinis

cultus quoquo tempore perennis sit: solennitas tamen in Ecclesiarum visitationibus anno Iubilei tanta est, tantaq; deuotissimi populi in hoc obeundo munere frequentia, vt excedat hominum fidem: Vidi nuper non semel vno die, hoc sacro Iubilei initio vltra quadraginta mortalium millia Ecclesias deuotè circumire summo spiritus feruore, decore summo. Nemo qui non rite compositus, nemo, qui non, præferat, quæ christianum decet modestiã. Nullæ audiuntur prophanæ confabulationes, nulli cernuntur procaces aspectus, sed vnusquisque Numen mente conceptum gerens, quam calcat intuitur terram, rosaria recitans, vel alias, siue mente, siue voce ex animo ad Deum dirigens preces. Quod magis hac in re mirabar erat, omnem multitudinem (quia peregrini in illo anni exordio non dum Romã aduenerant) ex Romano populo esse; ducem se reliquis, in pietatis semita præbente. si probis oculis isthæc Nouatores inspicerent, & non vt solent Orthodoxorum omnia licet optima in peiorem partem raperent; profectò apertam hanc pietatem, impietatem dicere non auderent.

*De Patriarchalibus Urbis Ecclesijs.*

## CAPVT III.

Tres præcipuas, & patriarchales Urbis diximus esse Ecclesias: quarum prima S. Ioannis in Laterano, vt testatur antiqua inscriptio in porticu illius satis illepido carmine exarata.

*Dogmate Papali datur, ac simul Imperiali  
Quod sum cunctarum mater caput Ecclesiarum.*

Quia videlicet est Episcopalis Urbis Romæ sedes, licet ob aëris intemperiem, ac securitatem Pontificum multis ab hinc annis translata sit habitatio apud sanctum Petrum in Vaticano, vbi Ciuitatis instar excreuit palatium. Ecclesia hæc fundatorem suum habet Constantinum Magnum quamuis sæpius à summis Pontificibus ob cariem fuerit restituta. Ecclesiæ cultus antiquitus penes canonicos fuit regulares, sed post plura diffidia firmati in ea præbyteri seculares, quorum numerus non exiguus. summa rerum apud Canonicos, qui numero sunt 18. Beneficiati 22. clerici beneficiati 8. sacristæ duo, capellani perpetui 16. mansionarij 2. clerici amouibiles 7. capellani tum Ecclesiæ maioris, tum

Sacelli Fontis Baptifmalis, ac Xenodochij pauperum, & ad Sancta Sanctorum, 11. accoliti 6. mufici, Organifta; annuus canonicorum census aurei 500. beneficiatorum dimidio minus, reliquis congruum ftipendium menftruum: aliquibus ex canonicis Chriftianiffimi Francorum Regis Ecclefiae proteftoris, munificentia assignata annua pensio aureorum 300. vt reditus ad 800. aureos ascendat. Archipresbyterum habet Ecclesia Cardinalem, cui quotannis ex officio redit fufficiens census. Cardin. Archipresbyter Ioan: Baptista Cardinalis Lenius est. Secunda Patriarchalis Ecclesia sancti Petri est in Vaticano, & ipsa ab origine extructa à Constantino Magpo, quam vidi solo æquari, & aliam tempore Pauli V. eius loco longe augustiorem ædificari ingens sanè moles, nec alia in orbe similis, Cæpta sub Iulio Secundo, sed demum sub Paulo V. saltem quoad fornices, & operis formam perfectæ. Archipresbyterum habet Scipionē Card. Burghesium, cui ob id quotannis redit Ecclesiasticus prouetus, canonicos 30. beneficiatos 24. clericos beneficiatos 24. Choristas hebdomadarios 8. sacristas 2. muficos 9. accolitos 8. parœcos 2. templi custodes 2. organiftam. canonicorum census annuus aureorum 900. bene-

beneficiatorum 450. clericorum 225. reliquis  
menstruum assignatur stipendium. Tertia pa-  
triarchalis Ecclesia sanctæ Mariæ ad Præsepe,  
quæ etiam ad Niues dicitur, quia Niuium,  
miraculo Augusti mense Cœlo delapsarum à  
Ioanne Patritio monitu Liberij Pape, vt testa-  
tur Breuiarium Romanum ædificata. Archi-  
presbyterum habet Io: Garziam Card. Milli-  
num, cui ex presbyterio obuentu annui aurei  
non pauci canonicos 16. beneficiatos 18. orna-  
ta est hæc Ecclesia duobus Sacellis à Sixto V.  
& Paulo V. regio & fere incredibili sumptu ex-  
tructis: vterque Pontificum suo Sacello pro-  
prios addixit ministros, quorum numerus cū  
reliquis Ecclesiæ 43. accolitos 6. musicos 10.  
sacristas 3. organistam, Templi custodes 2.  
capellanos amouibiles 7. canonicis annua-  
tim redeunt aurei 500. beneficiatis 250. cleri-  
cis cappellæ Sixti aurei 100. totidem clericis  
Sacelli Pauli reliqui mercede conducti men-  
struum accipiunt stipendium.

Ecclesia est sub protectione Regis Hispa-  
niarum, qui censum sacerdotum solita muni-  
ficentia adauget. In præfatis hisce Ecclesijs  
quotidie solemne celebratur sacrum missæ of-  
ficiū, & decantantur horæ canonicæ, adhibi-  
tis festis diebus organis, & musica in Omnipo-

tentis Dei laudem omnium bonorum largi-  
toris.

*De Sacerdotum secularium Collegiatis Eccle-  
sijs. C A P V T I V.*

Collegiatae Ecclesiae in Vrbe insignes nu-  
merantur 11. quarum prima sanctae Mariae  
Trãstiberim presbyteria Card. tit. Callisti, quæ  
hodie obtinet Franciscus Card. Dietricstain,  
canonicos habet 12. beneficiatos 8. hebdoma-  
darios 4. cappellanos amouibiles 4. non amo-  
uibiles ad Sacellum Cardinalis ab Alraemps  
6. clericos 4. musicos 9. organistam & custo-  
dem Ecclesiae. Et quia eadem Ecclesia est pa-  
rochialis Parocum habet sub vocabulo Vica-  
rij & ipse duos in animarum cura coadiuto-  
res. Ipsa Ecclesia est antiquitate venerabilis &  
magnitudine molis conspicua, vbi nunc Ec-  
clesia taberna erat meritoria è qua ea nocte,  
qua Christus Saluator natus est diuinitus olei  
Fons, seu oleum aquæ loco scaturiens appa-  
ruit. Altera est sancti Laurentij titulo Dama-  
si, cui Ecclesiae tituli nomine præest, pro tem-  
pore Cardinalis Cancellarius hodie Ludoui-  
eus Card. Ludouisius, canonicos habet 10.  
beneficiatos 8. clericos beneficiatos 8. sacri-  
stam



stam, organistam, Ecclesiæ custodem & musicos 9. clericos 9. extat in hac Ecclesia Sacellum venerando altaris Sacramento sacrum, cui addictus particularis sacrista & capellani 8. nec non alterū Conceptioni Virginis sacrū cui itidem particularis sacrista, & capellani sex. Et quia eadem Ecclesia vltra Collegium continet parochiam late patentem, ac plurium parochialium matricem, animarum curæ addicti parochi duo, & capellani septem, qui aliquando simul conuiuunt, suntque magni nominis viri. Inter has duas Ecclesias vertebat differentia super Collegiorum præcedentia in actibus publicis, & decisum præcedentiam deberi alternatim modo vni modo alteri Collegio, quando simul in publicis supplicationibus conueniunt.

His succedat Ecclesia sancti Marci Cardinalis presbyteri titulo decorata, qui semper solet esse penes Cardinales natione Venetos, canonicos habet 8. cappellanos, duos clericos, tres, sacristam, & parochum, quia nondum parochialis, sed parochialium matrix. Ecclesiā sancti Hieronymi Illiricorum, de qua supra mentionem fecimus Cardinalis presbyteriā à fundamentis Sixtus V. Pont. Max. qui eam Cardinalis in titulum obtinuerat exædificauit,

ficauit, & in collegiatam crexit, addictis ei, Archipresbytero, canonicis 6. beneficiatis 4. capellanis 2. totidem clericis, & sacrista, quibus omnibus honestus annuus prouentus. Antiqua valde Ecclesiæ sanctæ Mariæ in Via lata fundata fuit tempore B. Sergij Papæ, licet eo loci Diuus Petrus Apostolorum Princeps Sacellum fundasse perhibeatur, ipsumq; ibidem sæpius à beato Paulo Apostolo fuisse cōuentum, ac inter eos inibi de propaganda fide fuisse tractatum: extat hodie idem Sacellum, licet subterraneū, quod accidere potuit eo, quia solum Urbis in altius mole ruinarum excreuit, quāuis notarim ad tantā altitudinē habito respectu ad Tiberis alueū solum extolli non potuisse, vnde necesse & tempore foundationis fuisse subterraneum, vt ex loci situ conuincitur de Sacello Diui Petri in carcere Tulliano, & in alio Sacello apud sanctam Priscam, quòd ideo factum fortassis, quia nondum reddita pace Ecclesiæ fidelibus necessū erat, quo magis possent latere, vel quia supremum Numen permetteret, vt sibi litaretur humili loco, quia Israel, & Iuda sacrificassent Baal in summis montibus, in quibus impia superstitione ædificabant Idolis Fana, vt notatur in libris Regū, vbi impietati ascriptum

Regi-

Regibus Israel, & Iuda, quod excelsa non destruxissent. Sed ad Ecclesiam, ut reuertamur ea est collegiata, & simul parochialis, ac prima Cardinaliū Diaconia, quæ hodie est penes Carolū Emanuelē Car. Piū. Caput collegij Prior cui annuus prouentus aurei mille canonicis, qui numero 14. aurei 500. cappellanis quatuor, & totidem clericis, ac sacristæ merces menstrua. Parochus, siue Vicarius perpetuus, cui cum capitulo nihil commune ultra congruam portionem, quæ Vicarijs perpetuis ex Constitutione Pij V. debetur, habet emolumenta propria parochialia. Altera Cardinalium Diaconia est; sancti Eustachij, in qua collegium cui præest Archipresbyter canonicos habet quinque, beneficiatos 4. Vicariū, & Coadiutorem apud quos cura animarum, sacristam, & duos clericos. Diaconiam hanc obtinet Serenissimus Mauritius Card. à Sabaudia. Tertia Cardd. Diaconia est sancti Nicolai in carcere Tulliano, quæ hodie penes Carolum Card. Medices: canonicos habet 6. capellanos mercede conductos tres; clericos duos, & sacristam. Quarta Cardinalium Diaconia sanctæ Mariæ in Cosmedin, alio vocabulo Scola Græca à Zacharia Pontifice Maximo, qui ibi professores illius linguæ instituit  
nun.

nūcupata, canonicos habet decem, inter quos prima dignitas Archipresbyter, capellanos duos, totidem clericos, & sacristam. Diaconia hæc hodie est penes Alexandrum Cardinalem Vrsinum. In omnibus istis Ecclesijs Cardinales titulares, quia dietim horis diuinis interesse nequeunt, deputant prælatos melioris notæ, qui in hoc munere eorum vices agant, & appellantur Ecclesiarum Vicarij. Octaua Collegiatarum sæcularium insignium Ecclesia est sancti Celsi prope molem Adriani, cui præest Archipresbyter apud quem etiam parochia, ac animarum cura, quam tamen exercet per Vicarium ipsius nutu amouibile, canonicos habet septem, clericos tres, & sacristam. Nona collegiata Ecclesia est sanctæ Mariæ ab Orbiculari eius forma Rotunda vulgo nuncupata in Basilica Agrippæ, siue in Pantheon. Archipresbyterum habet penes, quem animarum cura, canonicos septem, capellanos menstruo stipendio conductos duos, totidem clericos, & sacristam. Decima sæcularium sacerdotum collegiata Ecclesia sancti Angeli in foro Piscium canonicos habet 8. capellanos 4. clericos 2. & sacristam ipsa Diaconia est penes Franciscum Card. Boncompagnum. Vndecima, & postrema

sæcu-

ſecularium collegiatarum, eſt in ſanctæ Mariæ de Planctu iam recens erecta canonicos habet 8. beneficiatos 4. cappellanis non indiget, quia in eadem Eccleſia, vt ſupra memorauimus fundata eſt ſodalitas laicorum, quæ Eccleſiæ addixit cappellanos 20. ac quatuor clericos, & ſacriſtam. In omnibus ferè Eccleſijs prædictis quotidie diu noctuque canuntur laudes Deo, ac horæ canonicæ adhibito etiã in aliquibus feſtis diebus choro, & muſica; videant refractarij an alium in Deum patientiorrem queant inuenire pietatem.

*De ſecularium Sacerdotum Collegiatis Eccleſijs non inſignibus . C A P V T V.*

Aliæ itidem Eccleſiæ Sacerdotum ſecularium Romæ numerantur ſexdecim, quæ ſunt vel nationalium, vel certè ſodalitarum. quarum omnium in priori parte licèt fecerimus mentionem, hic tamen, vt in proprio loco repetendę. Collegiatæ nationalium ſunt vndecim, videlicet, Teutonicorum in ſanctæ Mariæ de Anima, Gallorum in ſancti Ludouici, Hiſpanorum in ſancti Iacobi Aragonenſium in ſanctę Marię de Monferrato; Luſitanorum in ſancti Antonij de Padua. Inſubrum.

subrum in SS. Ambrosij, & Caroli. Florentinorum in sancti Ioannis Baptistæ. Britonum in sancti Iuonis, Neapolitanorum, in sancti Spiritus. Siculorum in sanctæ Mariæ à Constantinopoli, Ecclesijs. Sodalitatum vero sunt in sanctissimæ Trinitatis Peregrinorum in sanctæ Mariæ vocabulo Laureti; in sanctæ Mariæ vocabulo Hortorum; in sanctæ Mariæ vocabulo Suffragij: in sancti Hieronymi vocabulo Charitatis: in præfatis pariter Ecclesijs quotidie decantantur horæ canonicæ, ac vespere laudes Virgini, festis diebus cantui additur musicorum concentus, suntq; vt supra etiam retulimus sufficienti presbyterorum numero suffultæ.

*De Urbis Romæ Paracijs.*

*C A P V T VI.*

Licet innumera sint Romæ Ecclesiæ, in quibus fidelibus Sacramenta poenitentia, ac altaris assidue administrantur: nihilominus quia hoc tam in ijs, qui exhibent; quam qui suscipiunt est prorsus voluntarium: disposuerunt sacri canones in singulis diocesibus plures paracias, quarum Rectores ex officio paracis singulis diebus sacrum missæ officium celebrare iisdemq; Baptismum conferre, ac pen-

rentibus sacram synaxin exhibere : sacerdotij officio tenerentur . laicis vero præscribunt, vt saltem semel in anno Resurrectionis, videlicet Domini nostri Iesu Christi festo in propria parçia Eucharistiam sumant, qui secus fecerit Romæ sancti Bartolomæi festo publice à communione fidelium segregatur . hac de causa quotannis exactissimus Inquilinorum Urbis habetur census quo hoc anno 1624. reperi 113814. exceptis Hebræis, ac Rusticis, siue Agricultoribus, quibus nulla certa sedes, sed stipendio educuntur modo in hoc, modo in aliud prædium. Distributus populus in 88. parçias, quarum nomina breuitati studens in præsentiarum omitto, non tamen ob litterandum; Rectores hosce parochialium vniuersitatem constituere, eosq; sæpius conuenire, & de rebus ad curam animarum spectantibus disertissima habere colloquia, quandoque etiam Theses Theologales publicè disputandas proponere. Nō assumuntur ad munus, nisi scientia & bonis moribus conspicui vnus; honoris causa hîc nominandus Franciscus Venantius: Rector parochialis sanctæ Mariæ in campo Carleo vir sanè relligiosus, & doctus, qui non pauca mihi, eorum quę hætenus scripsi fida relatione suggessi .

Cura



Cura Hospitij pauperum Sacerdotum, de quo supra, primæ partis capite primo, habuimus sermonem, penes hos est parochialium, Ecclesiarum Rectores, Magistratum creant nomine Primicerium. Hic suscipiendis hospitio, impertitur syngrapha, Custodi Hospitij offerenda, qui ijs perspectis offerentes sine mora benigne suscipit. Syngraphorum exemplum est.

S. S. S. S.

Tibi R. Custodi nostri Hospitij mandamus, quatenus visis præsentibus, recipias in Hospitium ad dies quindecim R. Ioannem Philippum Grauium Burgundum pauperem Sacerdotem Peregrinum, neque audeas dimittere inconsultis RR. DD. Visitatoribus intra dictum tempus; quo elapso omnino dimittas, nisi fuerit prorogatum: solitam cœnam, qua decet charitate, ministres. Leges seruare iubeas, & discessurum adire Primicerium, vel Camerarium: ita mandamus quoniam visis literis testimonialibus &c. hac die

Ioannes Dominicus Rector S. Blasij.

Primicerius S. S. S. S.

Soda-

Sodalitati, & ipsi instituto, Protector præest Scipio Card. Burghesius, qui illud, collata pecunia, auctū & promotum cupit. Vidi constitutiones, à suscipiendis, & susceptoribus seruandas nuper editas, Christiana modestia & summa prudentia refertas. Hoc iubilæi anno, non suscipiuntur hic sacerdotes, qui ultra montes veniunt, quos omnes vsque ad vnum VRBANI VIII. P.M. sibi poscit paterna caritas, omni æuo desideranda.

*De Monachorum Urbis Romæ Cœnobijs.*

C A P V T V I I.

Monachorum per Italiam Congregationes sunt duodecim, qui vulgari nomine, quia eorum institutum permittit, vt fruantur annuo redditu appellantur Gaudentes. Nomen omnes deducunt, vel ab institutore, vel à primæ institutionis loco; singuli Romæ habent amplissima cœnobia. Cassinenses, qui sub regula sancti Benedicti militant, & à monte Cassino nuncupationem trahunt, duo: primū apud sanctum Paulum via Hostiensi, alterum prope sanctam Mariam Transiberim ad titulum Callisti; vtrumque sane eximium, & mole stupendum: postremum Pauli V. Pontificis

L

ficus

ficis Max. putu ceptum , nondum adhuc perfectum. Canonici regulares diuisi sunt in plures Congregationes , quorum Lateranenses ; qui à Laterano , vbi antiquitus degebant, nomen retinere , hodie cœnobium habent in Urbis meditullio à Sixto IV. Pont. Max. extructum, Virgini dicatum sub vocabulo Pacis. Reliqui, tria habent cœnobia , primum apud sanctum Petrum in Vincula : alterum apud sanctum Laurentium via Latina ; Tertium apud sanctam Agnetem via Nomentana: profitetur regulā sancti Augustini: Cruciferi magnam ostendunt antiquitatē, auctorem instituti referunt S. Clerum Pont. Max. Petri successorē , qui cū intelligeret peregrinos & aduenas sacra loca vidēdi causa Romam, aduentantes locorum inscios per Urbem vagari, nec de ijs interrogare quemquam audere (nondū enim Ecclesiæ erat pax reddita) ne in delatores inciderēt; cōstituit, viros quosdā insignioris pietatis, quis aduenas Christianos perquirerent , inuentos, quo libitum ducerent , quibus, vt omnis tolleretur suspicionis scrupulus: Viros præfatos insigniuit cruce , quam in interiori gestarent veste , vt ea demonstrata peregrini tutò se illis , animumq; suum propalarent . In huius rei memoriam Cruciferi, de  
qui-

quibus agimus , gestant crucem non quidem ex panno, vt tunc interiori tunicæ insertam, sed argenteam in manibus , quam nusquam dimittunt. Cœnobium habent ad aquam virginem: propriam habent regulam, ex antiquitate deductam, vel certe recenter restitutam, à Cruce , quam patenter gestant sortiti sunt nomen . Camaldulenses à sacra Camaldulensis Eremo in Etruria ad radices Apennini denominationem sumunt . Institutorem habuerunt Romualdum, Benedicto militant ; duo in Vrbe habent cœnobia, primum celeberrimum illud S. Gregorij, quod ab eodem sanctissimo Pontifice in paterna domo extructum asserunt, Ecclesiasticę historię Scriptores ; alterum sancti Antonij ad viam latam , vtrumque sufficiēti Sacerdotum numero ornatum . Cistercienses à Cistello in Gallia loco , quo Diuus Bernardus monasterium construxit nomen deducunt , eidemque Diuo militant; tria in Vrbe habent cœnobia singula singulis nationibus addicta ; Insubris videlicet , Hetruscis, & Cisalpinis. Insubres, & Hetrusci cōmunicant in electione præsentis generalis, qui per vices eligitur, tum ex vna , tum ex altera gēte, & vtrique præest. Insubres cœnobiū habent apud sanctam Crucem in Hierusalem

amplissimum sane: Hetrusci apud S. Athanasium ad aquas saluias martyrio Apostoli Pauli celebres, quo in cœnobio Diuus Bernardus cōscripsit librum de contemplatione ad Eugenium Pont. Max. qui ex iisdem cœnobij monacho ad summum Pontificatum fuit assumptus. Noui inter eos viros doctos, & relligiosos quāplures, quia vtriusque familiæ caussis à pluribus annis adsum Aduocatus. Cisalpini nullam cum reliquis habent communionem; cœnobium obtinent Diuo Iuliano sacrum in monte Viminali, & quia Ordo hic in Gallijs maxime floret illinc monachus ad Urbem transmittitur ex primarijs, qui totius Ordinis gerant negotia, & Procurator Generalis appellatur, cuius residentia apud sanctum Vitum penes Arcum Tiburtinum. Oliuetani à loci vocabulo in Hetruria nuncupationem sumūt: duas habent Congregationes, & duo cœobia: primam instituti cognominam: vocabulo mōtis Virginis à loco similiter deducto alterā. Primi cœnobium habent amplissimum in foro Romano Virgini dicatum, Templum omnium ferè antiquissimum fuit, & ideò sanctæ Mariæ veteris indigebatur vocabulo, quod cum vetustate ruinosum Nicolaus Primus Pont. Max. restituisset sanctæ Mariæ. No-

uæ



uæ appellari iussit , quod nomen hodie retinet . Deinde ab ipsa Congregatione, noua ex Tiburtino lapide adiecta porticu sumptuosius adornatum, Diuę Franciscę commune effectū, passim relicto antiquo nomine sanctę Frācisę, cuius corpus ibi requiescit nuncupatur. Congregatio montis Virginis cœnobium habet ad radices montis Quirinalis Diuę Agathę sacrum satis amplum : militant Diuo Benedicto . Congregatio Vallis vmbrosę à loco in Hetruria denominatur: vbi auctore D. Ioanne Gualberto originem habuit, illius cœnobium in Esquilij est , apud sanctā Praxedem, Templum valde augustum à Pasquali I. Pont. Max. extructum : militant D. Benedicto ; viros habet doctos & eruditos , quos ideò probè notos habeo , quod vltra decennium congregationis sim Aduocatus . Carthusiani , in Gallij auctore D. Brunone nati à loco originis sumplerunt nomen cœnobium habent in Thermis Diocletiani amplissimum sanè , recenter extructum , cuius claustrum reliqua , quæ hactenus viderim latitudine longe excedit: instituti austeritas admiranda , vtpote quod illud professi sæcularibus nō colloquātur, inter sese valdè rarò, claustri septa nunquā egrediātur , carnibus non vescātur , & quod mirabilius est

duodecies in die ad psallendū accedūt chorū.  
 Cēlestini auctorem habuere Cēlestinū Pont.  
 Max. & ab eo retinuerunt nomen, cōenobium  
 habent apud S. Eusebium in Esquilij: profi-  
 tentur Regulam S. Benedicti: congregatio  
 etiam extra Italiam se dilatauit: in campania  
 tamen floret maximè. Hieronymitæ à D. Hie-  
 ronymo ita dicti, eo quod regulam, vt asserūt  
 ab eo præscriptam profiteantur. Cenobium  
 habent in Auentino Diuo Alexio in eiusdem  
 sancti Paternis ædibus sacrum. Cōenobia  
 habent opulenta per Cisalpinam Galliam, vt  
 noui, quando eorum caussis aliquando adef-  
 sem: in Hispanijs valde florent quibus cum  
 Italis nihil commune. Siluestrinorum con-  
 gregatio recentior est, vtpote quæ auctorem  
 habuit Siluestrum monachum congregationis  
 Vallis vmbrosæ, a qua desciiuit, & par-  
 ticularis familiæ se præbuit auctorem. Cē-  
 nobium habet cum Ecclesia sancti Stephani  
 del Cacco vulgo nuncupatum, quæ cum etiā  
 parochialis sit parœciæ cura omni studio il-  
 lius instituti relligiosi incumbunt. Canonici  
 regulares S. Georgij in Alga Venetijs D. Lau-  
 rentium Iustinianum Venetorum Patriarchā  
 habuere auctorem, & ab eodem certam præ-  
 scriptam regulam, cōenobium habent prope

Pon-



Pontem Aelij, sancti Saluatoris in Lauro nuncupatum; plures ex sua congregatione affirmant prodijisse summos Pontifices, quos recensere non est mei instituti; consulendus ab ijs, qui hæc scire cupiant Alphonfus Ciacconus diligens istarum rerum compilator. Præter has duodecim congregationes supersunt alij monaci, qui in ijs non comprehenduntur, nempe Græci, qui D. Basilij profitentur regulam, & cœnobium habent exiguum prope Amphitheatrum Vespasiani Pantaleoni sacrum. Fullienses, qui tria habent cœobia vnum in Thermis Diocletiani D. Bernardo, cui militant sacrum, alterum apud S. Pudentianam ad radices Viminalis, tertium apud sanctum Sebastianum via Ostiensi à Scipione Cardinale Burghesio nuper munificētissime restauratum. Anachoretæ montis coronæ, qui à Camaldulensibus habuere exordium, cœnobium habent ultra Tiberim, via quæ à longitudine Longara nuncupatur D. Leonardo sacrum. in omnibus prædictis cœnobijs diu, noctuque decantantur horæ canonicæ, & aliæ Deo, Virgini, ac sanctis omnibus laudes, quod si pium sit, necne, vel eorumdem nouatorum relinquo iudicio. Monendus est hic lector ne offendatur si congregationes præfatas non recensuerim.

rim prærogationum ordine, illud enim non proposui, sed planè notam orbi reddere ingentem Urbis in Deum pietatem, qua certè inter mortales non est inuenire maiorem.

*De Fratrum Mendicantium Cœnobijs.*

*C A P V T V I I I.*

Quatuor agnouit Ecclesia Catholica ante plura sæcula mendicantium ordines, Augustinianos, Dominicanos, Carmelitanos, Franciscanos: quibus paucis ab hinc annis magna facta est aliorum Ordinum accessio, recensabo igitur mendicantium cœnobia numero & loco, quibus hodie visuntur. Primi omnium sint Augustiniani, qui plura in Vrbe habent cœnobia, quorum primum prope circū Agonis D. Augustino sacrum per amplum & percelebre, cui templum augustissimum à Card. de Estouteuilla exedificatum: Alterum apud sanctam Mariam de Populo ad Portam Flaminiam, cuius professores à D. Gulielmo illius congregationis institutore appellantur Gulielmini. Tertium recens penes S. Georgiū in Velabro congregationis Ianuensis. Quartum exiguum apud S. Matthæum in Merulana via media inter Lateranum, & Præsepe, quo

quo loco extitisse tradunt harum rerum gnari  
 ædes paternas Cleti Petri successoris. suscepit  
 ordo. hic nouiter reformationem: reformati  
 duo habent cœnobia vnum via Flaminia Di-  
 uo Antonio alterum sub Quirinali D. Ni-  
 colao dicatum. Dominicani, qui alio nomine  
 Prædicatores, tria habent cœnobia, primum  
 omnium celeberrimum sanctæ Mariæ supra  
 Mineruam, alterum sanctæ Sabinæ in Auen-  
 tino. Tertium sancti Sixti sub Thermis Anto-  
 nianis; in quo vt plurimum degebat Ordinis  
 institutor D. Dominicus. Seruitæ, siue serui  
 sanctæ Mariæ amplissimum habent cœnobium  
 apud S. Marcellum via lata; alterum apud  
 sanctam Mariam in Via; tertium apud san-  
 ctum Nicolaum ad radices Quirinalis. Franci-  
 scani in plures familias diuisi, reliquos om-  
 nes numero tum fratrum, tum cœnobiõrum  
 excedunt. Tres eorum præcipuè congrega-  
 tiones, Conuentualium, de obseruantia, & ter-  
 tij Ordinis. Conuentuales vnicum habent cœ-  
 nobium apud Basilicam duodecim Apostolo-  
 rum, & hospitium Procuratoris Ordinis pro-  
 pe Pontem Sixti: reformatos habent duplicis  
 generis, alteri à pyramidali capitis tegumen-  
 to, Capuccini appellantur, & cœnobium.  
 habent Diuo Bonauenturæ sacrum ad radices  
 montis

montis Quirinalis . alij reformati conuentuales à Sixto V. in Ecclesiam recepti, & duo habent cœnobîa , primum non longe à Porta Flaminia sub inuocatione sanctæ Mariæ miraculorum, & alterum inter Quirinalem , & collem Hortulorum D. Antonio de Padua factū , vtrumque humile , & franciscanæ paupertati admodum corespondens . Obseruantes , qui vulgari nomine de familia sancti Francisci dicuntur, tria præclara in Vrbe habet cœnobîa ; primum in Capitolio sub vocabulo D. Mariæ in Aracœli amplissimum sanè , vtpote quod regulariter 200. contineat relligiosos, alterum in monte Aureo Transtiberim Principi Apostolorum sacrū , qui eo loci passus perhibetur . Tertium in Insula Tiburtina D. Bartholomæo sacrum cuius Templum ob vetustatem ruinā minans à Gabriele Cardin. Tressio liberaliter restituitur . Huic familiæ aliquando Vicepro-  
 tector præfuit Illustrissimus Cardinalis Dominicus Riuiarola, quē eo quod eiusdem familiæ causis ciuilibus adesset Advocatus , sæpius conuenire necesse fuit & repperi hominem comitate, & humanitate ineffabili , ad negotia tractanda , & peragenda natum , quibus numquam quantumuis multis , quantumuis grauibz opprimitur. notauî sæpius eum à ma-  
 ne vsque

ne vsque ad vesperam, quorumcunque sui indigentium vacare quærelis, vt ne dum admirationi, sed stupori mihi esset tanta magni viri patientia: redeamus ad obseruantes, qui licet à D. Bernardino e conuentualibus reformati fuissent, nihilominus nuper alios admiscere reformatos, quibus cœnobium apud sanctum Franciscum Transtiberim. Professi tertij Ordinis, qui Eremitæ sancti Francisci dicuntur; duo etiam Romæ habent cœnobialia. Primum SS. Cosmi, & Damiani in foro Romano, vbi Antiquitus sæcularium canonicorum Capitulum, quod à Sixto V. fuit suppressum, & illius prouentus Sacello à se constructo ad Præsepe applicati: Alterum sancti Pauli in regione Regulæ. Hos præter, aliæ duæ sancti Francisci familiæ nuperrimè in Vrbe inuenere sedem, vna ex Gallijs, ex Hispania altera vtrique; Recollectorum inditum vocabulū. Galli cœnobium habent apud sanctum Iacobum Transtiberim via longa. Hispani à fundamentis templum, & cœnobium extruxere Diuo Isidoro sacrum iuxta viam Salariam. Hæc de quatuor Fratrum Mendicantium Ordinibus antiquioribus; quos multis sæculis præcessisse contendunt Carmelitæ, quibus quinque in Vrbe sunt cœnobialia tria non reformatis:

matiss : reformatiss duo : non reformatorum ,  
primum , apud sanctam Mariam Transpunti-  
nam nuncupatam in Vrbe Leonina ; alterum  
apud sanctum Martinum titulo Equitij , Ter-  
tium apud S. Chrisogonum Transtiberim .  
Reformatorum prius coenobium pariter Tra-  
stiberim apud S. Mariam vocabulo della Sca-  
la, secundum prope Thermas Diocletiani Di-  
uo Paulo prius , & deinde D. Mariae Victrici  
sacrum: prodire ex hac reformata familia,  
multi paucis ab hinc annis maximi nominis  
viri , tum sanctitate vitae , tam Doctrina con-  
spicui . Nunc reliquos prosequamur, mendi-  
cantium recentiores . Trinitarij sunt , qui in  
Hispania habuere originem , illud nominis  
sortiti , quod sanctissimam Trinitatem maxi-  
mè venerarentur, illamq; sermone, & sangui-  
ne contra impios hæreticos Antitrinitarios eā  
negantes strenuè assererēt, coenobium habent  
in Vrbe nuper extructum via inter Quirinalē,  
& collem hortulorum. In ijsdem regnis origi-  
nem habuit congregatio sanctæ Mariæ voca-  
bulo mercedis vulgò redemptionis captiuo-  
rum, eo quod ipsorum institutum sit captiuos  
Christianos, è Maurorum, ac aliorum Barba-  
rorum manibus soluta pecunia liberare , in  
quo egregiam nauant operam, multosq; quo-  
tannis



tannis è miserrima seruitute christianæ libertati restituunt , cœnobium habent in foro Romano apud sanctum Adrianum ad radices Capitoliij, vbi antiquitus sæcularium presbyterorum collegium, cui hæc congregatio subrogata . Iesuati auctorem habuere Ioannem columbanum Senensem, magnæ pietatis virū, professionis institutum primarium fuit , salubrium oleorum, & aquarum quibus laborantibus subueniunt distillatio; cui rei maxime student , non tamen adeò , vt quæ propria sunt Relligiosorum omittant . cœnobium habent apud S. Ioannem , & Paulum in monte Cælio. Congregatio Fesulana fundatorem habuit Carolum Ramenam Comitem, profitentur regulam sancti Augustini sub inuocatione sancti Hieronymi, cœnobium habet magnificè iam nunc à fundamentis extructum ad radices Quirinalis, iunctum Ecclesiæ sanctæ Mariæ. Congregatio beati Petri Pisani cœnobium in Vrbe habet in Ianiculo D. Honuphrio sacrum , & Fratrum numero , & claustri amplitudine conspicuum : profitetur Regulam Diui Augustini . Congregatio SS. Ambrosij , & Barnabæ cœnobium habet in via sacra D. Clementi dicatum: profitetur Regulam D. Augustini . Ordo Minimorū à sancto viro Francisco

de



de Paula traxit originem, ob animi humilitatem, profectos suos minimos voluit appellari, ordo breui tempore longe, lateq. propagatus per Galliam, & Hispanias: duo habet Romæ: cœnobîa primum nationis Gallicanæ in colle hortulorum sanctissimæ Trinitati, alterū quod Italici, & Hispanici commune est ad radices ferre eiusdem collis D. Andreæ vocabulo inter sepes dicatum. In omnibus præfatis cœnobîis quotidie canuntur horæ canonicæ, & solemne missæ sacrum, cantui festis diebus adduntur organa, præter quam apud reformatos, quibus neque organa, neque cantus est in usu, sed altiori tantum, & vnisona voce horas in suis Ecclesijs, & laudes Deo recitant. His addendæ duæ aliæ congregationes professionem regularem emittentium. Prior, seruorum languentium, B. Ioannis Colauitæ, altera Eremitarum Ascensionis, de quibus in priori parte fecimus mentionem, nec longior instituendus de ijs sermo, qui non choro, sed solæ vacant ægrotorum curæ.

*De Sacerdotum, & Clericorum Regulæ  
rîum Mendicantium Cœnobîis.*

C A P V T I X.

Primus omnium, qui Sacerdotum sæcularium

riuw congregationes instituere B. fuit Ignatius Loiola, qui ex milite Regis in Christi militem mutatus congregationem instituit, quã societatem nominis Iesu appellauit. Professio- nis primum institutum, adolescentes sana do-ctrina, ac christiana pietate imbuere, sacra-mento poenitentiaẽ, & concionibus vacare, Hæreticis tunc magno Ecclesiæ malo pullu- lantibus totis viribus obstare, gentes prædica- tione Euangelij ad verum Dei cultum abdi- cta impietate reducere. Duo hæc sodalitas, vl- tra collegia, quæ altera parte recensuimus Romæ habet cœnobia. Primum prope Capi- tolium Nomini Iesu sacrum, amplum & stru- ctura magnificum, Odoardi Card. Farnesij munificentia perfectum, cui iampridem eius Prætrus Alexander etiam Cardinalis Far- nesus Templum struxerat mole & ornatu su- perbum, quod domus professorum, siue pro- fessionis nuncupatur. Alterum in Quirinali, & illud valde amplum, quod duo cõtinet Tem- pla, vnum in ipso monte D. Andreæ Apostolo, alterum antiquius ad radices montis sancto martiri Vitali sacrum; cõtinet cœnobium, hortos, & deambulatoria, alit tyrones, qui professioni nomen dedere, ibidemq; exigunt annum probationis. Paulus IV. Pont. Max. si- milem

milem instituit congregationem cuius professores ab Ecclesia Theatina, quam ante Romanam Card. obtinuerat, Theatinos denominavit: Prædicationi Verbi Dei, & S. Theologiæ studio vacant: qua de causa idem Pont. eandem congregationem, veluti Episcoporum seminarium statuit, & non pauci in dies præficiuntur Ecclesijs. duo habent insignia Romæ cœnobia, primum in valle ad Agonem, cui Alex. Card. de monte Alto in ingens fastigium exaltatum adiecit Templum Diuo Andree Apostolo sacrum. Alterum in monte Quirinali Diuo Siluestro Papæ dicatum. Sanctus Philippus Neri Florentinus congregationem presbyterorum Romæ instituit, quam ab oratione cui plurimū vacauit Oratorij appellauit, cuius hætenus sæpius fecimus mentionem: in eam qui afflicuntur afferunt secūdorem, qua commodè, & honestè sustentari valeant; vnde cum nullius indigeant nemo penes eos hæredipeta, aut qui quicquam à quoquam petat. Cœnobium habent celeberrimum in Vrbe & Templū Diuæ Mariæ vocabulo de Vallicella, & Gregorio sacrum, Cæsiorum Petri Donati Card. & Angeli Episcopi Tudertini munificētia valde prouectum, vt ex inscriptione frontispicio Ecclesiæ appositā.

*Cæsij*

*Cæsij Fratres .*

*Petrus Donatus S.R.E. Presbyter Card. Templi  
 Apsidem fundauit, ades multas coemitt Sacer-  
 dotum habitationem ampliavit .*

*Angelus Episcopus Tudertinus Sacellum ex-  
 truxit & dotauit , anteriorem Templi par-  
 tem fundauit , ornauit, perfecit .*

Congregatio Clericorum Regularium sancti Pauli originem habuit anno Domini 1533. auctore Clemēte VII. duo habet Romę coenobia primum DD. Blasio, & Carolo sacrū Theatinis ferē contiguum, cuius templum in ingens etiam excreuit fastigium , alterum in foro Antoni ni Diuo Paulo Apostolo dicatū . Gentis institutum: vacare concionibus, & sacramentorū administrationi , Barnabitæ vulgō nuncupantur à S. Barnaba Christi discipulo . Clerici Regulares Minores duo similiter habent coenobia ; primum apud S. Agnetem in circo Agonali : alterum apud S. Laurentiū titulo Lucine, suppresso per Paulum V. Canonicorum quod ibi erat Collegio & dote , sacello ab eodem ad præsepē extructo addicta : vacant studio Theologiæ, & Sacramentorum

M . . . alta-

altaris & Poenitētiæ administrationi; originē habuere sub Sixo V. auctore Augustino Adorno. Aegrotantium ministri de quibus secunda parte plura retulimus; cœnobium habent propè Pantheon Magdalenæ sacrum; horum, vt diximus, præcipuus scopus est infirmis & agonizantibus assistere, eorumq. animarum saluti intendere, Auctorem habuerūt Camillum Lellum sacerdotem Theatinum, crucem gestant in pectore, superiori tunica e panno coloris subfului, qualem Cruciferos antiquitus gestasse ex vetustissimis monumentis elicitur. Clerici Regulares Congregationis Sommascæ ab originis loco hoc nomine nuncupatæ vltra collegium cui præsunt Clementinum: de quo secunda parte, cœnobium habent prope forum Antonini in mōte Citorio, vulgo dicto, S. Blasio sacrum, aeris salubritate clarum. Presbyteri Regulares Cōgregationis Lucensis principium habuerunt anno Domini 1574. Auctorem Io. Leonardum Lucensem, tria in Vrbe habent cœnobias; primum apud S. Mariam in Porticu, cuius mentio est in prima parte; alterum propè Aquam Virginem Assumptioni B. Virginis sacrum; tertium recentius non longe à rupe Tarpeia Cōceptionis eiusdē V. dicatū, vacant audien-

dis

dis poenitentium confessionibus . Congregatio Sacerdotū expositioni Cathedismi præfectorum,quem vulgus doctrinam Christianā vocat , cœnobium inuenit apud S. Agatham Transiberim prope Diuum Martyrem Chrysogonum : illius institutum explicauimus secunda parte, hic neutiquam repetendum . .

Cōgregatio Clericorum qui publicis præfunt scholis nuperrima inuēta, cuius munus in præcedenti parte etiam satis expressum , cœnobium habet prope circum Agonis apud sanctum Pantaleonem. Oblatorum S. Caroli cœnobium est penes hospitium Ambrosij & Caroli via lata , de quo priori parte habuimus sermonem ; hi nullam emittunt regularis obseruantiaē professionem , sed licitum ijs quodcumque recedere, at dum manent superioritati ex præscriptis regulis obediunt. His addendi Regulares Sacerdotes S. Spiritus in Saxia, qui alba cruce Hierosolymitana insigniuntur in pectore, & professionem emittunt regularem, instituto consonam : cœnobium habet apud idem Xenodochium S. Spiritus in Saxia. In omnibus hisce cœnobijs, quotidie cantantur horæ canonicæ, præterquā apud eos, qui alteri operi ex professo iuxta institutum addicti, vtrique vacare nō valēt, ex his videre

est Urbem Romam plures habere excubito-  
res, vt illam quandocumque Dominus vene-  
rit non inueniat dormientem .

*De Mulierum, & Virginum Monasterijs .*

C A P V T I X .

Fragilem Mulierum in negotijs ciuilibus,  
ac rebus militaribus sexum : esse & religio-  
ne, ac sanctitate conspicuum, multis contra  
Archilogos scripto comprobatur egregia Mu-  
lier, Moderata fons ; vt silentium Momis in-  
dixisse videri possit . Et hoc ipsum ne alios  
quæramus luculento testimonio affirmat,  
apud quam non est mendacium sancta Ma-  
ter Ecclesia . Romæ sanè mulierum & Virgi-  
nū Monasteria sunt regularis disciplinæ val-  
de, obseruantia, ac morum sanctitate conspi-  
cua . Inter reliqua regulæ austeritate excel-  
lunt Capuccinarum in monte Quirinali san-  
ctitate eximiarum, quæ perpetuum obseruant  
ieiunium, & nunquam post susceptum habi-  
tum a quoquam visuntur . Regula ferè est ea-  
dem, ac Fratrum Capuccinorum, nisi quod  
in hoc strictior, quod esum excludat carniū,  
& quotidianum perpetuum præscribat ieiun-  
nium . Conceptionis Virginis in Monte Aue-  
tino ,



tino, quod ipsum etiam Moniales suas nullius obtutui obijcit, in reliquis nec admittit strata, aut pannos ex lino ad instar Capuccinarum, sed earum lectulus, aut saccus stramineus, aut nuda tabula. S. Mariæ Magdalenæ in monte Quirinali ordinis Prædicatorum, cuius sanctimoniales in summa austeritate & obseruantia, vitam degunt angelicam, nec vòquam alicuius, quantumvis sanguine proximi patent aspectui. Carmelitarum discalceatarum apud S. Egidium Transtiberim, quæ idem habent ferè institutum, quoad regulæ austeritatem, licet in alijs varient: horum quatuor Monasteriorum professæ, nunquam ne noctu quidem regularem asperrium habitum dimittunt, eo conuigilant, eo condormiunt, quod sanè delicatioribus præsertim Virginum corporibus non potest esse nisi permolestum. Sancti Laurentij in Pane & Perna in domo Neronis, antiquitate venerabile licet amplo censu dotatum, regulam tamen D. Claræ strictiori obseruantia præscriptam adimplet, reliquis tribus præceptis ferè in omnibus simile. Plura alia Monasteria militant Francisco, licet non tanta vitæ austeritate, exacta tamen Regulæ obseruantia. Sancti Siluestri in Campo Martis. Visita-

tionis Beatae Virginis in Monte Citorio. S. Bernardini ad radices Quirinalis. S. Cosmati. S. Margaritae, S. Apolloniae, & S. Ruffinae Transtiberim. Sancti Iacobi de Murattis. S. Urbani in foro Nervae. S. Euphemiae in foro Traiani. S. Clarae in Theatro Marcelli Monasterium domus pie vulgo appellatum, D. Dominico militant. S. Sixi in Quirinali omnium quae viderim monasteriorum amplissimum. S. Catherinae Senensis, & Mariae Magdalenae, de quo mox memini in eodem colle. Praesentationis Virginis, Cathecumenarum, in foro Nervae. S. Dominici ad radices quirinalis. S. Appolloniae Transtiberim. Bernardo militant, Monasterium S. Susannae ad tres domos sanctitate Monialium Urbi conspicuum, & S. Annae ultra campum Florae. D. Augustino ad instar Canonorum regularium militant: Monasterium Spiritus sancti, in Foro Traiani, & S. Ambrosij in Foro Piscium. Regulam Carmelitanam a Diva Theresia praescriptam ultra S. Egidij de quo supra, servat Monasterium sancti Iosephi, & hoc monialium sanctitate notum. His accedant Monasteria sanctae Luciae in Silice, & SS. quatuor Coronatorum via sacra, Observantia regularis disciplinae, & antiquitate clara.

Mona.

Monasterium sanctæ Cæcilie Transtiberim, Expositarum sancti Spiritus in Saxia, S. Mariæ in Campo Martis, cui Virgines Cōstantinopolitanæ excisa a Turca vrbe illa dedere principium. Et Antiquissimum sanctæ Franciscæ Turris Speculorum nuncupatum in quo profitetur primaria nobilitas, ideò fortassis, quia nunquam admisit clausuram sed antiquissimum seruat institutum, vt illius professe, parentes casu necessitatis possint inuisere: omnia prædicta Monasteria solas admittunt Virgines. Præter quæ tria easdem excludunt. Primum S. Mariæ Refugij nuncupatum, eo quod Viduæ honestæ, consanguineis quibus cum habitare possint destitutæ ad hunc locum tutum, habeant tanquam ad Asilum refugium. Alterum S. Crucis Transtiberim via lunga, de quo prima parte facta mentio mulierum poenitentium, & deliberantium. Tertium valde celebre S. Mariæ Magdalenæ via lata, Meretricum miserrimum vitæ genus deponentium, Conuertitarum communi vocabulo notatum: in singulis hisce Monasterijs ultra particulares sanctimonialiū pro fidelibus ad Deum preces ad præscriptū Ecclesiæ diu, noctuq; canuntur horæ Canonice, nō minori ac in Virorū cœnobijs deuotione & decore.

*De Laicorum sodalitatibus & Confraternitatibus Oratorijs. CAPVT XI.*

Magnus est Laicalium sodalitatum in Vrbe numerus, quæ non modicam præseferunt erga Deum Pietatem, & Charitatem in proximos: has in duas diuidam species; quarum prima vtitur talaribus, faccis vulgo nuncupatis, & functionibus publicis collegialiter interest; altera quæ iisdem non vtitur, sed tantum priuatæ vacat functioni. Vt a posteriori incipiamus sub illa continentur Confraternitates nationalium, Teutonicorum, Gallorum, Hispanorum, Lusitanorum, Aragonensium, Illiricorum, Britonum, Ligurum. S. Saluatoris ad sancta Sanctorum. S. Bernardi in Foro Traiani, & Urbis Curialium sub titulo Châritatis apud S. Hieronymum, SS. duodecim Apostolorum, Sancti Iacobi Incubabilem, Cathedris siue Doctrinæ Christianæ, & aliorum de quibus facta mentio in priori parte. Illis accedant societas Antambulorum apud S. Annam in vrbe Leonina; Statuariorum, & Lapididarum apud SS. quatuor Coronatos. Tonforum apud S. Blasium. Pharmacopolarum apud S. Laurentium in  
 Foro

Foro Romano. Pictorum apud S. Lucam ad Arcum Seueri. Pistorum Teutonicorum apud S. Elisabettam ad Campum Floræ. S. Nicolai Mercatorum Belgarum, in S. Laurentij titulo Damasi, vbi quæ sequitur inscriptio:

D. O. M.

*Diuo Nicolao Pontifici Patrio ad vota Supplicum facillimo Belgici mercatores Diuitijs subinde fortunisque ausi hoc sacrum Pietatis gratitudinis ergo dicarunt.*

*Anno Sal. M.D.VII. Iul. II. Pont. Max.*

Aurificum apud S. Egidium ad radices Vaticani. Textorum apud S. Mariam Angelorū Reginam in Foro Neruæ. Famulorum Palatij Apostoloci apud S. Martham in Vaticano. Caudatariorum S. R. E. Cardd. apud S. Mariam titulo Puritatis. Sutorum apud SS. Crispinum & Crispinianū Trāstiberim. Præguftatorum apud S. Elenam. Lanificorum sub inuocatione SS. Blasij, & Ambrosij, apud S. Luciam via obscura. Scribarum sub inuocatione SS. Ioannis Baptistæ & Euangelistæ, ac Nicolai apud S. Thomam in regione Pariotinis. Nummulariorum sub inuocatione sancti Marti.

Matthæi apud S. Laurentium titulo Damasci.  
 Libratorum ænei fulminis, sub inuocatione  
 S. Barbaræ apud S. Mariam cognomento  
 Transpontinam. Nundinationum apud S.  
 Sebastianum prope forum piscium. Biblio-  
 polarum apud S. Thomam de Aquino inter  
 Sartores. Stabulariorum sub inuocatione  
 sancti Iuliani apud S. Eustachium. Pomptua-  
 riorum apud S. Mariam Vocabulo Cacubaris  
 in Regione Regulæ. Pellionum sub inuocatio-  
 ne sancti Ioannis Baptistæ apud S. Pantaleo-  
 nem ad circum Agonis. Piscatorum apud  
 S. Angelum in foro piscium. Caduariorum  
 apud sanctam Mariam in Capella ad ripam  
 Tiberis. Omnium prædictarum sodalitatum  
 confratres occupantur festis diebus in singu-  
 lis operibus Charitatis, ut qui pauperes puel-  
 las dotent, egenos eleemosinis subleuent,  
 carceribus ex causa ciuili detentos stipe col-  
 lata auxiliarentur, infirmos suæ Congregatio-  
 nis visitent, mortuos supremo officio man-  
 dent, ac pro eorum animis Deum culparum  
 vindicem exorent. Singule præfatarum sode-  
 litatum licet omnia prædicta exequantur,  
 particulari tamen pietatis operi, quod con-  
 gregandi dedit causam præcipue vacant, nul-  
 lo reliquis impedimento allato. His accedant  
 recen-

recentes sodalitates ; Angeli Custodis , quæ templo iam nunc fundamenta iecit apud aquam Virginem. Plagarum Christi quæ oratorium incepit D. Philippo Nerio dicatum : & Agonizantium in Ecclesia sanctæ Mariæ Magdalenaæ apud Pantheon; quorum institutum agonizantibus opem coelestem implorare , quare nihil vnquam inuentum religiosius . Altera sodalitatum species est priori amplior, vt ex numeri supputatione liquebit : In vna Ecclesia sanctæ Mariæ supra Mineruam, quinque institutæ reperiuntur laicorum sodalitates: Prima Virgini Annunciataæ sacra sub anno Domini 1439. Altera Rosarij Virginis de anno 1481. Tertia sacratissimæ Eucharistiæ de anno 1543. Quarta sanctissimi nominis Iesu cæpta sub anno 1558. Quinta Saluatoris sub anno 1597. Quatuor similiter reperiuntur canonicè erectæ sodalitates in Ecclesia sancti Laurentij titulo Damasi : videlicet sodalitas sanctissimi Corporis Christi , Conceptionis B. Mariæ Virginis, Puritatis , & iubilum eiusdem Virginis : & in reliquis Vrbis Ecclesijs pene innumeræ . Teutonicorum altera apud sanctam Mariam in Campo sancto , in sanctæ Mariæ Hortorum , in S. Rocchi in Campo Martis ; in sanctæ Mariæ



Marię vocabulo Laureti in Foro Traiano ,  
 in sancti Angeli sub hac inuocatione in Vrbe  
 Leonina, in sancti, Iacobi a Scoſcia cauallo sub  
 titulo sanctissimi Sacramenti altaris in eadem  
 Vrbe Leonina ; in sancti Blaſij in Campo  
 Martis sub hac inuocatione : in sancti Mar-  
 celli sub titulo Crucifixi via Lata , in  
 sanctæ Mariæ in Porticu sub vocabulo Con-  
 solationis & gratiarum : in sancti Iulia-  
 ni sub hac inuocatione inter nummularios ;  
 in sancti Gregorij sub hoc titulo ad ripam  
 Tiberis : in sancti Petri in Vaticano titulo  
 Corporis Christi , & eiusdem tituli in sancti  
 Chrysogoni Transtiberim : sanctę Marię Mō-  
 tis Carmeli apud sanctum Martinum ti-  
 tulo Equitij : sanctę Marię Planctus , siue  
 lachrymarum : sanctissimæ Trinitatis conua-  
 lescentium, & peregrinorum : sanctæ Mariæ  
 titulo pietatis in Foro Antonini ; sodalitas  
 Orationis , siue mortis sacramenti altaris in  
 SS. Celsi & Iuliani , & sanctæ Mariæ & san-  
 ctæ Cæcilie Transtiberim. In sancti Quirici  
 in sancti Andrææ inter sapes , sanctæ Mariæ  
 in via lata , in sancti Nicolai , in sancti Lau-  
 rentij titulo Lucinæ , in sanctæ Mariæ titulo  
 Agrippæ , in sancti Nicolai in Carcere Tul-  
 liano, in sancti Blaſij de annulo, hodie trāsſata in  
 apud

apud S. Carolum, & in sancti Augustini ubi  
etiam alia sub inuocatione sanctæ Apolloniae. Deinde sodalitas Pietatis in carceratos,  
& suffragij in mortuos, Stigmatū sancti Frā-  
cisci: SS. Vrsulae, & Catherinae in foro Anto-  
nini, & quæ antiquitate has omnes antecedit,  
societas Confalonis. Quibus iungendæ,  
sodalitas Coquorum sub inuocatione Vir-  
ginis Annuntiatae ad ripam Tiberis. Lanio-  
rum in Ecclesia B. Mariae de Quercu. Sartor-  
um sub inuocatione sancti Hominiboni ipso-  
rum Aduocati prope velabrum. Lignariorum  
apud sanctum Iosephum ad radices Capitoliij.  
Aurigarum sub inuocatione sanctæ Mariae  
Reginae Angelorum. Singulae prædictarum  
sodalitates exercitium habent in omnibus  
operibus Christianæ pietatis, & quampluri-  
mæ ipsarum licet fundatae sint in prænomina-  
tis Ecclesijs; habent tamen separata oratoria  
ad instar Ecclesiarum, in quibus singulis fe-  
stiuis diebus decantant horas Canonicas Di-  
uæ Virgini sacras, quia laicis apud Orthodo-  
xos in Ecclesijs psallere non est permissum.  
Neque Mulieres, hoc christiano exercitio de-  
stituta: antiquissima enim fuit mulierum  
instituta sodalitas in Ecclesia sancti Augusti-  
ni sub inuocatione B. Monachæ matris D. Au-  
gustini,

gustini: nec recentior est sodalitas Florentinorum titulo Misericordiæ, quæ præcipuas admittit matronas, & quarum curæ committuntur fontes mulieres capite plectendæ: Tertia est recentior fundata in parochiali Ecclesia SS. Simonis & Iudæ sub titulo Virginis. His omnibus vna mens est precibus & pijs operibus Deum mundo propitium reddere, & proximum in singulis necessitatibus quoad fieri potest præsentissimè adesse. Proferant quid simile in medium Nouatores: exemplo se reformatos in melius ostendant, qui antiquam omnem Christianam pietatem abrogantes, omnia ab Orthodoxis rectè facta fastidiunt, noua sacra (si quæ apud ipsos sacra) pia vetustate reiecta solummodo amplectuntur, & adeò nouitati student, vt si nupero addatur inuētum recentius, iam illud, priori reiecto, amplectēdum, quia magis nouum. Mirandū sanè quod qui præscriptione tuentur agrum, fundum, domum, præscriptam tot sæculis fidem, adeò facilè reijciant, & omnem antiquam sanctitatem ac sapientiam floccifaciant; & quo tandem impulsore? homine impurissimo; homine vel apostata cucullato vel in petitione beneficij repulsam passo, retulit mihi magnus in Ecclesia Antistes

tistes, Dionysius Archiepiscopus Lugdunensis esse in sua dioecesi nobilem, quendam cuius pater rogabatur a Nouatoribus, ut ad ipsos & eorum transfret impietatem, illum què tum vice versa rogasse: qui vultis suscipiam fidem quæ me ipso est iunior? Noui ego Ioannem Vgonem Caluinum, immo cum annis elapsis ob negotia familiaria Parisijs hærerem sortitus sum, cum homine idem diuersorium & idem cubiculum; vbi tunc ille noctu narrare cuias esset, & quid negotij Parisijs: Iudicant (inquiens) Iudices mihi canonicatum, quem impetraueram non adiudicandum, & quidem iniuste: sed sentient magno Gallix malo, quantus Vir fiet Calvinus: præstitit Vir nequissimus, siue potius immane monstrum quod animo conceperat, & nobilissimū ac opulentissimum totius orbis Regnum ciuilibus ob religionem bellis feread internecionem deleuit, sed iam fauente Diuina clementia optimi ac Maximi Regis virtute huic vulneri obducitur cicatrix.

*De*

*De alijs Vrbis Romæ Summi Dei, Sanctorumq;  
templis in nulla prædictarum Classe com-  
præhensis. CAPVT XI.*

Præter templa & Ecclesias Vrbis hætenus enumeratas, plures aliæ cernuntur quæ certa classe vix possunt compræhendi, huius generis sunt multæ Patriarchalibus & Collegiatis Ecclesijs vnitæ, vt S. Ioannis ante portam Latinam, sanctæ Sabæ, sanctæ Balbinæ, sanctæ Bibianæ, ac plures aliæ; Procuratorum Ordinum Oratoria, diuersorum Religiosorum priuata hospitia, in quibus omnibus ( licet non existat numerus aptus Collegio ) quotidie celebratur sacrum Missæ officium ab vno vel pluribus sacerdotibus. Hoc sine nota nõ prætereundum in vnica Vrbe septuaginta duo reperiri templa Deipatæ Virgini dicata, & tam ista quam reliqua omnia, sacra suppellectile, religiosissimè esse ornata, contra quã ac Puritanorū indecoræ Orationum domus, quæ priuatis eorundem ædibus longè sunt abiectiores, cum tamen nulla vnquam fuerit barbara natio, quæ cultum in Deos exterioribus signis non demonstraret: Iconoclastis, in hoc deteriores, quod nec simplicissimum admit-  
taut

tant sacræ Crucis signum. Gens ista cum primum facultatem obtinuisset condendi Parisijs huiusmodi orationis seu potius impietatis domum operis artificem vocavit in iudiciũ, quod testum Crucis signo rubris, & viridibus regulis distincto communisset, hoc in derisum & contumeliam reformatæ religionis asserens effectum. Respondit Artifex, immò se honoris causa id fecisse, quia videret ædem Virginis summam, ac ipsum Regis palatium Crucis signo notatũ, & si sci-  
uisset gentẽ istam Cruci inimicam, nec lapidẽ quidem pro ea positurum fuisse.



<sup>194</sup>  
DE PIETATE

R O M A N A

THEODORI AMYDENI

P A R S Q V A R T A.

Quæ polyticam Vrbis administratio-  
nem complectitur .

*De Summo Pontifice , eiusq. Consistorio .*

C A P V T I.



D Pietatem spectare polyti-  
cam Reipublicæ administra-  
tionem , vel ex eo conuinci-  
tur , quod Charitatem potissi-  
mum cōcernit in proximum ,  
alteram Pietatis partem : hinc  
legem à charitate proximi alienam , non so-  
lum dicimus iniustam , sed impiam ; quia vi-  
delicet offensio proximi nequit esse absque  
læsione pietatis . In optima ciuitatis admini-  
stratione Vrbis Roma ceteras omnes longe  
antecedit Respublicas . Summa rerum apud  
Ro-



Romanum Pontificem, qui cum duplicem gerat personam Patris, siue Pastoris communis totius Ecclesiæ Catholicæ, & Principis dominij immediatè Ecclesiæ subiecti, nec singula ad vtriusque administrationem spectantia per seipsum gerere valeat, plures in utroque munere habet ministros præcipuè S. R. E. Cardinales, quorum ope & consilio utitur varijs nominibus. Primò & principaliter conuocato Patrum Senatu, quem consistoriū vocant, in quo Pontifex publicare solet grauiora negotia: cum statum vniuersalis Ecclesiæ, tum particularis dominij concernentia: super ijs rogare patrum sententias, & deinde quod factū opus deliberare: & quia consistorium huiusmodi vix singulis hebdomadis conuocari valet, & incidunt quandoque negotia, quæ expeditione indigent celeriori præponitur ijs particularis quædam conscriptorum Patrum congregatio, qui sæpius conueniant, & de gestis, ac decretis Pontificem certiores reddant, penes quem Decretorū exequutio. Alijs negotijs quorum frequens in dies euentus, & quæ integrum Senatum nō merentur, Xistus V. præposuit plures S. R. E. Cardinalium cōgregationes partim ad Ecclesiasticam spectant. disciplinam, ac ipsam penitus reli-

gionem christianam , partim ad ciuilem ad-  
ministrationem . Prima relligionis negotio  
Præposita censetur sanctæ Inquisitionis hæ-  
reticæ prauitatis, in qua discutiuntur, & exa-  
minantur omnes insurgentes cōtra fidem Ca-  
tholicam , ac in eam peccantes puniuntur .  
Conueniunt Patres singulis Mercurij , & Io-  
uis subsequenti coram Summo Pontifice, ex-  
ponuntur acta & gesta in congregatione in-  
ter eos habita . Altera est Illustrissimorū Pa-  
trum sacri Concil. Trid. Interpretum , penes  
quos facultas eiusdem Concil. Trid. sanctio-  
nes, quo ad exequendi modum interpretari .  
Huic congregationi ascribuntur Patrum do-  
ctissimi , & Secretarius illi deputatur scientia  
clarus . Tertia congregatio Ecclesiasticis ri-  
tibus est præposita , cuius curæ commissum  
corrigere si quid in eos peccatum, & supersti-  
tioni ac cultui exteriori in Catholica Eccle-  
sia non admissio obuiâ ire. Quarta congrega-  
tio negotijs Episcoporum, & Regularium est  
præposita, inter quos cum multæ quotidie  
oriâtur difficultates, nec expediat eas solem-  
ni iudicio terminare , facultatem habet hæc  
Congregatio illas sine figura iudicij, vel diri-  
mere , vel componere . Quinta congregatio  
librorum , qui in dies imprimuntur reuisioni  
incum-

incumbit, quos impios iudicat, reijcit, ac Orthodoxorum lectioni interdicat, eorumq. cognomina catalogo librorum prohibitorum affcribit; ac ob id congregatio Indicis nuncupatur: Sexta congregatio de Fide propaganda nuper à Gregorio XV. fuit instituta, cuius præcipuum munus hereticos, & scismaticos ad sanam doctrinam reuocare, bonæq. menti restituere, celebratur bis in mense, & semel coram summo Pontifice. Septima congregatio, quæ ab immunitate Ecclesiastica nomen sumpsit institutorem habuit Urbanum VIII. (cui diutina salus) Pont. Max. in ea referuntur contentiones super iurisdictione inter Regum, Principumve Ministros, & Episcopos, siue Ecclesiasticos viros, ac illud præcipuè curat, vt Ecclesiastica libertas à quouis onere temporali sit immunis; & hæc quidem congregationes concernunt statum vniuersalis Ecclesiæ, quibus adduntur aliæ amplectentes regimen temporalis dominij: quarum prima sacræ Consultæ denominatione cohonestatur à Diuo Carolo Card. Borromeo in hanc quam hodie tenet formam reducta: hanc consulunt omnes & singuli temporalis dominij Rectores, & Præfides in omnibus grauioribus negotijs, siue criminibus,

& facinoribus, quæ contingunt in prouincijs .  
Conueniunt Patres singulis Martis, & Veneris in Palatio Apostolico, leguntur Præsidum Epistolæ, illisq. rescribitur, & præscribitur quid in re consulta agere expediat : Altera temporalis Dominiij congregatio nuncupatur boni Regiminis, huius curæ incumbit prouidere, ne bona cōmunia Ciuitatum, Vrbium, Castrorum, Villarum, ac locorum dominiij Ecclesiastici dilapidentur, sed conseruentur in vsus siue proficuos, siue necessarios . Postrema congregatio insignitur titulo grauaminū, non quod grauamina inferat; sed quod supplices aduersus grauamina à Magistratibus, siue potentioribus illata restituat . Singulæ Congregationes proprium habent Secretarium, penes quem rescriptorum registrum, ac Epistolarum cura . plures habentur ab inferioribus Magistratibus quotidie Congregationes, sed Illustrissimorum Cardd. solummodo in præsentiarum recensere proposui . eæ cum sint non pauca, & plures amplissimi Patres diuersis Congregationibus ascripti, non est profecto quod otio marcescant.

*De Ministris Pontificijs in Palatio Apostolico  
degentibus. C A P V T I I.*

Non hic de famulis quorum ingens, verum  
necessarius in Palatio Apostolico est numerus  
sermonem habebimus, sed de Ministris mu-  
neri alicui, quod publicam spectat vtilitatem  
Præpositis, quorum præcipui qui Pontifici  
sunt a secretis, qui pro negotiorum diuersi-  
tate distincta inter se habent munia: om-  
nium maior est, qui sine alio addito nuncu-  
patur Secretarius Papæ, hic omnes recipit ad  
Pontificem tam Principum, quam sedis Apo-  
stolicæ Nunciorum, ac aliorum quorumcum-  
que datas litteras: super ijs Papam consulit,  
ac ijsdem ad ipsius mentem respondet, plu-  
res iuxta molis exigentiam in munere habet  
substitutos. Alter Secretariorum nuncupatur  
memorialium, quia supplicum recipit libellos  
eosque Pontifici perlegit ac rescriptum Pon-  
tifice dictante apponit, officium hoc a multis  
annis administrat Præfectus Cubiculi, cuius  
apud Principem longior mora. Tertius nun-  
cupatur secretarius Bræuium, qui secretio-  
ribus, & sub annulo Piscatoris expediendis  
præest diplomatibus. Quartus publicis re-

spondet legationibus. Quintus rescripta sacræ Consultæ prouincijs, & gubernatoribus impertitur, eorumque singulas recipit epistolas. Secretarijs saltem primo excepto maior est S. D. Papæ Datarius collationi Ecclesiasticorum, ac concessioni quarumcumque gratiarum Pontificium Præpositus; singulis profestis diebus sanctissimum conuenit, eiq; ingentem supplicū libellorum numerum signandorum proponit, signatos refert ac Ministris Datarie expediendos distribuit. Plures in officio habet ministros, quorum primus sub-Datarij nomine insignitur, alij gratiarum reuiseurs dicuntur. Palatium Apostolicum habitant, eiusdem Sacri Palatij Magister & Sacrista, primus ex ordine Prædicatorum, Alter sancti Augustini. Primò incumbit reuisio librorum & sacrarum imaginum prelo cudendarum, nec non omnium & singulorum librorum peregrè Romam aduectorum, quos summo studio examinat ne quid peruersæ doctrinæ furtim irrepat. in hæc quos deliquisse nouit, digna animaduersione uti ordinarius Iudex corripit, in Theologorum collegio, ac publicis collationibus primum, & in Pontificijs sacris inter Auditores Rotæ secundum locum obinet. Præficiunt ut  
muneri

muneri non nisi summæ auctoritatis viri & doctrinæ: Alteri cura est sacra suppellex. His accedit S.D.PP. Auditor qui caussarum in Signatura gratiæ coram Sanctissimo proponendarum & resoluendarum, informationes, voce & scriptis a partib. colligantibus, acceptas D. Papæ refert. Munus apud Principem præcipuum semper summis iniungitur viris.

*De Ministris Papæ in Palatio Apostolico non degentibus. C A P I T U L U M I I I.*

Nullum Principum præstantioribus domi, forisque fulciri ministris Romano Pontifice non absurdum fuerit audacter affirmare: dicti rationes non deducam ne præscriptum transgrediar institutum præter ministros Vrbianos. Apostolica sedes indiget alijs, qui foris rem gerant, quorum præcipuus Pontificis turmarum Dux cui omnis armorum, ac Militiæ cura, & subsunt ultra quingenti Militum Tribuni, ac Centuriones per loca opportuniora Dominij Sedi Apostolicæ immediatè subiecti dispositi. Alter est Arcis siue molis Hadriani Præfectus, cuius fidei & custodiæ commissa, illicque parent plurimi cum milites tum ministri. Tertius est Pontificiæ

Classis



Classis Præfectus ; cuius curæ commissum Romana littora à Piratis & Prædonibus tuta reddere, eaque triremibus custodire. Quarto loco sunt Prætorianorum cohortium, Centuriones ad Principis custodiam deputati, qui nulli parent superioritati præter quam ipsi summo Pontifici. His omnibus amplum stipendium, quo magistratum cum decore sustineant. Cæterum, quia Vrbs Roma, omnium communis parens, pietate potius quam armis rem gerit, parum præfati Ministri in munere habent negotij, licet ex maiestate sit, eos in omne tempus sustinere.

*De utraque Romani Pontificis Signatura.*

*C A P V T I V.*

Causæ omnes ad Romanā curiam spectantes duplici committuntur signature rescripto, quarū prior Gratia, alterū Signaturæ Iustitiæ nuncupatur. Prima habetur coram summo Pontifice illique præest Card. titulo Præfecturæ, qui impertinentes libellos sæpius Sanctissimo expositos & reiectos, nisi nouè pro iisdem adducantur rationes non admittit : proponuntur libelli a Referendarijs per vices & tribus per singulas Signaturas, quorum

rum

rum quilibet decem refert Commissiones quinque, legali vocabulo, contentiosas, & quinque gratiosas. Contentiosę dicuntur licet indigeant gratiam Principis, quę habent contradictorem, vt sunt deficientium sollemnitatum iuris suppletio: rescripta & diplomata prædecessorum Principum ex noua superueniente causa impugnandi facultas, & similia quę lex scripta non permittit. Gratiose sunt quę nulli inferunt damnũ aut præiudicium, vt dubiarũ Testatorũ mētium interpretationes, certarũ ex causã derogationes, absolutiones, & similia, quę Dataria publicę coram Principe digna cęset relationi Signature huic affidet, ne dum Cardinalis præfectus, sed aliquot alij à Sanctissimo deputati tum Cardinales, tum ex numero Referendariorum; qui curiali vocabulo nuncupantur Votantes, qui rogati à Principe in causis dubijs dicunt sententiam. Altera Signatura quę Iustitię dicitur, singulis ferè hebdomadis habetur coram Cardinale qui illi præest titulo Præfecti: ad hanc spectat committere appellationum causas, executiones sententiarum differre, iurisdictiones Iudicum decernere, prout lex scripta & Iustitia postulat. Singulis referendarijs integrum est, binas Commissiones

missiones proponere super quibus votantes dicunt sententiam, & ad eorum vota notantur rescripta. Tribunal hoc supremæ esse auctoritatis, vel ex eo liquet, quod nulla causa cognoscitur nisi ex illius præscripto; qui sententias dicunt sunt numero duodecim variae & multæ doctrinæ viri, inter quos honoris causa nominandi Aloysius Guiciardinus, Scipio Vicecomes, Albertus Balleonus, & Mangionus. alij suo recedendi loco Cardinali Præfecto tunc demum ius dicendi sententiā quando Votantes in suffragijs sunt pares nec inter se conueniunt, quo casu illi omne defertur suffragium. Hoc difficillimo magistratui ea sapiëntia, & integritate plures annos functus est Sanctissimus D. N. Urbanus Papa VII. I. vt posteriori hoc & Maximi nomine meruerit insigniri. & hodie illi hoc in munere succedit Illustrissimus Franciscus Card. Barberinus prædicti Sanctissimi D. N. ex fratre nepos, qui nostram de eo conceptam spem neutiquam reddit inanem.

*De S. R. E. Vicecancellario , & Magistratibus ab eo dependentibus .*

*C A P V T V .*

Licet singuli Urbis Magistratus dependant à voluntate Summi Pontificis tanquã vnici , & supremi Principis , reliqui tamen præter enumeratos vt plurimum connexionem quandam habent , vel cum Cardinale S. R. E. Vicecancellario , vel certè cum Cardinale S. R. E. Camerario . Prioris antiquior memoria apud S. Hieronymum in Epistola ad Gerontium , qui magistratum hunc obijisse creditur . Et licet hodie summa illius sit potestas ; antiquitus tamen longe excedebat , vtpote quia solus Cancellarius præstabat , quod hodie Pontificis Secretarij , & Datarius Lucas de Penna Epistolam refert B. Isidori , in qua describitur huius magistratus auctoritas : ab ipsius origine non conferebatur nisi Cardinalibus . Benedictus VIII. diplomate indulsit , vt nulli alteri quam Cardinali S. Rufinæ conferendus esset , quod breui transiit in desuetudinem , cum Alexander II. eundem conferret alterius tituli Cardinali : Gregorius VIII. qui Magistratum

tum hunc ante Pontificatum Cardinalis obtinuerat omnium primus contulit, non Cardinali nempe Canonico cuidam Lateranensi, qui ob reuerentiam prædecessorum non ut illi, Cancellarium, sed Cancellarij Vices agentem se dicebat; quę dictio paulatim coaleuit in Vicecancellarium. Bonifacius VIII. Magistratum restituit Collegio Cardinalium, illumque contulit Riccardo Petronio Senensi Compilatori sexti Decretalium, hic antiquioris instituti, vel ignarus vel immemor licet Cardinalis, improprium Vicecancellarij retinuit nomen, quo & hodie crasso errore deturpatur, licet diuersi diuersas denominationis & quidem ridiculas afferat rationes. Sane extant penes me tria autographa diplomatum Alexandri Tertij, & Hadriani Quarti, quibus post Pontificem & reliquos Cardinales subscribit Cancellarius, videlicet Dat. Lat. per manum Rolandi S.R. E. Presbyteri Card. & Cancellarij. Alphonso Ciaccono per omne id tempus, non Vicecancellarij, sed Cancellarij sunt. Cancellarij primus Minister est Cancellarię Regens, deinde litterarum Apostolicarum Abbreviatores, post sacri Collegij Notarius, & alij multi, quos prolixum esset recensere. Præter auctoritatem

Mini-

Ministorum præminentiam quandam habet in suprema Urbis Tribunalia, nempe in Sacre Rotæ, cuius Auditores non nisi prævio coram ipso admittuntur examine. Tribunal hoc siue ~~Iudicium~~ auctoritatē Iudicij consideres, siue Iudicum dignitatem spectes est planè totius orbis celeberrimum: auctoritas quidem late se pandit, quippe quæ vniuersum Christianum comprehendit orbem, e quo causæ beneficales, & ad forum Ecclesiasticum, spectantes per appellationem ad illud deuoluuntur, vltra ciuiles domini Ecclesiæ immediate subiecti, & extra dominiū inter Magnates & Potētes, qui aliū superiorē nō recognoscunt. Iudices verò integritate conspicui eam scientiā habēt & prudētiā, cui nulla potest fieri accessio, proprie dicā: muneri parem. finxit oculata verustas, post Astreæ in Cælum raptum Iustitiam terras deseruisse: quod si aliqua remansit orbi, eam non in alio quam hoc tribunali censeo reperiri. sunt Patres numero duodecim, quorū nomina honoris & reuerētiæ causa decretum hic apponere. Io. Baptista Coccinus Venetus, Rotæ decanus, Sacre Pœnitētiariæ Præfectus, siue Regens. Alphósus Manzanedo de Quinones Hispanus e Regno Castellæ Patriarcha Hierosolymitanus

Io. Ba-

Io. Baptista Páphilius Romanus Sedis Apostolicæ in Regno Neapolitano Nūcius. Iacob. Caualerius Romanus Sanctissimi D.N. Urbani Papæ VIII. Datarius. Philippus Pirrouanus Mediolanensis. Franciscus Vbaldus Perusinus, Fabritius Verospius Romanus Vmbriæ & Perusiæ Præfectus. Matthæus Burattus Bononiensis. Gulielmus Dunozer Gallus Episcopus Seleuciensis. Io. Baptista Remboldus Germanus. Clemens Merlinus Gregorij XV. quondam Datarius Foroliuiensis. & qui designatus, sed nondum in Collegium ascitus. Paulus Durandus Hispanus ex Regno Arragonensi. Eandem quam Cardinalis Cancellarius in Rotæ Auditores præminentiam in Concistorialis aulæ habet aduocatos, qui eo coram subeunt idoneitatis examen. Cancellarij auctoritatem agnoscunt Iudex Confidentiarum & Auditor contradictiarum non spernendi in Curia Magistratus. Demum cū quamplurima sint in Curia Romana officiorum Collegia, nullum eorum est, quorum aliqua non sint vti sedi Apostolicæ ita muneriri Cancellarij affecta, quod nulli alteri contingit Magistratui.

De S.R.E.



*De S. R. E. Cardinale Camerario, &  
Magistratibus ab eo dependentibus.*

C A P V T V I .

Camerarij munus licet vetustatem Cancellarij non attingat, est tamen perantiquum cuius curæ commissus publicus Ecclesiæ census, vnde maximam tū domi tum foris exercet Iurisdictionem: innumeri prope subduntur illi auxiliares magistratus. Omniū præcipuus Gubernator Urbis, qui Vicecamerarius nuncupatur: Iurisdictionem habet in maleficos, & facinorosos, ne dū in Vrbe, sed in toto illius districtu, multos alit astitores, apparitores, relatores, scribas, satellites, Indices, & eius generis hominum plures. Hi omnes Urbem & vicos tanta diligentia, à sicarijs, & latronibus curant, vt nusquam terrarum tutius quam in Vrbe domicilium, diu, noctuque longe securius inermem quam armatum deambulare. Gubernatori in dignitate succedit Auditor Cameræ, ne dum Urbis & dominij Ecclesiæ immediatè subiecti, sed omnium Clericorum Christiani Orbis quauis dignitate Fulgentium tam in ciuilibus, quam criminalibus causis competens iudex: duos

O iam

iam pridem AC. præcipuos sub ditione sua habebat Iudices, quos vulgari vocabulo Curia Romana vocat locumtenentes. Vnum in Iudicijs ciuilibus, alterum in Iudicio criminum. Verū cum ciuiles causæ adeo excreuerint, vt vnus tanto oneri par non sit Sanctissimus D. Noster Vrbanus, vt litigantibus & iudiciorum breuitati consuleret, duos creauit locumtenentes ciuiles, vt muneris diuisio faciliorem reddat litium finem. Qui hodie hanc obeunt prouinciam, Viri sunt doctrina eximij Alexander Bigus, & Camillus Meltius. Multos habet Auditor Tabelliones actuarios, aliosquē in munere ministros quos breuitatis studio prorsus omitto. Qui sequitur Magistratus Cameræ Apostolicæ dicitur Thesaurarius huic magna auctoritas, quia apud eum ratio totius patrimonij Ecclesiastici spoliōrū prouentus, quibus ipse per prouincias syngrapho destinat Collectores; sequuntur Cameræ Apostolicæ Clerici ad instar Rotæ numero duodecim, quibus similiter iurisdic-tio eximia. Primò quidem Urbis curant œconomiam, quæ cum in multis consistat, pro vt non pauca requiruntur, ad commodum, victum humanum necessaria; aliquot instituunt munia siue officia, quæ inter se iuxta-

cuius-

cuiuscumque genium distribuunt. Vnum Vijs ac Pontibus reficiendis præficiunt; Alteri annonæ cura committitur; Tertiò carni-um procuracionem imponunt; & sic singulis singula. Horum cura sit, vt nullius rei vnquam in Vrbe ad mortaliū victum spectantis sit penuria; Secundò Ecclesiæ penum quibus possunt modis, honestis tamē summo studio seruant; & augēt; Tertiò causarum, quæ cōtra Camerā, vel pro Camera introducuntur sunt Iudices: ex præfatis magistratibus, quemadmodum ex Sacro Rotæ Auditorio, multi in Cardinalium Collegium ob diutina studia coaptantur. Ad Cameram similiter spectant Procurator Fisci; fontium terror, & Procurator peculij priuati, qui vulgo Cameræ Commissarius, cui additur causarum cameræ Aduocatus. Hi omnes regulariter bis conueniunt in hebdomade, & quid utile, quid expediens, quid demum optimo regimini consentaneum exactis argumentis discutunt. In causis tamen iudicialibus solis Clericis duodecim viris illis ius dicendi sententiam, reliqui consulunt, & quid sentiant opportune suggerunt. Camerarij munus in præsentiarum exercet Illustriss. Hippolytus Card. Aldobrandinus Clementis VIII. ex

sorore pronepos Vir magni ingenij, & ad  
quæque aptus licet ardua.

*De Card. D. PP. Vicario.*

*CAPVT VII.*

Licet Romanus Pontifex non vnus Urbis,  
sed totius & vniuersalis Ecclesiæ sit Epi-  
scopus, & ut loquitur Canon Ordinariorum  
Ordinarius: particularem tamen in Vrbe gerit  
Pastoris curam, vnde ad instar reliquorum  
præsulum in hoc munere adsciscit, sibi ex  
Cardinalibus Vicarium: qui Iurisdictionem  
in Vrbe ciuilem & criminalem exercet in  
laicos & clericos, quosunque, seculares &  
regulares, in moniales, in meretrices, in He-  
breos tanquã in miserabiles personas. Præci-  
pius curarũ scopus Ecclesiasticã disciplinã  
verbo & exemplo sanctam rectam seruare, in  
id leges dicere, in transgressores animadu-  
tere. Duos habet præcipuos in munere auxi-  
liares substitutos, primum Vicelgerentis vo-  
cabulo notant, alterum Iudicem Vicarij di-  
cunt: Priori incumbit Monasteriorum, Eccle-  
siarũ, & regularis disciplinæ procuratio, ac in  
vniuersum ut supra iurdictio: Posterior Iu-  
diciales causas inter huic Iurisdictioni subie-  
ctos

Hos iudiciario ordine præscriptis legibus terminat. Hos præter Vicarius tertium habet Iudicem, videlicet malefactorum, & illi necessarios substitutum, tabelliones, astitores, & satellites. magistratum summa laude gerit cuius in prima parte fecimus mentionem. Cardinalis Millinus.

*De Cardinale Summo Penitentiario.**C A P V T V I I I.*

Cum omnis soluendi & ligandi potestas Romano Pontifici Christi in terris Vicario non ab homine, sed à Deo tributa sit, idque Vniuersalis Ecclesia tot seculis constantissimè docuerit, malò genio agunt nouatores nuper exorti, qui præ sua amenti superbia omnem antiquitatē hoccifaciunt. Sanè si ratione agerent à tantorum sententijs patrum, tot seculis firmatis non recederent vel si prorsus desipere propositum: cum antiquitate & religionis nomen abijcerent, aliaque sacra quærerent, vel certè quisque se sibi Deum statueret, vel denique prorsus eum in corde suo abnegaret. Neque enim maior ratio cur potius Christum Dei Filium, quàm quæ catho-

lica præscribit Ecclesia vera non esse credant. Diuinitas Christi asseritur Euangelio, & eodẽ Petri potestas, in vtroque verax, vel in vtroq; mēdax. at illud de potestate Petri indiget interpretatione: nullus sim si verba vtriusque assertionis cōparentur, eandem non habeant vel obscuritatē, vel claritatem. sed linguamur ex voto cæcutientes & reuertamur ad Pontificem qui in absolutionis munere habet delegatum summum Pœnitentiarium vnum ex Cardinalibus, cui dēmandata ampla hæc vt mox dicemus prouincia: si prius muneris Originem pāucis inuestigauerimus. Initium verò sumpsisse videtur temporibus SS. Cypriani & Cornelij circa annum Domini 200. quo cum Christianorum nonnulli metu mortis Idolis sacrificia obtulissent, & dissidium ortum in Ecclesia an facinus detestantes recipi deberēt, quod dissidium Nouatiano scismatis causam dedit: vicit eorum sententia: qui recipiendos dicerent, sed constituti sacerdotes qui admissæ culpe pœnitentiā iniungerent hi à munere. Pœnitentiarij dicti sunt. Summi autem Pœnitentiarij munus institutum volunt alij vt Panuinus a Gregorio X. alij cum Gomesio in præfatione ad regulas Cancellariæ à Benedicto XII. Vtriusque senten-

sententię fides apud suum sit auctorem: antiquissimum esse non dubitamus. Pœnitentiarij auctoritas maxima, vt qui facultatem habeat à Pontifice sibi delatam, absoluedi à quacunquē labe etiam ipso summo Pontifice reſeruata. ne magnam prouinciam ſolus obeat adiunctos habet aliquot aſſeſſores qui Vicariam illi nauant operam: & quia ex vniuerſo Orbe ſcripto deferuntur caſus: quorum reſolutio ad ſummū ſpectat Pontificem, plures habet ſcribas qui libellorum reſponſa, occluſis mandant epiſtolis: rogantibus quocunquē terrarum, nulla mercede recepta, tranſmittendis.

Munus igitur Pœnitentiarię obitur primò per Card. Pœnitentiarium cui immediatè ſubſeſt S. Pœnitentiarię Regēs qui eſt loco Vicarij, & cui imponitur tota diſſicillimorum negotiorum farcina. Deligitur ad id ex Rom. Curię Præſulibus vir morum ſanctitate & literarum ſcientia vndequaue conſpicuus. Vtrique horum tū adſunt, tum ſubſunt Conſultores, Theologus, Canoniſta, Datarius, Cor rector. Præpoſiti totidē diplomatu ſcriptores expeditioni libellorū a ſummo Pœnitentiarario ſiue Regente per verbū: *Fiat de ſpeciali mandato ſanctiſſimi*. Signatorum libelli hac nota



signati traduntur correctoribus, quos correctos ijdem porrigunt scriptoribus vt diplomata super ijs conficiant, confecta parti petenti, siue agentibus nihil penitus pro labore, nec quidem pro papyro, siue alijs ad confectiōnem diplomatum necessarijs (in quibus non parua insumitur pecuniarum summa) recepto, obsignata restituant. Iurisdictioni summi Penitentiarij; parent Penitentiarij minores per Urbis Patriarchales (de quibus cap. 7. secundæ partis habuimus sermonem) dispositi, magistratus hic trecentis ab hinc annis non nisi Cardinalibus collatus est; licet ante id temporis solitus esset conferri extra collegium. Plures eo functi, ad summum ascendere Pontificatum, & non pauci diuorum catalogo ascripti, inter quos diuus Raymundus de Pennafort. Beatus Nicolaus Albergatus Card. sanctæ Crucis in Hierusalem nuncipatus, & nuper sanctus Carolus Borromeus Card. sanctæ Praxedis.

*De Prothonotarijs Apostolicis.*

*C A P V T I X.*

Prothonotariorum Apostolicorum munus in Vrbe antiquissimum à D. Clemente tertio Petri successore fuit institutum : horum provincia erat martyrum acta in annales redigere, & hodie in canonizationibus sanctorum conficiunt processus, ac rogatum exhibent quodcumque D. Papa magnum quoddam aut singulare, seu ipse perficit, seu perficiendum mandat. Clemens Octauus cum Ferrarie inter Philippum I I I. Hispamiarum Regem & Margaritam Austriacam Matrimonium publicasset. hanc rem inter acta publica redigi voluit à Maphæo Barberino tunc Prothonotario Apostolico hodie summo Orbis bono ad supremum Pontificatum, cui salus & vita euecto. Prothonotarij nullam in Vrbe exercent Iurisdictionem, sunt tamen non minime auctoritatis, vt qui in Curia maximam habeant præminentiam, & facultatem creandi Doctores & Notarios, quod vt faciant egrediuntur Urbis mœnia, quia in Vrbe non concessum.

*De Populi Romani Magistratibus.*

## CAPVT X.

Romanum Pontificem esse Urbis Dominum iustis nominibus adeo demonstratum: multis est, ut de eo ambigere sit nefas: Vnde licet ratione huius principatus inuectifuerin noui magistratus, non tamen prorsus populo abrogati priores, cui ius potestatemque, saluam omnes usque in presentem diem voluere Pontifices. Populi Romani Magistratus sunt plures; quorum primus qui Urbis dicitur Senator, huic adiuncti tres causarum Iudices, duo ciuiliū, qui Collateralium notantur vocabulo, tertius criminaliū causarū. Senatori facultas est in fontes etiam capitis poena animaduertere, unde armatam habet familiam; fiscum, scribam. Ciuiles causę inter ciues Romanos coram Senatore, eiusquę agitantur Collateralibus, a quibus singulis datur appellatio ad Capitaneum quem vocant Appellationum Romanorum similiter magistratum a quo rursus prouocatur ad Senatorem & Collaterales Iudices non uti singulos, sed tanquam vniuersos qui sæpius pro causarum cognitione conueniunt conuentusquę hic patrio

trio vocabulo Affettamentum nuncupatur. His omnibus in Capitolio sedes. Senatorem hac tempestate agit Baldus Masseus Camers olim mihi in Aduocationis munere amicissimus collega, cuius nomen huic insertum, esse operi quod sæpius mihi commendauit omnino oportuit. Alius Romanorum præcipuus magistratus est Urbis Conseruatorū in locū antiquorū Consulū subrogatorum, quorum curæ cōmissi Urbis muri, aqueductus, & quæcunque ruinosa extat vetusta moles. Edicunt ne quis mechanicorum mercem cariori quam præscripto pretio distrahat, pondera & mensuras curant; in delinquentes animaduertunt citra tamen capitis pœnam. Mortuo Pontifice per interregnum omnem rempublicam concordī cum sacro Collegio voto administrant. Magistratus confertur in solos tres menses, qui tamen ad alios tres similes solet prorogari.

Qui hodie magistratum hunc gerunt, & conatui meo addiderunt calcaria innominati prætereundi non sunt, sed honoris & obseruantiae causa eorum nomina apponenda:

Curtius

CVRTIVS SERGARDIVS }  
 RAPHAEL CASALIVS } CONSS.  
 FRANCISCVS CATALANVS }  
 FELIX AMATORIVS CAP. REGION. PRIOR.





Eiusdem Romani Populi magistratus sunt Magistri viarum, quibus cura ne quis vicinum, alius tollendo domum opprimat, lumen demat, solum occupet, viam publicam impediat. Pontes curant, plateas, & vias publicas, quas una cum Clerico Camera ad id designato, ubi opus reficiunt. Et ne rusticorum prædiorum in pomerio limites termini & sèpès, transgrediantur à potentiori vicino: præpositus illi curæ magistratus, qui magister Iustitarius dicitur, cui in prædictis omne imperium. multum Vrbi commoditatis & vtilitatis simul affert qui eam secat Tiberis, ne dum linternibus, sed maioribus scaphis & celocibus nauigabilis, quibus e Mediterraneo subducuntur ad fluminis ripam quamplurimæ merces, nautis præpositus Romanus magistratus, qui dicitur Camerarius Ripæ, hic inter nautas, vectores, & cum ijs habentes dissidia ius dicit, & quamcunque super portorio aut re simili differentiam ex templo & breui manu dirimit.

*De Gubernatore Urbis Leonina.*

*CAPVT XI.*

Vrbs Leonina vulgò nuncupata Borgo, de qua hætenus sæpius mentionem fecimus

ut est Tiberis amne a reliqua Vrbe diuifa, ita proprium & separatum habet Rectorem, ampliffimus est magistratus, & qui Pontificis confanguineis ut plurimum solet deferri: omnem illic exercet Iurisdictionem, ne dum ciuili Iudicio sed criminali, habetque idem ius gladij in hac Vrbe, ac in reliqua illius Gubernator & deputatos ad id Iudices, carceres, satellites, actuarios, scribas.

*De Curia Sabellorum. CAPVT XII.*

Sabellicæ familiæ vetustum decus hinc elucescit quod in Vrbe Roma, vbi solus Princeps Papa: a quo cæteri dependent magistratus a multis annis in fontes & noxios exercet Iurisdictionem. Iudicem deputat familiæ senior, qui proprium habitat palatium, in quo carcer, milites, scribæ, & actuarij: habet ius gladij ad instar reliquorum Iudicum, nulliquè paret nisi supremo Principi; cui actorum reddit rationem, stipendium tamen & Magistratus prouentus spectat ad nominantem Sabellum.

Ex his videre licet quot Custodibus tranquilla reddatur Vrbs, qua nullum sanè aliud tutius domiciliū. Nec est quod admittantur leges, sed crimentur mores, sanctiones principum,



pū, populi ritus s̄ctissimos esse, sed male à magistratibus administrari Quādo nō potentior in ludicio praualeat? quando vincitur Fiscus, aut Camera succumbit? rarò fateor: sed anne hoc ipsum cuicumque imperio non commune? quotusquisque Magistratum vel in Republica op̄imè constituta, ita munus exerceet suum vt ius & ratio postulat? non plus loci potentia quam aequitati tribuit? si vniuersum percurramus Orbē inueniemus pauciores qui publico quam sibi litent. sed hæc perpetua mortalium praua conditio, vt quod optimum, ratione commodi proprii vel non agnoscant, vel agnita respuant. Vnde ( si videris inquit Ecclesiastes ) calumnias egenorum, & violenta iudicia, & subverti iustitiam in prouincia, non mireris super hoc negotio, quia excelfo excelsior est alius, & super hos quoque eminentiores sunt alij. & insuper vniuersæ terræ Rex imperat seruienti; reprehendi magis istæc possunt, quam emendari. Non negauerim magistratus iniuncti muneris quandoque oblitos; ea perpetrare quæ nisi cum rubore possunt narrari, sed si Pontifices iniuriam relcuerint male actorum dant debitas pœnas: nonne & non semel vidimus magnæ auctoritatis magistratus in-

ter

ter nebulones ad triremes protrudi? aliorum-  
 què ceruices præscindi? illud in vniuersum  
 audacter affirmo nusquam terrarum iustitiam  
 minus lædi, quam Romæ: vbi facillimus cui-  
 cumque vel infimæ fortis ad Principem re-  
 cursus: quo freno suoapte ingenio mali retinen-  
 tur in officio velint nolint. Neque obijcienda  
 litium ciuiliū longæ & intricatæ ambages,  
 vt quandoque satius sit semel succubuisse,  
 quam vicisse sæpius; & seuera truciaquè Iu-  
 dicum criminalium supercilia, & propemo-  
 dum tristis inhumanitas. Nam quod ad  
 lites attinet, earum natura est vt quamfacile  
 sumant principium, eo difficilius recipiant  
 terminum. Instat victus iterum audiri, no-  
 uas sibi & non deductas obuénisse rationes  
 & iura: ne fiat iam impotentia Iudicis cœ-  
 lum pertingit; iniustitia baratrum offendit.  
 quis ergo modus? nempe hic, vt audiamus  
 querentem, illiquè indulgentiam potius præ-  
 beamus quam adhibeamus fidem. Reorum  
 Iudices aspectu terri si vultui similes non ad-  
 dant mores, agunt officium; sagax antiqui-  
 tas reis iudicâdis præfecit Aeacum Minoem  
 Rhadamantum; non Eurialum, Adonidem,  
 Narcisum: illisque præposuit Plutonem, non  
 Apollinem, quis fontes benigne ducit exci-  
 pien-

piendos? quis iudicibus permittit comitatem?  
si rem metiamur apta linea reperiemus con-  
gruentem. Verum ista, sæculum potius,  
quam gentem aut imperium respiciunt, de  
quo remissius quærere hominis est parum sa-  
pientis. Ne dicas (inquit idem Ecclesiastes)  
cui tempora ista peiora sunt prioribus? stulta  
enim est huiusmodi interrogatio, quia quod  
fuit, futurum est, nihilq. sub sole nouum.  
Deceptus Flaccus cum caneret.

*Aetas Parentum peior auis iulii*

*Nos nequiores mox duros*

*Progeniem vitiosorem.*

Nam licet per determinatas temporum  
periodos sæcula reddantur infortunata modo,  
modo beata; nullum ex his stabile, aut firmum,  
sed ut omnia in orbis aguntur modum, ita hæc  
istis & ista his succedant necessum est. Sanè si  
longe retroactorum reuoluamus temporum  
annales, liquebit ex ijs præsentis seculi mores  
esse in omnibus meliores, cui nec vocabula  
relicta sunt eorum, quæ tunc perpetrabantur  
scelerum. Urbani VIII. debetur felici-  
tati, ut periodus hæc diu sistat, ac quem vo-  
luit gyrum in perfectius vergat. Hunc Deus  
Optimus Maximus Ecclesiæ suæ nobis omni-  
bus orbi vniuerso diutissimè seruet incolumem.

*De*

*De Audientia Magistratuum coram summo Pontifice quibus ius gladij, & in fontes animaduersio.*

Inter plures quos enumerauimus magistratus qui reos plectunt, aliqui dicuntur Iudices Ordinarij, Præfectus Vrbi, siue Gubernator, Auditor Cameræ, Vicarius Populi Senator, & Gubernator Urbis Leoninæ. Hi singulis hebdomadis statò die ordinariam coram summo Pontifice habent Audientiam, ipsumquè omnium quæ in eorum geruntur tribunalibus reddunt certiore, quos habeant carcere detentos, quibus pro delictis, quid reus factus sit, quid testibus probatum, nulli infligitur poena, (saltem grauis) nisi hoc Pontifici admissum fuerit expositum. Pontifex nunquam poenas auget, sed easdem ut plurimum mitigat, & quando atrociora incidunt ne iustitiam subuertat, magistratuum iudicio animaduersionem secundum leges relinquit. quos iterum, atque iterum monet, caueant à sequitia, & ne quemquam quouis prætextu, vel in minimo scientes, vel incuria ludent. Recensendum hoc loco antiquissimum Aula Pontificiæ institutum,

tum, cuius causam existimo non omnibus notam. Pontifex cum Regum Oratoribus, siue Cardinalibus recenter in sacrum Collegium coaptatis, publicum Concistorium præscripta consuetudine exhibet, & eos aliquando per aliquot temporis spacium præstoletur necesse sit: ne quicquam otio detur. Aduocatorum Concistorialis Aulæ vnus coram eo luculentam, quâ atrocissimum quodque fingit crimen habet orationem, patrem à filio immanissimè peremptum, fratrem à fratre veneno sublatum; stuprum virgini indignè extortum, vim impotenter illatam, maiestatem summo scelere læsam. Propositum casum multis rationibus exaggerat, vt Pontificem ad vindictam iuxta leges impellat.

Et hoc non alia de causa quam vt Pontificibus suo ingenio mitibus aculeos acuat, eisquè legum seueritatem Urbis rogatæ necessariam etiam atque etiam conficito scelere commendat; vt si postea quid simile verè contingat sacerdotali pietate contrarium suggerente inultum nõ prætermittant. Et hæc quoad Urbem Romam; quod verò ad provincias illi subiectas spectat, illas diuersis præsidibus commissas supra ostendimus: quibus ius quidem, sicarios, homicidas, aliosquè delin-

delinquentes vinculis coercendi, processum in eos fabricandi, non tamen ex lege animaduertendi; Vnde processum transmittunt ad sacram Consultam, de qua supra habuimus sermonem, quem Illustrissimi Patres subtilissima indagatione examinant, eoque examinato, contra vel pro reo decernunt. Decretum Patrum, Secretarius refert Sanctissimo, qui quâdoque ex causa sibi bene visa illud moderatur, immutat, vel penitus tollit, & demum non nisi eo sciente & coniuente sortitur effectum. Ex his lector videas licet, quam pro miraculo habendum sit summum Pontificem tot curis distentum, parua quæcunque ad salutem mortalium spectantia, nedum advertere, sed summo studio curare, vt relligiosè credi possit, eum (nisi præsentius assisteret Numen), tot laboribus mortalem excedentibus, imparem fore.

L A V S D E O.

